



৪০৫  
নারায়ণ  
সান্যাল

৭০৭

না-মানুষের  
পাঁচালী







না-মানুষের পাঁচালী

# না-মানুষের



দে'জ পা ব লি শিং:॥

# पंचाली

44

709

संग्रह संग्रह



দ্বিতীয় সংস্করণ :

জ্যৈষ্ঠ, ১৩২৪

খ্রি, ১৯০৭

বঙ্গাব্দকাল : ১৩০৩

গ্রন্থের প্রকাশ : এপ্রিল ১৮৪

প্রকাশক :

হত্যায়ত্ন বে

হেঁম নাথালিশিং

১৩ বঙ্কিম চ্যাটার্জী স্ট্রিট

কলিকাতা ৭০০০৭

গ্রন্থের :

পৌত্তম বার

অন্যকরণ :

লেখক

মুদ্রাকর :

শ্রীপঞ্চানন ঘানা

ঘানা প্রিন্টিং কম্পানি

৪০/১ বি, শ্রীমোপাল মল্লিক লেন

কলিকাতা ৭০০০১২

দাম : ১২ টাকা

Acc. No. - 19825



উৎসর্গ

'না-স্বাভাব'ের দ্বারা ভালোবাসে সেই  
নব 'না-পূর্ববাস্ত'ের—এক দাঁড়া  
তারের ভালোবাসতে শেখান  
সেই নব অভিজ্ঞানকরের উদ্দেশ্যে—

THE  
LIBRARY OF THE  
MUSEUM OF NATURAL HISTORY  
AND  
GEOGRAPHY  
OF THE  
CITY OF BOSTON

কাহিনীগুলির 'আমি' কিন্তু বর্তমান লেখক নন। বিভিন্ন 'না-মাছুষ-প্রিয়' মাছুষের ভূমিকায় 'আমি' অভিনয় করে গেছেন।

'না-মাছুষের কাহিনী', 'পদ্মপত্রবিহারিণী' এবং 'পিতৃহের দায়'এর 'আমি' হচ্ছেন জেরাল্ড ডারেল (Gerald Durrell)। তাঁর 'Encounters with Animals' এবং অগ্নাগ্র বই থেকে গল্পের মূল কাঠামো তৈরী করা হয়েছে, যদিও নানান জীববিজ্ঞানের গ্রন্থ থেকে আরও তথ্য যুক্ত করেছি। এক সময় টাইমস্ লিটারারি সাপ্লিমেন্ট এ'র স্মৃষ্টি বলেছিল, 'If animals, birds and insects could speak, they would possibly award Mr. G. Durrell one of their first Nobel Prizes'.

'পেটুক' গল্পের 'আমি' হচ্ছেন ডি. লরেন্স। তাঁর মূল কাহিনীটির নাম— 'Paddy : A Naturalist's Story of an Orphan Beaver'.

কোন কাহিনীই অম্লবাদ করিনি, কাহিনীগুলি অবলম্বনে বঙ্গভাষাভাষী পাঠকের উপযুক্ত করে পরিবেশনের চেষ্টা করেছি।

নরনারীর জীবনের এক বিশেষ পর্যায় অম্ললেখিত থাকাই যদি কিশোর-সাহিত্যের সংজ্ঞা হয়, তবে এটি কিশোরপাঠ্য বই। আমি কিন্তু বিভূতিবাবুর 'চাঁদের পাহাড়', শরৎবাবুর 'মহেশ' এবং জ্যাক লগনের Call of the Wild অথবা White Fang-কে কিছুতেই কিশোর-সাহিত্য বলে মেনে নিতে পারি না। অপরপক্ষে 'হোয়াইট ফাঙ'-এ নেকড়ে নায়কের সঙ্গে কোলি-কুস্তির রোমান্সের বর্ণনার অপরাধে সেটি কিশোরপাঠ্য নয়—এ-কথাও মানা চলে না। প্রসঙ্গত বলি, অগ্নাগ্র গল্প কিশোর-বার্ষিকীতে প্রকাশিত হলেও 'না-মাছুষ বিজ্ঞানী' আত্মপ্রকাশ করেছিল পূজা-সংখ্যা 'প্রমা' পত্রিকায়। ওর রস শুধুমাত্র কিশোরদের উপযোগী মনে করলে সম্পাদক অধ্যাপক পবিত্র সরকার মশাই নিশ্চয় রচনাটি প্রত্যাখ্যান করতেন।

তবু পাঠক-হিসাবে আমার মনশ্চক্ষে নিশ্চয় উপস্থিত ছিল অল্পবয়সীরা। তাই পাঠক-পাঠিকাকে আমি সর্বত্র 'তুমি' সম্বোধন করেছি।

বসন্তের সন্ধ্যা



‘না-মানুষের পাঁচালী’-র অগ্রজ :

- |                                      |                                   |
|--------------------------------------|-----------------------------------|
| বকুলতলা পি. এল. ক্যাম্প 1955         | বিহঙ্গবাসনা ( হে হংস বলাকা ) 1973 |
| বন্দুক 1958                          | * বিশ্বাসঘাতক 1974                |
| ব্রাত্য 1959                         | সোনাল কাঁটা 1975                  |
| বাস্তববিজ্ঞান 1959                   | অশ্লীলতার দায়ে 1975              |
| মনামৌ 1960                           | * মাছেব কাঁটা 1975                |
| * নৈমিষারণা ( অরণ্যদণ্ডক ) 1961      | * লালজিকোণ 1975                   |
| দণ্ডকশবরী 1962                       | * পথের কাঁটা 1976                 |
| * অন্তর্লীনা 1962                    | নক্ষত্রলোকের দেবতাছা 1976         |
| অলকনন্দা 1963                        | * পঞ্চাশোধে 1976                  |
| মহাকালের মন্দির 1964                 | অবাক পৃথিবী 1976                  |
| সত্যকাম 1965                         | আঞ্জি হতে শতবর্ষ পরে 1976         |
| * পথের মহাপ্রস্থান 1965              | হংসেশ্বরী 1977                    |
| * নীলিমায় নীল 1965                  | চীন-ভারত লণ্ড-মার্চ 1977          |
| অপরূপা অজস্তা ( অজস্তা অপরূপা ) 1968 | প্যারাবোলা-স্তার 1977             |
| * নাগচম্পা 1968                      | ঘড়ির কাঁটা 1978                  |
| * তাজের স্বপ্ন 1969                  | * লিওবার্গ 1978                   |
| * আমি নেতাজীকে দেখেছি 1970           | আনন্দ-স্বরূপিণী 1978              |
| নেতাজী রহস্য সঙ্কানে 1970            | * কুলের কাঁটা 1978                |
| * পাষণ্ড পণ্ডিত 1970                 | তিমি-তিমিঙ্গিল 1979               |
| * ভ্রূপান থেকে ফিরে 1971             | ভারতীয় ভাস্কর্যে মিথুন 1980      |
| * কালো কালো 1971                     | গ্রামোন্নয়ন কর্মসহায়িকা 1980    |
| শার্ক হেবো 1971                      | কিশোর অমনিবাস 1980                |
| আবার যদি ইচ্ছা কর 1972               | উলের কাঁটা 1980                   |
|                                      | অরিগামি 1982                      |
| আমি রাসবিহারীকে দেখেছি 1973          | লা-জবাব দেহুলি—অপরূপা আগ্রা 1982  |
| * গজমুক্তা 1973                      |                                   |

না-মানুষের পাঁচালী’-র অনুল্লজ :

- |                      |                                    |
|----------------------|------------------------------------|
| Immortal Ajanta—1984 | স্মৃত্ত্বকা একটি দেবদাসীর নাম—1984 |
| * বোদ্যা—1984        | Erotica in Indian Temples—1984     |
| * আমাদের প্রকাশনা।   |                                    |

- \* 'বাস্কেল' 1984 মিলনাস্তক 1985
- \* বাট-একষষ্টি 1985 স্তম্ভিকা কোন দেবদাসীর নাম নয় 1985
- \* নাকউচু 1986 \* ডিঅনেল্যাণ্ড 1986
- \* লাভলিবেগম 1986 পূর্ববৈয়া 1986
- \* অ-আ-ক-খনের কাঁটা 1987 কারুতীর্থ কলিঙ্গ 1987

\* প্রবন্ধক—[ বিজ্ঞান জগতের 'বিশ্বাসঘাতক'-এর পরিপূরক ললিতকলার প্রবন্ধনা ] 1987

'...পয়োমুখম্'—[ কুভমেলার 'পূর্ণকুম্ভ' বিষয়ে ] 1987

মগজস্তু :

না-মানুষী বিশ্বকোষ :— না-মানুষদের বিভিন্ন তথ্য ও কাহিনী  
 [ ANIMAL ENCYCLOPEDIA ] প্রথম খণ্ড : অ্যামিবা—সরীসৃপ  
 দ্বিতীয় খণ্ড : পাখি—প্রায়-মানুষ

## না-মানুষ বিজ্ঞানী

একবার আমি আফ্রিকা থেকে নানান খাঁচা-ভর্তি জীবজন্তু নিয়ে ফিরছি—উটপাখি, জিহাফাচ্চা থেকে শুরু করে কাঁকড়া-বিছে, বাহুড়, মাকড়শা—কী নেই আমার হেপাজতে? শ'তয়েক খাঁচা, তাদের খাও ও ঔষধপত্র মিলিয়ে সে এক এলাহি কাণ্ড! এই প্রকাণ্ড বাহিনীর যথোপযুক্ত খিদমৎ করতে তুজন আফ্রিকানও চলেছে আমার সঙ্গে, বিল আর জর্জ। যে জাহাজে ফিরছি তার নাম 'সী-কুইন' এবং তার ক্যাপ্টেন ছিলেন এফজন আইরিশমান, ক্যাপ্টেন ম্যাকগ্রেগরি। ভদ্রলোক জন্তু-জানোয়ার একদম বরদাস্ত করতেন না। ছুঁর্ভাগাই বলতে হবে। ছুঁ তরফেই। কিন্তু তুলনামূলক বিচারে আমার ভাগ্যটাই বেশি খারাপ। কারণ আমি তাঁর ওদাসীন্ড, এমনকি ঘণাটাও হজম করে নিয়েছিলাম, কিন্তু তিনি তা পারেননি। প্রায়ই নানান ছুঁতোয় ক্যাপ্টেন-সাহেব তাঁর বিরক্তি প্রকাশ করতেন, সুযোগ পেলেই জানিয়ে দিতেন এইসব মনুয়েতর সহযোগী তাঁর জাহাজে চড়াই তিনি ক্ষুদ্র।

আমি তাঁকে এড়িয়ে চলতুম। প্রথম কথা, আইরিশমানের সঙ্গে তর্ক করা বারণ! কেমন জান? তুমি যদি ঘটি হও তাহলে কাঠ-বাঙালদের এড়িয়ে চলবে; আর যদি ইস্টবেঙ্গল-সাপোর্টার হও তাহলে কটুর মোহনবাগান-ফ্যানকে শতহস্ত দূরে রাখবে। তা চাণক্যপণ্ডিত বলুন না-বলুন। দ্বিতীয় কথা, লোকটা জাহাজে সর্বময় কর্তা—কে জানে কোন ছুঁতোয় বিপদে জড়িয়ে পড়ব। যুরোপের নানান চিড়িয়াখানার জন্তু সংগৃহীত এই আ্যন্তগুলি জীবকে নিয়ে এমনিতেই আমি নানাভাবে বিব্রত। তবু জাহাজ যখন ইংলণ্ড-উপকূলের খুব কাছাকাছি এসে পড়েছে তখন মনে হল ঐ ভদ্রলোককে একটু শিক্ষা দিতে পারলে মন্দ হয় না।

ঘটনাচক্রে তিনি নিজেই সে সুযোগটা করে দিলেন। জাহাজ তখন ইংলিশ চ্যানেলের দোর-গোড়ায়। বাইরে প্রচণ্ড বর্ষণ, তাই 'ডেক' ছেড়ে সবাই জড়ো হয়েছি ধূমপান-কক্ষে। টেলিভিশনে তখন 'রেডার-যন্ত্র' বিষয়ে একটা তথ্যমূলক প্রোগ্রাম হচ্ছে। কীভাবে বৈদ্যুতিক প্রক্রিয়ায় ইলেকট্রোম্যাগনেটিক-তরঙ্গ ছুঁড়ে রেডার চোখ বুজে বলে দিতে পারে অদৃশ্য বস্তুটা কত দূরে আছে। রেডার যন্ত্রটা সে-আমলে নতুন। ফলে সবাই মন দিয়ে শুনছে; প্রোগ্রাম শেষ হতেই ক্যাপ্টেন আমার দিকে ইঙ্গিত করে ববকে বললেন, ইনি মনে করেন জীবজন্তুরা খুব চালাক। মানুষ যেমন আজ রেডার বানিয়েছে তেমনি বিবর্তনের মাধ্যমে আজ থেকে এক কোটি বছর পরে কোনো জন্তু রেডার আবিষ্কার করবে।

আমি দেখলুম, ভদ্রলোক আমার কজায়! নির্লিপ্তভাবে বলি, তা যদি আমি প্রমাণ করতে পারি তাহলে কত টাকা বাজি হারবেন?

যেন জ্বর রসিকতা করেছি আমি। ক্যাপ্টেন অটোহাস্তে ফেটে পড়েন। তিনি নিশ্চিত জানতেন, আজ থেকে এক কোটি বছর পরে কোনো মনুষ্যের জীব যে রেডার যন্ত্রটা আবিষ্কার করতে সক্ষম হবে এটা প্রমাণ করা আমার পক্ষে নিতান্ত অসম্ভব। তাই হাসতে হাসতে বললেন, এক বোতল ম্যাগ্নাম-সাইজ হোয়াইট-হর্স লুইসি।

আমাদের টেবিলে আমরা ছিলুম পাঁচজন। আমি তাঁদের দিকে ফিরে বলি, আপনারা সাক্ষী রইলেন কিন্তু।

বব ওদের মধ্যে দারুণ ফুঁটিবাজ। তার চোখেমুখে কথা। আগবাড়িয়ে বললে, সাক্ষী থাকতে রাজি আছি, যদি শ্বেতাশ্বের ছিটে-কোঁটার প্রতিশ্রুতি পাই।

আমি ক্যাপ্টেনের দিকে ফিরে বলি, ক্যাপ্টেন ম্যাকগ্রেগরি, ঐ সঙ্গে যদি আমি প্রমাণ দিই জীবজন্তুরা রেডারের মতো ইলেকট্রিসিটি, আর্দেন-ড্যাম, ডাইভিং বেল এবং ফ্রিজিডিয়ারও বানাতে পারবে তাহলে আপনি কি আমার বন্ধুদেরও এক-এক বোতল হোয়াইট-হর্স লুইসি উপহার দেবেন?



ম্যাক্‌গ্রেগরি আমার এ পাগলের প্রলাপে উচ্চহাস্তে ফেটে পড়ে। বলে আলবাৎ! তবে প্রমাণ দিতে না পারলে আপনাকে দিতে হবে পাঁচ বোতল মদ! কী? রাজি?

আমি ডান হাতটা বাড়িয়ে দিয়ে বলি, আই অ্যাক্‌সেপ্ট ছ চ্যালেঞ্জ! ম্যাক্‌গ্রেগরি আমার হাতটা চেপে ধরে বললে, ও, কে!

আমাদের শেষদিকের বাক্যবিনিময় কিছু উচ্চকণ্ঠে হয়ে থাকবে, কারণ অনেকেই ঘনিয়ে এলেন জানতে, রাজিটা কী-নিয়ে। ম্যাক্‌ বলে, কিন্তু এ বিতর্কের বিচারক হবে কে?

বব বলে, কেন? আমি! এ তো সহজ বিচার! যেই হারুক, বিচারক এক বোতল ছইস্কি পাবে!

ম্যাক্‌ বললে, সেই জন্মই তোমাকে বিচারক করা চলবে না। এমন গ্ৰায়নিষ্ঠ বিচারক চাই যিনি চুলচেরা বিচার করবেন! রসো, আমি আসছি...

মিনিট পাঁচেকের মধ্যেই ম্যাক্‌ ফিরে এল। তার সঙ্গে এক পলিতকেশ বৃদ্ধ। সকলের সঙ্গে পরিচয় করিয়ে দিয়ে বলল, জেন্টেল-মেন, আমাদের পরম সৌভাগ্য, স্মার ডোনাল্ড লরেন্স এ জাহাজের যাত্রী। উনি রিটার্ডার্ড চীফ্‌ জাস্টিস্‌; তার চেয়েও বড় গুণ—উনি টিটোটেলার, অর্থাৎ মদ স্পর্শ করেন না। হারজিং সমান-সমান হলেও তিনি নির্দিধায় তা ঘোষণা করার হিম্মৎ রাখেন!

ইতিমধ্যে খবরটা মুখে মুখে চাউর হয়ে গেছে। বাইরে অশ্রান্ত বর্ষণ, ভিতরে নিষ্কর্মা অলস যাত্রী। জাহাজ এগিয়ে চলেছে একটানা। নতুন খেলার গন্ধে সবাই ঘনিয়ে আসে। হাতাহাতি করে চেয়ার-টেবিল সরিয়ে এটাকে একটা মেকি আদালতের রূপ দেয়। মাঝখানে স্মার লরেন্সের বিচারাসন। তাঁর সামনের টেবিলে কোনো ফোর-ম্যানের কাছ থেকে হাতিয়ে-আনা একটা হাতুড়ি। চীফ্‌ স্টুয়ার্ড সাজল নকিব, নেভাল এঞ্জিনিয়ার পেশকার। বিচারকের ছই প্রান্তে আমরা ছই কাউন্সেলার, ম্যাক্‌গ্রেগরি ও আমি। মায় যারা পোকার খেলছিল তারাও তাস ফেলে এগিয়ে আসে।

স্মার লরেন্স রপ্তায়ে মানুষ ; মজা পেয়ে হাতুড়িটা টেবিলে ঠুকে  
হাঁক পাড়েন : অর্ডার ! অর্ডার !

সবাই সামলে-সুমলে বসে । বাক্যালাপ বন্ধ হয় ।

জজ বলেন, 'সী-কুইন' আদালতে শুনানি শুরু হচ্ছে । কেউ  
গণ্ডগোল করবেন না । এক নম্বর মামলা—মানুষ বনাম না-মানুষ ।

ম্যাক্‌গ্রেগরি ধড়মড়িয়ে উঠে দাঁড়ায় । বলে, আজ্ঞে না, ধর্মান্বিতার !  
মামলাটা ম্যাক্‌গ্রেগরি ভার্সেস ডারেল !

জজ তাকে প্রচণ্ড ধমক দিয়ে ওঠেন : যু সার্টি আপ ! আদালতের  
কাজে বিঘ্ন করলে আদালত অবমাননার দায়ে তোমাকে চ্যাণ্ড্দোলা  
করে সমুদ্রে ফেলে দেওয়া হবে—

পেশকার ফোড়ন কাটে : বিনা লাইফ বেণ্টে !

নকিব ফুটনোট দাখিল করে, বেছে বেছে সমুদ্রের যেখানে মানুষ-  
থেকো হাঙরের ঝাঁক ।

ম্যাক্‌গ্রেগরি থতমত খেয়ে বসে পড়ে ।

জজ-সাহেব বলেন, বাদী ও প্রতিবাদীর পক্ষে কাউন্সেলাররা  
হাজির ?

নকল-নকিব নেভাল এঞ্জিনিয়ার যেন তার অদৃশ্য নথি দেখে বলল,  
ইয়েস য়োর অনার ! বাদীর পক্ষে আছেন অ্যাডভোকেট ম্যাক্‌গ্রেগরি,  
বিবাদী পক্ষে জি. ডারেল, বার-অ্যাট-ল ।

এতক্ষণে খেলার কানুনটা মালুম হল ম্যাক্‌গ্রেগরির । উঠে দাঁড়িয়ে  
নিখুঁত কায়দায় 'বাও' করে বললে, ইয়েস য়োর অনার ! মানুষের  
তরফে আমি ওকালতনামা পেয়েছি ।

জজ গম্ভীরভাবে বলেন, ইজ ছ ডিফেন্স রেডি অ্যাজ-ওয়েল ?

আমি বাও করে বলি, ডিফেন্স ইজ অলওয়েজ রেডি মি-লর্ড !

জজ বললেন, মিস্টার প্রসিকিউটিং কাউন্সেল ! আপনি কি একটি  
প্রারম্ভিক ভাষণ দিতে ইচ্ছুক ?

ম্যাক্‌ বললে, আজ্ঞে হাঁ । জীবজন্তুরা স্বভাবতই নির্বোধ । যেমন  
গাধা, যেমন গরু, যেমন উল্লুক ! মানুষের যখন বুদ্ধি কম থাকে তখন

আমরা তাকে ঐসব নামে বিভূষিত করি—গাধা-গরু-বান্দর-উল্লুক। কিন্তু এই জাহাজে উপস্থিত জনৈক মনুষ্যের জীবনের দরদী—

—অবজ্ঞেকশন, য়োর অনার ! —আমি আপত্তি দাখিল করি।

জজ বলেন, অন হোয়াট গ্রাউণ্ডস্ ? কী কারণে আপনার আপত্তি ?

—‘মনুষ্যের’ শব্দটা ইন্টেলিজেন্ট, ইনকম্পিট্যান্ট অ্যান্ড ইন্সটিটিউশিয়াল ! নো ফাউণ্ডেশান হ্যাজ বিন লে’ড ! মানুষের চেয়ে না-মানুষেরা ‘ইতর’ কিনা সেটাই তো এ মামলার বিচার্য বিষয় !

জজ গম্ভীর হয়ে বললেন, অবজ্ঞেকশন সাসটেইন্ড।

একটা ঢোক গিলে ম্যাক বলে, বেশ, না হয় ‘মনুষ্যের’ শব্দটা আপাতত ব্যবহার করলুম না। আমি বলতে চাই, বিপক্ষ দলের কাউন্সেল যে এই অমানুষদের—

আবার খাড়া হই আমি : অবজ্ঞেকশান য়োর অনার ! ‘অমানুষ’ শব্দটাতে এমন একটি ‘যোগকট’ ব্যঞ্জনা যুক্ত হয়েছে যাতে সেটা শুধু ধারাপ অর্থেই ব্যবহৃত হয়। ও শব্দটা চলবে না।

জজ সংক্ষেপে বলেন, সেম ক্লিং ! ও শব্দটা চলবে না !

ম্যাক শ্রাগ করে বলে, যাচ্চলে ! তাহলে তোমার ঐ ‘ওনাদের’ কী নামে ডাকব ?

জজ বলেন, ‘না-মানুষ’ নামে।

—তা বেশ, তাই সই। এ জাহাজের যাত্রী মিস্টার জি. ভারেল বলছেন, ঐ না-মানুষেরা এক কোটি বছরের মধ্যে মানুষের সমকক্ষ হয়ে উঠবে। তারা ডাইভিং বেল, ইলেকট্রিসিটি, আর্দেন ড্যাম, ফ্রিজিডেয়ার এবং রেডার-যন্ত্র আবিষ্কার করবে। এটা তিনি যুক্তিতর্ক দিয়ে প্রমাণ করবেন। যদি প্রমাণ করতে পারেন, তাহলে আমি পাঁচ বোতল ম্যাগ’নাম-সাইজ হোয়াইট হর্স হুইস্কি বাজি হারব। যদি প্রমাণ করতে না পারেন, তাহলে তিনি তাই হারবেন।

জজ বলেন, আমি এই মুহূর্তে ই মামলা ডিসমিস্ করে দিতাম। আজ থেকে এককোটি বছর পরে কী হতে পারে, না পারে সেটা

কোনো বিচারালয়ের এক্জিয়ারভুক্ত হতে পারে না। জুডিশিয়ারির  
কেরামতি শুধু অতীত নিয়ে। ফলে এ মামলা এখানেই ডিসমিস  
হওয়ার যোগ্য। তবু যেহেতু আমি একপক্ষের সওয়াল শুনেছি, তাই  
আমি অপর পক্ষের সওয়ালও শুনব। মিস্টার ডারেল, আপনি কিছু  
বলবেন ?

—বলব, মি লর্ড ! আমি বলতে চাই, এক কোটি বছর পরে কী  
হতে পারে সেটা প্রমাণ না করে যদি আমি প্রমাণ করি—না-মানুষেরা  
ইতিমধ্যেই ঐ আবিষ্কারগুলি করেছে, তাহলে—

জজ সাহেব ঝুঁকে পড়ে বলেন, তার মানে আপনি বলতে চান,  
না-মানুষেরা ঐ পাঁচটি আবিষ্কার ইতিমধ্যেই করেছে, এটা আপনি  
প্রমাণ করবেন ?

আমি বললুম, আজ্ঞে হ্যাঁ। ধর্মান্তার !

ম্যাক আগ'বাড়িয়ে বললে, তাহলে পাঁচ বোতল নয় হুজুর, এ  
জাহাজের সবাইকে আমি আজ সন্ধ্যা ককুটেল পার্টিতে নিমন্ত্রণ করছি  
—যে যত ইচ্ছে মদ গিলবেন ! বিল মেটাবার দায় আমার !

সবাই সমস্বরে চীৎকার করে ওঠে : ব্রেভো ! ব্রেভো !

জজ আমার দিকে ফিরে বলেন, আপনি এ বিষয়ে কী বলেন ?

আমি বলি, নিমন্ত্রণ তো হয়েই গেছে ধর্মান্তার ! মামলায় হারলে  
বিলটা না হয় আমিই মেটাবো।

দর্শকের সারিতে এক প্রৌঢ়া ভদ্রমহিলা উঠে দাঁড়িয়ে বলেন, তার  
মানে কি স্বয়ং জজসাহেব আজ সন্ধ্যায় আকর্ষণ অরেঞ্জ স্কেয়াশ  
গিলবেন ?


শুনলাম, তিনি লেডি লরেন্স, বিচারকের ধর্মপত্নী ! স্মার লরেন্স  
টেবিলে হাতুড়িটা ঠুঁকে বললেন, অর্ডার ! অর্ডার !

অতঃপর শুরু হল আমার সওয়াল।

—ধর্মান্তার ! আমার এক নম্বর সাক্ষী মহাবিজ্ঞানী শ্রীমান  
বাছুড়েশ্বর বিহঙ্গোপ্তম !

নকিববেশী চীফ স্টুয়ার্ড বেইলি কায়দামাফিক হাঁক পাড়ল : এক  
নম্বর সাক্ষী বাহুড়গোপাল হা—জি—র ?

তৎক্ষণাৎ ভিড় ঠেলে এগিয়ে এল বিল্। আমার নিগ্রো ভৃত্য।  
জন্তুজানোয়ারের খিদমৎ করতে করতে যে-ছোকরা আমার সঙ্গে  
চলেছে। তার হাতে একটা খাঁচা।



### ‘বাহুড়েশ্বর বিহঙ্গোপম’

সাক্ষী যে সশরীরে হাজির হবে এটা কেউই আশঙ্কা করেনি।  
আমি বললুম, আপনারা কেউ ভয় পাবেন না, ছোট্টাছুটি করবেন না।  
চুপচাপ বসে সার্কাস দেখুন।

বাহুড়েশ্বরের পায়ে একটা হালকা অথচ মজবুত নাইলনের সূতো  
বাঁধা ছিল। ছেড়ে দিতেই সে বাতাসে উড়ল। আমার সাবধানবাণী  
সত্ত্বেও কয়েকজন মহিলা টেবিলের তলায় সেঁদিয়ে গেলেন ; ছ-একটা  
মর্মবিদারক ইন্টারজেক্শানও শোনা গেল এখানে ওখানে। বাহুড়েশ্বর  
হল-কামরার এ-প্রান্ত ও-প্রান্ত বার কয়েক পারাপার করল।  
অনেকগুলি বৈহৃতিক পাখা ঘুরছিল, সে কোথাও ঠোকুর খেল না ;  
এরপর আমার নির্দেশে বিল্ সূতো ধরে টেনে ওকে নামালো, খাঁচায়  
পুরলো।

আমি পুনরায় সওয়াল শুরু করি, ধর্মান্তার, যে-খেলাটা আমার  
এক নম্বর সাক্ষী দেখালো সেটা সে নীরব্র অন্ধকারে চোখ বেঁধেও

দেখাতে পারে। বিশ্বাস না হয়, ঘরের সব বাতি নিবিয়ে দিয়ে টর্চ হাতে প্রতীক্ষা করুন।

একাধিক মহিলা সমস্বরে বলে ওঠেন, আমরা মেনে নিলাম! কী বলেন ক্যাপ্টেন সাহেব?

ম্যাক্ বলে, হ্যাঁ, অন্ধকারেও ওরা ধাক্কা খায় না, আমি লক্ষ্য করেছি; কিন্তু তাতে কী প্রমাণ হল?

আমি বলি, এ-থেকে প্রমাণ হল যে, বাতুর রেডার-এর ব্যবহার জানে!

ম্যাক্ খিঁচিয়ে ওঠে: ইল্লি! মাম্দোবাজি নাকি? হাও?

—অনেকের ভুল ধারণা আছে যে, বাতুরের চোখ নেই। সেটা ঠিক নয়; চোখ ওদের আছে; তবে খুব ছোট ছোট। লোমে ঢাকা থাকে বলে সহজে নজরে পড়ে না। সে চোখের দৃষ্টি এত তীক্ষ্ণ নয় যে, এমন ম্যাজিক সে দেখাতে পারে। তাহলে সে কীভাবে এই অসাধ্যসাধন করে? ষোড়শ শতাব্দীতে রেনেসাঁসের অগ্রতম অসামান্য ধ্বজাধারী লেঅনার্দো দ্য ভিঞ্চি বলেছিলেন, মানুষ যদি কোনোদিন আকাশে ওড়ে তবে সে পাখির মতো উড়বে না, বাতুরের মতো উড়বে। অগ্র কোনো বিহঙ্গ নয়, স্তম্ভপায়ী বাতুরই হবে উড্ডয়ন-বিদ্যায় মানুষের একমাত্র আদর্শ! তার আরও দু'শ বছর পরে জীব-বিজ্ঞানী স্প্যালাঞ্জানি—তিনিও ইতালীয়, লেঅনার্দোর দেশের মানুষ, খুঁটিয়ে দেখতে চাইলেন বাতুর কীভাবে ধাক্কা না-খেয়ে এমনভাবে উড়তে পারে। আর সবাই নীরব্র অন্ধকারে দেওয়ালে ধাক্কা খায়, বাতুর খায় না। কেন?

তিনি কয়েকটি বাতুরকে নিষ্ঠুরভাবে অন্ধ করে উড়িয়ে দিলেন। দেখলেন, তা সত্ত্বেও তারা ঐভাবে উড়তে পারছে। দেওয়ালে ধাক্কা খাচ্ছে না। উড়ন্ত সেই অন্ধ বাতুরের দিকে ছাতা-জুতো ছুঁড়ে তাকে আহত করা যাচ্ছে না—সে ঠিকই পাশ কাটিয়ে সরে যেতে পারছে। কিন্তু কীভাবে? স্প্যালাঞ্জানি তার কোনো বিজ্ঞানসম্মত ব্যাখ্যা দিতে পারেননি। শুধু তিনি নন, আরও দু'শ বছর ধরে কোনো জীব-বিজ্ঞানীই

এই সমস্তার কোনো সম্ভাবজনক ব্যাখ্যা দিতে পারেননি।

তারপর বর্তমান শতাব্দীতে 'রেডার' আবিষ্কৃত হল। রেডার কী? এই যন্ত্রের সাহায্যে চতুর্দিকে কিছু বিদ্যুত-তরঙ্গ ছড়িয়ে দেওয়া হয় এবং কোনো কিছুতে প্রতিহত হয়ে সেই ইলেকট্রোম্যাগনেটিক-গুয়েড যখন ঐ যন্ত্রে ফিরে আসে তখন যান্ত্রিক নির্দেশে বলে দেওয়া যায়, যে-বস্তুতে প্রতিহত হয়ে বিদ্যুত-তরঙ্গটা ফিরে এসেছে সেটা কত দূরে। এই রেডার আবিষ্কৃত হতেই একদল জীববিজ্ঞানীর মনে হল, তাহলে বাতুড়ও কি তাই করে?

শুরু হল নতুন করে পরীক্ষা-নিরীক্ষা। চোখ বেঁধে দিলে কী হয় তা আগেই জানা ছিল; এবার চোখ খুলে রেখে কানের ফুটো দুটি বন্ধ করে ঘরের বন্ধ ঘটাকাশে তাকে শুড়ানো হল। বেচারি বাতুড়। সে এদিকে-ওদিকে ক্রমাগত ধাক্কা খেল। অর্থাৎ প্রমাণিত হল, ঐ অত্যন্ত উড্ডয়ন-সফল্যের সঙ্গে বাতুড়ের শ্রবণযন্ত্র ততঃপ্রোত ভাবে জড়িত। এরপর চোখ-কান খুলে রেখে শুধু মুখটা বেঁধে তাকে উড়তে দেওয়া হল। আশ্চর্য! এবারও সে ক্রমাগত ধাক্কা খেল! অর্থাৎ শ্রবণযন্ত্রের মতো তাহলে গুর বাগ্‌যন্ত্রও এ কাজের জন্ত একান্ত প্রয়োজন। বিজ্ঞানীরা সিদ্ধান্তে এলেন: বাতুর মুখ দিয়ে শব্দ তরঙ্গ ছাড়ে এবং কান দিয়ে শোনে কতদূর থেকে প্রতিহত হয়ে সে শব্দ ফিরে আসছে। এ জন্তই সে ধাক্কা খায় না। অর্থাৎ মানুষের পূর্বেই বাতুড় ঐ রেডার যন্ত্রটা আবিষ্কার করেছে।

সওয়ালের এই পর্যায়ে ম্যাক্‌গ্রেগরি প্রতিবাদ করে ওঠে: অবজেকশান, য়োর অনার! ওঁর বাতুড়টা যদি মুখে শব্দ করে থাকে তাহলে, ঘরশুদ্ধ আমরা কেউই তা শুনতে পাইনি কেন?

আমি বললুম, হুজুর! বিজ্ঞানীরা বলছেন, তার একমাত্র হেতু বাতুড় যে শব্দতরঙ্গ ছাড়ে তা 'সুপারসনিক', অতি সূক্ষ্ম! অর্থাৎ সে শব্দ-তরঙ্গ ওরাই শুধু শুনতে পায়, এই বাতুড়ের মানুষের শ্রবণযন্ত্র অত উন্নতমানের নয়।

আমার ঐ 'বাতুড়ের' বিশেষণটায় ম্যাক্‌গ্রেগরি কোনো প্রতিবাদ

করল না। স্পষ্টই বোঝা গেল, সে ঘাবড়ে গেছে। একটু ভেবে নিয়ে বলল, কিন্তু আপনি যা বলেছেন তা তো হতে পারে না !

—কেন পারে না ?

—একটু আগেই আমরা টি. ভি-তে দেখলুম যে, রেডার যন্ত্রে এমন ব্যবস্থা থাকে যাতে চুম্বকবৈহ্যৎ-তরঙ্গ ছাড়ার সঙ্গে সঙ্গে তরঙ্গ-গ্রাহক যন্ত্রটা ইলেক্ট্রনিক সার্কিটে বন্ধ হয়ে যায় ; যাতে প্রাথমিক তরঙ্গটা ধারকযন্ত্রে ধরা পড়ে না, শুধু প্রতিহত তরঙ্গটাই ধরা পড়ে। বাহুড়ের মস্তিষ্কে তো ইলেক্ট্রনিক সার্কিট নেই। ফলে সে ছ-জাতের শব্দতরঙ্গ শুনবে। এক নম্বর তার মুখনিঃসৃত প্রাথমিক শব্দ, ছনম্বর বস্তুতে প্রতিহত প্রতিধ্বনি। তাহলে তো সব তালগোল পাকিয়ে যাবে।

আমি বললুম, এ সমস্তার কথাও জীববিজ্ঞানীরা ভেবেছেন। অতি সম্প্রতি সে সমস্তারও সমাধান হয়েছে। দেখা গেছে, বাহুড়ের কর্ণপটাহে একটি ক্ষুদ্র মাংসপেশী আছে যা এই কাজটা করে থাকে। মুখ দিয়ে শব্দতরঙ্গ ছেড়ে দেওয়া মাত্র প্রতিবর্তী-প্রেরণায় (reflex action-এ) ঐ মাংসপেশী সক্রিয় হয়ে ক্ষণিকের জন্তু কর্ণকুহরের দ্বারটি বন্ধ করে দেয়। পরমুহূর্তেই সেই ভাল্‌বটি সরে যায়, যাতে খণ্ডমুহূর্তের ব্যবধানে ঐ প্রতিধ্বনিটা সে শুনতে পায়।

সবাই নড়ে চড়ে বসে। ম্যাক্‌গ্রেগরি একেবারে স্ট্যাচু। আমি বিচারকের দিকে ফিরে একটি 'বাও' করে বলি, ধর্মান্তার। মানুষ রেডার আবিষ্কার করেছে বিংশ শতাব্দীতে ! কিন্তু বাহুড় করেছে পাঁচ কোটি বছর আগে। ইয়োসিন যুগের পাথরের খাঁজে কিছু প্রাগৈতিহাসিক বাহুড়ের পূর্বপুরুষের জীবাশ্ম সম্প্রতি আবিষ্কৃত হয়েছে ! দেখা গেছে, তারাও স্তম্ভপায়ী এবং তারাও একই ভাবে উড়ত। আমার সওয়াল শেষ হয়েছে ধর্মান্তার। এবার আপনি রায় দিন !

বিচারক বললেন, এ তো শুধু ফার্স্ট রাউণ্ডের খেলা হল। তারপর ?

—জাস্ট এ মিনিট !—দাঁড়িয়ে উঠেছে বার-ম্যান ! যেন হাই



কোর্টের উপর সুপ্রীম কোর্ট। গটগট করে সে এগিয়ে এসে আমার সামনে রাখল একটা ম্যাগ্নাম সাইজ হোয়াইট-হর্স লুইসি। বলল, গলাটা একটু ভিজিয়ে নিন স্মার! বিল আপনাকে মেটাতে হবে না!

সেকেণ্ড রাউণ্ড! আর্দেন ড্যাম! এবার আমার সাক্ষী বীভার। কানাডা ও উত্তর আমেরিকায় গুদের বাস। এককালে প্রায় সারা পৃথিবীতে ছিল। গুর চামড়ার লোভে মারতে মারতে আমরা গুদের কোনঠাসা করে ফেলেছি। বীভার থাকে 'বীভার লজ্জ'। নিজেরাই সে-বাসা বানায়। অর্ধেক জলের নিচে, অর্ধেক উপরে। সে অর্ধে গুরা উভচর। জলের নিচে বীভার লজ্জ হাত-পাঁচেক চণ্ডা, উপর দিকটা সূচালো। পাথর ও গাছের ডাল কুড়িয়ে এনে গুরা এই লজ্জ বানায়। এক-এক লজ্জে থাকেন একজন কর্তামশাই, দু-তিনটি রাণী আর গুটিকতক ছানা পোনা নিয়ে। মজা হচ্ছে এই যে, ছানা-পোনাদের মধ্যে যে-কটা মদ্রা তারা একটু লায়েক হলেই বাপ বলে, 'বাপুহে! এবার নিজের লজ্জ নিজে বানাও।'

লায়েক ছেলে রাগ করে না। জানে, এটাই অলিখিত আইন। এক




### বীভার

একটা বীভার-লজ্জের চৌহদ্দি সীমাবদ্ধ। বীভার-সংখ্যা এবং ঐ

চৌহদ্দিতে প্রাপ্তব্য খালবস্তুর একটা গাণিতিক সম্পর্ক আছে। ভিড় বেশি হলে সবাইকেই না খেয়ে মরতে হবে। তাই এই প্রাকৃতিক আইন ওরা মেনে চলে। লায়েক ছেলে নিরুদ্দেশ যাত্রায় বেড়িয়ে পড়ে। কাছে-পিঠেই যদি কোনো বন্ধ জলা বা হৃদ পায়, যেটা অল্প কোনো বীভার-লজের এক্জিয়ারভুক্ত জমি নয়, তাহলে সেখানেই একটা লজ বানায়। এমন তৈরি লজ পেলে কোন্-না মাদি বীভার আকৃষ্ট হবে? ফলে ঐ লায়েক ছেলে নতুন লজে নতুন করে সংসার পাতে।

কিন্তু যদি কাছে-পিঠে তেমন হৃদ না থাকে?


তখনই ওকে আর্দেন-ড্যাম বানাতে হয়। প্রথমেই ভৌগোলিক অবস্থানটার একটা জরিপ করে নেয়। সম্ভবে নেয়, বর্ষার জলধারা কোন পথে নিকাশ হয়। তারপর প্রকাণ্ড বড় বড় গাছ কেটে নামায়। বড় বড় ডালের ছোট-খাটো পাতা বা ছোট ডাল ছেঁটে টুকরো বানায়, যাতে সেগুলি গড়িয়ে গড়িয়ে অথবা নদীতে ভাসিয়ে এগিয়ে নেওয়া চলে। এ ভাবেই সে গাছের ডাল সাজিয়ে ঐ নিকাশি-নালার মুখটা বন্ধ করে দেয়। এরপর পাথর গড়িয়ে নিয়ে এসে ফাঁক-ফোঁকর বন্ধ করে। এবং



তারপর কাদামাটি এনে ঐ পাথরের মাঝের ফাঁকগুলো বন্ধ করে। নিরেট-নিশ্চিহ্ন দেওয়াল, যেন ছয়-এক সিমেন্ট-বালির গাঁথনি! শুধু কেন্দ্রীয় অবস্থানে কিছুটা অংশে 'মর্টার-জয়েন্ট' করা হয়

বীভারের শিরঃকঙ্কাল না। সেখানে থাকে একটা খাড়া-ফোকর বা ভার্টিকাল শ্যাফ্ট। বায়ু চলাচলের জন্ম। বাঁধটা ওরা বর্ষা আসার আগেই শেষ করে। বর্ষার ঢল নামলে দেখা যায়, সেখানে একটা কৃত্রিম জলাশয় তৈরি হয়েছে। লজটা তার কিছুটা জলের নিচে, কিছুটা উপরে। এমন কি ছরস্তু শীতে যখন জলের উপরিভাগ জমে বরফ হয়ে যায় তখনও ঐ 'ভার্টিকাল শ্যাফ্ট' দিয়ে বায়ু গমনাগমনের সুড়ঙ্গ থাকে। এই লজের ভিতরে ওদের বেডরুম,

ডাইনিং রুম, নার্সারি সবই আছে—মায় শীতকালের জন্ত মজুত প্রকাণ্ড ভাঁড়ার।



### ‘বীভার লজ’

লজ সংলগ্ন ড্যামগুলি কত বড় হয়? ছ-এক মিটার থেকে শুরু করে অনেক বড় হতে পারে। আমেরিকার জেফারসন নদীতে একটি বাঁধ বোধহয় ওদের জগতের রেকর্ড। সেটা দৈর্ঘ্যে 650 মিটার!

—ধর্মান্বিতার! আমি প্রমাণ করতে পারি, বীভার এই ‘আর্দেন-ড্যাম’ এবং বীভারলজ বানাতে শুরু করেছে মানুষ মাটির-বাঁধ তৈরি করায় হাতেখড়ি দেওয়ার আগেই। শুনুন...

জঙ্গনাহেব বাধা দিয়ে বললেন, প্রয়োজন হবে না। সেকেণ্ড রাউণ্ডে আপনি জিতেছেন। এবার কোয়ার্টার ফাইনাল! ইলেকট্রিসিটি?

—আজ্ঞে হ্যাঁ, ইলেকট্রিসিটি!

অনেক জীব বিবর্তনের তাগিদে ইলেকট্রিসিটি আবিষ্কার করেছে, যখন মানুষ কাঁচা মাংস খেত, গায়ে জামা-কাপড় দিত না। যেমন ধরা যাক, 'টর্পেডো মাছ'। দেখলে মনে হয়, একটা সস্প্যান বুঝি স্তিমরোলারের তলায় চাপা পড়ে চ্যাপ্টা হয়ে গেছে। এরা অল্প জলে বসবাস করে। বালির মধ্যে লুকিয়ে বসে থাকে শিকারের অপেক্ষায়। মনে আছে, একবার গ্রীষ্ম উপকূলে এই জীবটির প্রচণ্ড শক্তির পরিচয় পেয়েছিলুম। সমুদ্রের ধারে একটা বালিয়াড়ির উপর বসে একজন গ্রীষ্ম মৎস্যজীবীর বিচিত্র শিকারপদ্ধতি লক্ষ্য করছিলুম। সে তেফলা একটা বর্শা নিয়ে হাঁটুজলে হেঁটে হেঁটে মাছ ধরছিল। এখানে জলে ঢেউ নেই, সমুদ্র হ্রদের মতো শান্ত। লোকটা ইতিমধ্যে বেশ কয়েকটা বড় মাছ গেঁথে তুলেছে এবং একটা অক্টোপাস। জেলেটা মাছ ধরতে ধরতে ক্রমশ আমার দিকেই এগিয়ে আসছিল। যখন মাত্র ফুট-ত্রিশেক দূরে তখন দেখি সে বর্শাটা মাথার উপর তুলে প্রস্তর মূর্তিতে রূপান্তরিত। নিশ্চিত সে জলের তলায় একটা বড় জাতের মাছ দেখেছে। হঠাৎ কোথাও কিছু নেই—'বাবাগো! মাগো! মেরে ফেললে গো!'—চিৎকারে আকাশ-বাতাস কাঁপিয়ে সে জলে শুয়ে পড়ল। পর মুহূর্তেই বর্শাটা ফেলে দিয়ে খবল-খবল করতে করতে সে হামাগুড়ি দিয়ে উঠে এল ডাঙায়। চিৎ হয়ে শুয়ে পড়ল। তার সেই মরণান্তিক চীৎকার শুনে আধমাইল দূরের মানুষও ছুটে এসেছে। ওরা উত্তেজিত স্বরে কী যেন বলাবলি করেছে। ভাষাটা বুঝিনি, সেটা গ্রীক। আক্ষরিক অর্থেও। তবে লক্ষ্য করে দেখি, সবাই অতি সাবধানে ইতি-উতি চাইতে চাইতে বালিতে পা ফেলছে। কী ব্যাপার? একজন ভাঙা ভাঙা ফ্রেঞ্চ বলতে পারল। তার কাছ থেকে জানা গেল, এখানে টর্পেডো-মাছ আছে। বালির মধ্যে মুখ লুকিয়ে বসে থাকে, সহজে নজর হয় না। শত্রুকে আক্রমণ করে ইলেকট্রিক ডিসচার্জে। অথচ আশ্চর্য! ওরা নিজেরা সে শঙ্ক খায় না।

অবশ্য ইলেকট্রিক্যাল এঞ্জিনিয়ারদের মধ্যে পোস্ট-গ্র্যাজুয়েট

ডিগ্রিধারী হচ্ছেন 'ইলেকট্রিক ঈল'। এরা কিন্তু আদৌ 'ঈল' নয়, অল্প প্রজাতির মাছ। যদিও দেখতে ঈল-এর মতো। লম্বা, কালো, প্রায় সাপের মতো দেখতে। সাকিন—দক্ষিণ আমেরিকার কোনো কোনো নদী। দৈর্ঘ্যে আট ফুট পর্যন্ত হয়, গতরে পূর্ণবয়স্ক মানুষের জামুর মাপ! এদের সম্বন্ধে অনেক গল্প চালু আছে, অধিকাংশই অতিরঞ্জন, তবে ইলেকট্রিক ডিসচার্জে এরা একটা ঘোড়াকে পেড়ে ফেলতে পারে, মানুষকে তো বটেই।

একবার ব্রিটিশ গায়নাতে আমি একটি ইলেকট্রিক ঈল জোগাড় করেছিলুম। ধরিনি, কিনেছিলুম। জায়গাটা আমার হেডকোয়ার্টার্স থেকে মাইল পনের দূরে। একটা আদিবাসীদের গ্রাম। ওরা জীবজন্তু জ্যান্ত ধরায় ভারি দড়। আমাকে অনেকবার অনেক ছলভ জীব সরবরাহ করেছে। এবারও দিল একটা পোশমানা সজারু, আর নানান জাতের পাখি। তারপর ওদের সর্দার বললে, 'বিজলি ঈল' আছে, নেবেন হুজুর? তবে দামটা—

আমি বাধা দিয়ে বলি, দামের জন্তু আটকাবে না, নিয়ে এস।

বস্ত্রত লগুন জু-তেও ইলেকট্রিক ঈল নেই। এই ছলভ জীবটির সাক্ষাৎ বছবার পেয়েছি; কিন্তু ধরতে পারিনি। আসলে ছয় শত ভোল্ট বিদ্যুৎ-বজ্র দিয়ে যে জীব শত্রুর মোকাবিলা করতে প্রস্তুত, তাকে কেমন করে ধরব বুঝে উঠতে পারিনি।

লোকটা নিয়ে এল বেতে-বোনা খাঁচায় করে একটা মাঝারি সাইজ ঈল। মনে হল একবারে তিনি 440 ভোল্ট ছাড়তে পারবেন! দাম মিটিয়ে দেবার সময় তিনি আমার দিকে একবার তাকিয়ে দেখলেন শুধু। সর্দার বলল, খুব সাবধানে একে নিয়ে যাবেন হুজুর।

কিছু পাখি, গাছ-সজারু আর ঈলটাকে নিয়ে আমরা রওনা দিলুম ক্যানোয় করে। যাত্রার মাঝামাঝি সময় ঐ বেতের খাঁচা থেকে কী করে জানি ঈলটা বেরিয়ে পড়ে। আমাদের কারও নজরে পড়েনি; সবার আগে সেটা নজরে পড়েছে ঐ গাছ-সজারুটার। তিন লাঞ্চে সেটা আমার মাথায় চড়ে বসেছে। ঠিক তখনই নজর হল ঈলটা।

তীর বেগে আমার দিকে ধেয়ে আসছে। আমি ত্রিং করে শূন্যে এক লাফ মারলুম। সজ্জারটা অতি ঘড়েল, আমি লাফ মারবার উপক্রম করতেই বেটা আমার চুলের মুঠি আঁকড়ে ধরেছে! ইতিমধ্যে ঈলটাও মারলে এক লাফ! মুহূর্তে নদী গর্ভে!

একমুঠো ডলার জলে গেল। তা যাক! সেই গ্রীক ছোকরার মতো আমাকে যে চিল-চৌচানো চৌচাতে হয়নি ইয়েল্লোগেই ঈল প্রভুকে লাখ লাখ স্ক্রিয়া!

তার অনেকদিন বাদে একটি বিজলি ঈল এসেছিল আমার হেপাজতে। অনেক কসরৎ করে, শক্ না খেয়ে তাকে পৌঁছে দিয়েছিলুম লগুন জু-তে। ওর খাণ্ড ছিল জ্যান্ত মাছ। মনে আছে, প্রতিদিন ঘড়ি ধরে সে ঠিক খাওয়ার সময় বেশ চঞ্চল হয়ে উঠত। চক্রাকারে পাক খেত চৌবাচ্চায়। দৈর্ঘ্যে সে ফুট পাঁচেক। আট দশ ইঞ্চি লম্বা মাছ সে অনায়াসে গিলে ফেলত। তার আহার পদ্ধতিটা বড় বিচিত্র। জলে জ্যান্ত মাছটাকে ছেড়ে দিলেই সে স্তব্ধ হয়ে যেত। মড়ার মতো ভাসতো। নড়চড়ার লক্ষণই নেই। নিদারুণ ঔদাসীণ্যে সে ঐ মাছটির জলকেলি উপভোগ করত। ঘুরতে ঘুরতে মাছটা যেই ওর হাতখানেক দূরত্বে আসত, অমনি ঈলটার সর্বাঙ্গ একবার থরথর করে কেঁপে উঠত। যেন ওর দেহের ভিতর একটা শক্তিশালী ডায়নামো পূর্ববেগে চালু হল। চক্ষের নিমেষে দেখতুম মাছটা নিথর হয়ে গেছে। বজ্রাহত মানুষ যেমন জানতে পারে না কীভাবে মৃত্যু এগিয়ে এল। ধীরে ধীরে উর্পেট যেত মাছটা। ভেসে উঠত জলতলে। অতি মন্থর গতিতে তখন ঈলটা এগিয়ে আসত এবং মুখব্যাদান করত। পরমুহূর্তেই যেন ভ্যাকুয়াম ক্লিনার পাইপে কিছু ধুলোবালি ঢুকে গেল। মাছটার আর চিহ্নমাত্র নেই।

আমার দীর্ঘ সওয়ালে ম্যাকুগ্রেগরি একবারও বাধা দেয়নি। এখন সে নড়ে চড়ে বসতেই আমি তাকে থামিয়ে দিয়ে বলি, ইয়েস ক্যাপ্টেন! বুঝেছি আপনার বক্তব্য। প্রমাণ চাই! এই তো! সৌভাগ্যক্রমে

প্রমাণ আছে ; এই জাহাজেই । আমি ইতস্তত করছিলাম শুধু এজন্য যে ওর খাঁচাটা বড় পলকা—একটা তুর্ঘটনা-না ঘটে যায় । তা হোক, প্রত্যক্ষ প্রমাণ ছাড়া...

সমগ্র জনতা একযোগে হাঁ হাঁ করে ওঠে । ম্যাক বলে, থাক ! আপনাকে আর কেদানি দেখাতে হবে না । এ জাহাজে ভালমন্দ কিছু ঘটে গেলে আমিই দায়ী হব ! কিন্তু ডাইভিং বেল ?

স্টিল অবশ্য সেবার আমার হেপাজতে ছিল না আদৌ !

—ইয়েস ! ডাইভিং বেল । সেমি-ফাইনাল আইটেম : ডাইভিং বেল !

ধর্মান্বিতার আমি প্রমাণ করব, মানুষের অনেক অনেক আগে না-মানুষেরা ডাইভিং বেল আবিষ্কার করেছে । 'ডাইভিং বেল' কী ? এর সাহায্যে ডুবুরি জলের তলায় বেশিক্ষণ থাকতে পারে । উবুড় করা পাত্রের মধ্যে অক্সিজেনকে আটক করে । মানুষ এটা আবিষ্কার করেছে কয়েক শ' বছর পূর্বে, কিন্তু জল-মাকড়শা সেটা করেছে লক্ষ লক্ষ বছর আগে । ওরা বুঝে নিয়েছিল জলে কাচাবাচ্চা নিয়ে সংসার করতে হলে জলের তলায় বাতাসকে বন্দী করতে হবে । এজন্য ওরা অদ্ভুত একটা কায়দায় অভ্যস্ত হল । পিছনের দুটি পায়ে এবং পেটের খাঁজে বাতাসের একটা বুদ্ধু দকে আটক করে ওরা জলের কিছুটা নিচে যেতে পারে । বেশি নিচে নয়, কারণ যত নিচে যাবে, জলবুদ্ধুদের উর্ধ্বচাপও তত বেশি হবে । তাই জলতলের ঠিক নিচেই ওদের বাসা । সেখানে পদ্মপাতার উপ্টো দিকে ঝাঁকড়ে থাকা অতি ক্ষুদ্র জলজ প্রাণী খেয়ে ওরা বাঁচে । দম ফুরিয়ে গেলে ঐ পেটের খাঁজে আটকানো বুদ্ধুদ থেকে অক্সিজেন সংগ্রহ করে নিমজ্জমান অবস্থাটা দীর্ঘায়ত করে ।

এখানেই ওরা থামল না কিন্তু । বংশরক্ষার বিবর্তন-তাগিদে ওরা আরও একধাপ এগিয়ে গেল । জলের নিচে ওদের বাসায় বাতাস সঞ্চয়ের ব্যবস্থা করল । ওদের বাসার আকৃতি যেন একটা উবুর-করা খাস-গেলাস । লতা-পুল্পে এমনভাবে আটকানো, যাতে সেটা উপ্টে যেতে না পারে । বাপ-মাকড়শা আর মা-মাকড়শা দুজনেই সেই

ভালো বাসায় ক্রমাগত সঞ্চয় করতে থাকে—না খাওয়া নয়, বাতাস !  
 বারে বারে উপরিভাগে উঠে যায় পেট-কোঁচড়ে নিয়ে আসে ছোট  
 একটা বাতাসের বুদ্ধদ ! ঐ বাসায় ঠিক তলায় এসে বুদ্ধদটাকে  
 ছেড়ে দেয় । সেটা আটক পড়ে খাস-গেলাসের মাথার কাছে, জলের  
 সমতল এক চুল নেমে আসে । এইভাবে ক্রমাগত কয়েক সপ্তাহ হবু  
 বর-বউ তাদের ব্যান্ড-ব্যালেন্সটা পরখ করে ; ভাঁড়ারে কতটা বাতাস  
 জমেছে । অজাত সন্তানদের পক্ষে সেটা যথেষ্ট মনে হলে তবেই ওরা  
 বাসরশয্যা পাতে । কুমার-কুমারী অবস্থায় এই সঞ্চয়টুকু না সেরে



“ওমা তাইতো ! এ যে মস্ত বড় বুদ্ধদ ! সোনা ছেলে !”

তারা দৈহিক মিলনে সম্মত হয় না । আশ্চর্য সংঘম এ বিষয়ে ! হয়তো  
 ঐ যৌথ কাজের আসরেই তাদের বাসরের বীজ বপন করা হয় ।  
 অবশেষে বাসার ভিতর মা-মাকড়শা ডিম পাড়ে ; তা থেকে



বাচ্চা হয়। শিশু-মাকড়শার অস্বিজেনের অভাব হয় না। পিতামাতার সযত্নসঞ্চিত অস্বিজেনে তারা জীবনের প্রথম পর্যায়টা পাড়ি দেয়—ঠিক যেমন মানুষের বাচ্চা মায়ের বুকের ছুখে, বাপের সংগ্রহ করা ল্যাক্টোজেনে ওঁয়া-ওঁয়া থেকে হাঁটি-হাঁটিতে উন্নীত হয়। একটু লায়েক হলেই বাপ-মা ছুজনেই একসাথে ধমক লায়ায় : বুড়োখাড়ি ছেলে ! নিজের বুদ্ধু দ নিজে রোজগার করতে পার না ?

তাড়া খেয়ে খোকন বাসা ছাড়ে। পড়িতে মরি করে ভেসে ওঠে জলের উপর। তারপর—কে তাকে শেখায় জানি না, ঠ্যাঙ ছুটো বাঁকিয়ে, পেট-কোঁচড়ে টপ করে পাকড়াও করে ফেলে একটা বায়ু-বুদ্ধু দ ! টপ করে ডুব দেয় আবার জলে। বুদ্ধু দটাকে ঠেলতে ঠেলতে নিয়ে আসে খাস-গেলাসের তলায়। হাঁক পাড়ে, মা, মা, দেখ কী এনেছি।

মা বলে, ওমা তাই তো ! এয়ে মস্ত বড় বুদ্ধু দ ! সোনা ছেলে !

এবার ফাইনাল রাউণ্ডের খেলা : ফ্রিজিডেয়ার।

ফ্রিজিডেয়ার কী ? এমন একটা যন্ত্র, যাতে খাণ্ডদ্রব্য দীর্ঘসময় সঞ্চয় করে রাখা যায়, পচনকার্য শুরু হতে পারে না। আমরা মাছ, মাংস, রান্না তরকারী ফ্রিজে রেখে দিই ; সময় ও সুযোগমত তারিয়ে তারিয়ে খেতে। অসুবিধা শুধু একটাই, ঠাণ্ডা খাবারটা আবার গরম করে নিতে হয়। না-মানুষেরা আমাদের চেয়ে এক ধাপ এগিয়ে আছে। তারা 'ফ্রিজ' করে, কিন্তু খাবারের উত্তাপ সমানই থাকে ! অথচ পচনকার্য শুরু হয় না।

এ বিষয়ে আমার সাক্ষী—শিকারী বোলতা বা *hunting wasp*। বংশরক্ষার তাগিদে মা-বোলতা মাটি দিয়ে একটা বাসা বানায়। তাতে অনেকগুলি ছোট-ছোট সুড়ঙ্গ। এক-একটির ব্যাস সিগ্রেটের মতো, দৈর্ঘ্যে আধখানা সিগ্রেট। তার ভিতর বোলতা ডিম পাড়ে। কিন্তু বাসার মুখটা বন্ধ করে দেবার আগে তাকে আর একটা কাজ করতে হয়। কারণ ডিম ফুটে সরাসরি বাচ্চা হয় না, মাঝামাঝি


একটা গুটিপোকাকার দ্বিতীয় অবস্থার মতো জীব ঐ গর্তে চার পাঁচ সপ্তাহ বাস করে। ডিম অবস্থায় প্রাণের খাচ্ছ বাহির থেকে যোগান দিতে হয় না। আমরা জানি, মুরগির ডিমে লাল-অংশটা হচ্ছে অজ্ঞাত শিশু এবং সাদা অংশটা তার খাচ্ছ। বোলতার ডিমেও ছুটি অংশ, একটা শিশুর দেহ-প্রাণ, অপরটা তার খাচ্ছ। কিন্তু ঐ 'লারভা' বা শূককীট অবস্থায় শিশু খাচ্ছ পাবে কোথায়? মা সেটা যোগান দেয়। বাসার মুখটা সীল করে দেবার আগে ঐ গর্তে সে মরা মাছি বা মাকড়শা অজ্ঞাত শিশুদের খাচ্ছ হিসাবে রেখে দেয়।

কিন্তু তিন-চার সপ্তাহ কোনো মৃত জীবকে ঐ গর্তে রেখে দিলে সেটা নিশ্চিত পচে যাবে। তার অজ্ঞাত শিশুদল খিদের জ্বালায় সেই পচা মাংস খেয়ে অসুস্থ হয়ে পড়বে বা মারা যাবে।

সুতরাং ?

জীববিবর্তনের তাগিদে শিকারি বোলতা একটা নতুন আবিষ্কার করল কয়েক লক্ষ বছর আগে, যা মানুষ করেছে অতি সম্প্রতি : অ্যানাস্থেশিয়া !

শিকারি বোলতা বাজপাখির মতো ছেঁা মেয়ে যখন কোনো মাছি বা মাকড়শার উপর পড়ে তখনই তাকে হত্যা করে না। একটা জ্বল



শিকারী বোলতা, কর্তৃক অ্যানাস্থেশিয়া প্রয়োগ

ফুটিয়ে ইন্জেক্শান দেয়। কিমাশ্চৰ্ঘমতঃপরম্ ! তাতে জীবটা মারা যায় না, শুধু অসাড় হয়ে যায়। মা-বোলতা তখন সেই অচৈতন্য হতভাগ্যকে টানতে টানতে ঐ বাসায় নিয়ে যায়। এভাবে সাত-আটটি অচৈতন্য মাছি বা মাকড়শাকে একের-পর-এক সাজিয়ে রেখে বাসার মুখটা সীল করে দেয়। আশ্চর্যের কথা, দেখা গেছে ঐ অচৈতন্য প্রাণীর সংখ্যা এবং ডিমের পরিমাণ একটি অঙ্কের হিসাবে ছকা— অর্থাৎ অজ্ঞাত শিশুরা 'শুককীট' অবস্থায় ঘেন খাচ্ছাভাবে মারা না পড়ে, আবার অতিভোজনোে ঘেন পীড়িত না হয়।

জীববিজ্ঞানীরা ঐ বাসা ভেঙে অচৈতন্য প্রাণীগুলিকে পরীক্ষা করে দেখেছেন। দেখেছেন, সেগুলি মৃত নয়, অথচ জীবনের কোনো বাহ্য চিহ্নও নেই! ইন্জেক্শান এমন অদ্ভুত যে, তাতে ঐ অচৈতন্য প্রাণীগুলি নিজেরাও খাচ্ছাভাবে মরে যায় না। পুরো সাত-আট সপ্তাহ অর্ধমৃত অবস্থায় অসাড় হয়ে পড়ে থাকে! তারা ঘূমের মধ্যে জানতেও পারে না কখন বোলতা-শিশু ডিম ছেড়ে শুককীট হল, কখন তারা গুটি গুটি এগিয়ে এল এবং ধীরে-সুস্থে ঐ সারবাঁধা টাটকা জ্যান্ত খাবারগুলি খেতে শুরু করল। মূছা কীভাবে ঘনিয়ে এল তা তারা জানতেও পারলনা।

আমার শ্রোতুবৃন্দ নির্বাক।

আড় চোখে তাকিয়ে দেখি ম্যাক্ শূন্যদৃষ্টিতে তাকিয়ে আছে। তার কোনো সাড় নেই। যেন কোনো শিকারি বোলতা তাকে ছল ফুটিয়ে রেখে গেছে! এক জাহাজ মত্ত-লোভীর আক্রমণে তার মৃত্যু কীভাবে ঘনিয়ে আসবে তা যেন সে জানতেও পারবে না!

গল্পটা আমার ঐ খানেই শেষ হবার কথা। কিন্তু সামান্য একটু উপসংহার বাকি আছে :

প্রায় বছর খানেক পরের কথা। আমস্টার্ডামে একটি পার্টিতে একজন ফরাসি মহিলার সঙ্গে আলাপ হচ্ছিল। কথাপ্রসঙ্গে উনি

বললেন, অতি সম্প্রতি 'সী কুইন' জাহাজে চেপে তিনি আমস্টার্ডামে এসেছেন। শুনে আমি বললুম, ঐ জাহাজের ক্যাপ্টেন একজন আইরিশম্যান...

ভদ্রমহিলা আমাকে বাধা দিয়ে বলেন, মস্যুয়ে ম্যাক্গ্রেগরি তো ? চমৎকার মানুষ ! দারুণ গল্পুড়ে। ঠিক আপনার মতো জীবজন্তু নিয়ে মেতে আছেন। অনেকগুলো পোষা জন্তু আছে তাঁর।

আমি তো থ।

উনি বলেই চলেন, একদিন সন্ধ্যায় তিনি আমাদের সবাইকে শুনিয়েছিলেন জন্তুজানোয়ারেরা কী বুদ্ধিমান ! শুনলে আপনি স্তম্ভিত হয়ে যেতেন।

সৌজন্নের খাতিরে আমাকে বলতেই হল, তাই নাকি ? ভেরি ইন্টারেস্টিং !

—দারুণ ! দারুণ ! আপনি তো শুধু চিড়িয়াখানার জন্তু জন্তু জানোয়ার ধরে আনেন। কিন্তু কোনোদিন কি ভেবে দেখেছেন, ওদের মধ্যে হয়তো কত পশুিত, বিজ্ঞানী, দার্শনিক আছেন !

আমি অবাক হয়ে বলি, ম্যাক্ তাই বললে ? কী বলেছিল সে ?

—সব কথা আমার ঠিক ঠিক মনে নেই। উনি বলেছিলেন ; 'হিঙ্গোপম' নামে একজন বাছড় নাকি জীবজগতের প্রথম 'রেফ্রিজেরটার' বানান, একজন শিকারী-বোলতা রেডারষত্ব আবিষ্কার করেছেন— আরও কী কী সব ! মোট কথা ম্যাক্গ্রেগরি একজন উঁচুদরের না-মানুষ-দরদী।

—না-মানুষ ?

—আজ্ঞে হ্যাঁ ; মনুষ্যেত্তর, জানোয়ার, অমানুষ ইত্যাদি শব্দ মস্যুয়ে ম্যাক্গ্রেগরি একদম বরদাস্ত করেন না। বলেন, এতে ওঁদের অপমান করা হয়। ঐ-সব না-মানুষ গ্যালিলেও-নিউটন-আইনস্টাইনদের !

## পদ্মপত্র বিহারিণী

দক্ষিণ আমেরিকার উত্তরদিকে ব্রিটিশ গায়োনাকে আমার মনে হয়েছিল পৃথিবীর সবচেয়ে সুন্দর দেশ। তার কিছুটা বিষুব-অঞ্চলের ঠাসবুনোট জঙ্গল, কিছুটা দিক হারানো সাভানার তৃণভূমি। কিছুটা পাহাড়-পর্বত; তার মাঝে মাঝে ঝরণা আর জলপ্রপাত। জানি, প্রতিবাদ উঠবে, এসব কি পৃথিবীর অল্প কোথাও নেই? তা মানছি, আসলে ওখানে হরেক রকমের জীবজন্তু-পশু-পাখির সন্ধান পেয়েছিলুম। প্রাকৃতিক সৌন্দর্যের চেয়ে ওরাই আমাকে বেশি করে টানে—ঐ জীব-জন্তু, পাখি, গুবরে-পোকা, প্রজাপতি, গঙ্গাফড়িং।

সবচেয়ে ভাল লেগেছিল সমুদ্রের কাছাকাছি একমুঠো লবণাক্ত জলাভূমি। জর্জটাউন থেকে ভেনিজুয়েলার সীমান্ত পর্যন্ত হাজার হাজার পাহাড়ে ঝরনা এক ঝাঁক স্থূল-ছুটি বেণীদোলানো মেয়ের মত নাচতে নাচতে ছুটেছে বাড়ি পানে। তারপর হঠাৎ সমুদ্রের গর্জন শুনে ওরা যেন থমকে থেমে গেছে। কিশোরী নদী হয়েছে পূর্ণযৌবনা হৃদ। আকাশের অগ্ন্যন্তি তারা এতদিনে ওদের ঝাঁচলে চুমকি বসানোর সুযোগ পেয়েছে। ঐ বন্ধ জলাভূমির ছপাশে ঘন বন, আর তার খাঁজে খাঁজে হাজার জীবজন্তুর ডেরা।

১৯৫০ সালে যেতে হয়েছিল সেই অবাক অরণ্যে। কারণ লণ্ডন চিড়িয়াখানার ডিরেক্টার আমার হাতে ধরিয়ে দিয়েছিলেন আমন্ত্রণ-লিপির একটা লম্বা তালিকা। রীতিমত মোগলাই নিমন্ত্রণ—ধরে আনা শুধু নয়, বেঁধে আনা। তখন আমার জীবিকা—চিড়িয়াখানায় জ্যান্ত জীবজন্তু সরবরাহ করা।

যখন পৌঁছলুম তখন বর্ষা সবে শেষ হয়েছে—জলাটা আকণ্ঠ টল-মল। জন্তু ধরার সিজন শুরু হতে তখনও মাসখানেক বাকি। অগত্যা সাময়িক-ভাবে আস্তানা গাড়তে হল ঐ জলাভূমির কিনারে। গ্রাম-টার নাম 'সান্তা রোজা'। সেখানে পৌঁছতেই লাগল পুরো হুদিন।

প্রথম দিন অনেকটা পাড়ি দেওয়া গেল মোটর লঞ্চে, এমিকুইবো নদীর উজানে। দ্বিতীয় দিন ছোট ডিঙিতে, কারণ নদী ক্রমশ এত শুরু হয়ে গেল যে, ছুপাশের গাছ-গাছালি ছমড়ি খেয়ে পড়েছে আমাদের দেখতে। আকাশটাকে মুছে দিয়ে। বারে বারে মাথা ঝুঁকিয়ে, 'শির সাম্‌হালকে' ডিঙি বেয়ে এগিয়ে যেতে হচ্ছিল, গাছ-গাছালির ঠোঁকর থেকে মাথা বাঁচাতে। বুঝলুম, হাজার কুর্নিশ আদায় না করে এ কুমারী-ভুখণ্ড আগন্তুককে 'ভিসা' দেয় না। জল আদৌ দেখা যাচ্ছে না—সবটাই পদ্মপাতা, কচুরিপানা, আর নাম-না-জানা উদ্ভিদের কার্পেটপাতা। কখনও বা মনে হচ্ছে অরণ্যদেবী আমাদের অভ্যর্থনার জন্তু তোরণ বানিয়ে রেখেছেন, ছুপাশের গাছের ঝুঁকে পড়া ডালের তোরণ। মনে হচ্ছে নদীপথে নয়, আমরা যেন একটা টানেল ভেদ করে চলেছি।

ছ-একবার নজরে পড়ল গাছের ডালে বসে আছে কাঠ-ঠোকুরা। ঠোঁট-বাটালির ঠকাঠকু হঠাৎ থেমে যাচ্ছে আমাদের দেখা মাত্র। ঘন কালো রঙ, বেশ লম্বা। সাদা ঠোঁট আর আবীর-রঙা বুক। ডিঙিটা এগিয়ে আসতে দেখলেই চট করে সরে যাচ্ছে গাছের ওপিঠে। সেখান থেকে পুটপুট করে তাকিয়ে দেখছে : কে এল রে এ পাড়ায়, জ্বালাতে ?

হরেক রঙের প্রজাপতি ইতিউতি ওড়াউড়ি করছে ; নির্ভয়ে কখনও বা এসে বসছে গলুয়ের মাথায়, অথবা আমার কাঁধে। আবার হঠাৎ-হঠাৎ কোথাও কিছু নেই 'ক্যাঁচ-ক্যাঁচ-ক্যাঁচোর-ক্যাঁচোর' শব্দ করে লাফ দিয়ে উঠছে মাছরাঙা। পাখিটা যে ওখানেই ছিল আগে নজর হয়নি, এমনই মিলেমিশে ছিল ডালপাতার সঙ্গে। মাছ-রাঙাটা যেন 'শ্যামা' নৃত্যনাট্যে দারোগার ভূমিকায় অভিনয় করছে। তেমনি তার ক্রতচ্ছন্দ প্রবেশ : ঐ চোর, ঐ চোর, ঐ চোর !

লাল-নীল-সবুজ-হলুদের একটা উড়ন্ত রামধনু যেন। পর মুহূর্তেই একটু দূরে ঝুপ করে ডানামুড়ে বসে পড়ছে। হারিয়ে যাচ্ছে ভাল-পালার মধ্যে। এখন আর 'দারোগা' নয়, ধ্যানীবুদ্ধ। কে বলবে, এক

মিনিট আপে ও 'কে-চোর কে-চোর ?' চিৎকারে পাড়াটা সচকিত করে তুলেছিল !

আচ্ছা, ও কেমন করে বুঝল বলত—যে আমি সত্যিই চোর—  
এসেছি ওদের কয়েকজনকে ধরে নিয়ে যেতে ?

শেষমেশ যে গ্রামে গিয়ে আস্তানা গাড়লুম তাকে গ্রাম না বলে  
দ্বীপই বলা উচিত। দশ-বিশ-ঘর আদিবাসীর একটা বসতি ;  
চারিদিকেই বর্ষার বজ্রজ্বলা। ওরা আমাকে যে কুঁড়ে ঘরখানায়  
থাকতে দিল তা গাঁয়ের একেবারে শেষপ্রান্তে। হ্রদের ঠিক কিনারে।  
গোলপাতায়-ছাওয়া একখানা ঘর আর ঐ জ্বলাটার দিকে একচিলতে  
একটা বারান্দা। জ্বলাটার গভীরতা হাত দুই হই-কি-না-হই,  
শীতকালে জল সরে গেলে সেখানে জেগে উঠবে পলিমাটির আস্তরণে  
উর্বর জমি। আদিবাসীরা তাতে নানান শীতলী ফসল ফলাবে।

এখানে জলবন্দী হয়ে হপ্তা-তিনেক অপেক্ষা করতে হবে। কাজের  
মধ্যে কাজ কিছু পেপারব্যাক বই পড়া। অবশ্য স্টোভে নিজেকেই  
রান্না করতে হত। বাকি সময় চুপচাপ বসে থাকতুম ঐ বারান্দাটায়,  
ইজিচেয়ার পেতে। সঙ্গে একটা বেশ জোরাল বাইনোকুলার ছিল ;  
—খুবই জোরাল—বিশ মিটার দূরে গাছের ডালে বসা ম্যাগপাইটা  
ঘুমাচ্ছে না চোখ পিটপিট করছে তাও বলে দেওয়া যায়। তাই ঘরে  
বসেই বুঝতে পারি, কী অদ্ভুত এক চিড়িয়াখানায় এসে পড়েছি !  
কত বিচিত্র রকমের প্রাণী, কত বিচিত্র তাদের জীবনযাত্রা।

যেমন ধরা যাক 'গোগো'-কে। না, 'গোগো কোনও জন্তুর নাম  
নয়, আমি ঐ নাম দিয়েছিলুম। সেটা আসলে 'রাকুন'। মাপে  
একটা ছোটজাতের কুকুরের মত। লেজে সাদা-কালো ডোরাকাটা  
চক্রে। চ্যাপ্টা একজোড়া নখওয়াল। সামনের থাণ্ডা, শরীরটা ধূসর  
রঙের। সবচেয়ে বাহার ওর চোখজোড়া—মনে হয় সবসময় একটা  
কালো 'গোগো গগল্‌স' পরে আছে। গগল্‌স-এর ঠিক মাঝখানে  
আবার এক-জোড়া ফুটো। তার ভেতর দিয়ে দেখা যায় ওর সন্ধানী

হুটো চোখ। ওর নড়ন-চড়ন ভাবভঙ্গি দেখে মনে পড়ে যায় যোগেশবাবুর মুকাভিনয়। রাকুনটা রোজ সন্ধ্যার ঝোকে জলার ধারে হাজির হয়। শিকার ধরতে। আমি নিঃসাড় গুকে লক্ষ্য করি।

জলের ঠিক কিনারায় এসে ও জাঁকিয়ে বসে। ঘাড়টি কাৎ করে জলের ভেতর তার প্রতিবিশ্বটাকে লক্ষ্য করে। যেন দেখছে—গোগো চশমাটা নাকে চড়িয়ে তার সাক্ষ্য প্রসাধনটা কতটা খানদানি হয়েছে। তারপর আশপাশে ভালভাবে একনজর দেখে নিয়ে জলে মুখ ডুবিয়ে বেশ কিছুটা জল পান করত। আবার জল থেকে উঠে ছু-পায়ে ভর দিয়ে বসে জল-আয়নায় দেখে দেখে পরিপাটি করে গৌফজোড়া মুছে নিত। ব্যস, এরপর ডিউটিতে নেমে পড়ত সে।

ধীরে ধীরে এক কোমর জলে এগিয়ে এসে 'থাপন-জুড়ে' বসে পড়ত। এবার ডান হাতটা জলে ডুবিয়ে কী যেন একটা আঁতিপাতি করে খুঁজতে থাকে। তোমরা দেখলে ভাবতে : গতকাল বুঝি স্নানের



রাকুন



সময় ওর একপাটি কানের ছল খোয়া গেছে, বেচারি তাই খুঁজছে। হঠাৎ কোথাও কিছু নেই ত্রিং করে এক লাফ! কী ব্যাপার? ওর ছু-থাবার ততক্ষণে বন্দী হয়েছে জলচর কোন ছুঁভাগা—হয় ব্যাঙ, নয় কাঁকড়া। ব্যাঙ হলে মুহূর্ত মধ্যে কস্মো সারা! একটা ঝাঁকুনির ওয়াস্তা। আর কাঁকড়া হলে ওদের মরণপণ লড়াইটা বেশ অনেকক্ষণ ধরে চলতে থাকে। ডাঙায় উঠে যেইমাত্র সেটাকে আছড়ে ফেলে অমনি ছুঁদাঁড়া উচিয়ে কাঁকড়াটা খাড়া হয়ে ওঠে। মরণপণ লড়তে। কিন্তু রাকুনটা অতি খলিকা! কাঁকড়া-চরিত্র সশ্বন্ধে সে রীতিমত ওয়াকিবহাল। বেশ কিছুটা দূরত্ব বজায় রেখে রাকুনটা প্রতিমিনিটে বার-চারেক একটা থাবা বাড়িয়ে দেয়। কাঁকড়া প্রতিবারেই তার দাঁড়া উচিয়ে কামড়াতে যায়, পারে না। কারণ রাকুনটা থাবা বাড়ায় বিঘৎ-খানেক দূরত্ব বজায় রেখে। মিনিট পাঁচ-সাত এই একই অভিনয়ের রিপিট শো। বারে বারেই রাকুনটা যেন বলতে থাকে : 'ও কুমীর, তোর জলকে নেমেছি!'

কাঁকড়া তো হার আমিই বিরক্ত বোধ করি। একঘেয়ে 'লাল গানে নীল সুর' কতক্ষণ আর ভাল লাগে বল? ক্রমাগত পাঁচ-সাত মিনিট এই একই দৃশ্যের পুনরাভিনয়ের পর কাঁকড়াটার মতিচ্ছন্ন ঘটে। হয় সে ক্লান্ত হয়ে পড়ে, অথবা ভাবে—মড়ার মত নিঃসাড়ে পড়ে থাকলে হয়ত রাকুনটা কাছে ঘনিয়ে আসবে; তখনই সে দেবে এক মরণ-কামড়! কিন্তু রাকুনটা সে দিক দিয়েও যায় না। 'স্ট্যাচু' মেরে যায়। বিশ থেকে ত্রিশ সেকেণ্ড। তারপর ঝপাৎ! এবার আর সে থাবা বাড়ায় না। ঝাঁপিয়ে পড়ে কাঁকড়াটার ওপর। তার তীক্ষ্ণ দাঁতের করাতকলে মুহূর্ত মধ্যে দ্বিখণ্ডিত হয়ে যায় হতভাগ্য কাঁকড়ার দেহটা।

এরপর—না, যা ভাবছ তা নয়! আহারপর্ব মোটেই শুরু হয় না। ব্যাঙ হোক অথবা কাঁকড়াই হোক, শিকারটাকে সে বেশ কয়েকবার জলে ধুয়ে নেয়। এই ধৌতপ্রক্রিয়া রাকুনের এক চারিত্রিক বৈশিষ্ট্য। তোমরা যেমন পেয়ারা, কুল বা কালোজাম না ধুয়েই মুখে পুরে দাও আর মায়ের কাছে ধমক খাও—রাকুন তা করে না। প্রতিটি খাণ্ড-

দ্রব্য—তা সে ব্যাঙ হক, মাছ হক, অথবা কাঁকড়াই হক, ভাল করে না ধুয়ে কখনও মুখে দেয় না। কলকাতার চিড়িয়াখানায় এখন রাকুন নেই। যদি কখনও আসে তবে তাকে একটা 'সুগার-কিউব' উপহার দিয়ে মজা দেখ। রাকুনেন্দ্রনাথ সেটাকে তার জলের গামলায় ধুতে শুরু করবে। ধোবে, ধোবে আর ধোবে। শেষমেশ জল থেকে খালি হাতটা তুলে যখন সে ভ্যাবাচাকা, তখন তোমার ক্যামেরায় একটা ক্লিক করে দিও! অ্যালবামে সাঁটবার সময় তার ক্যাপসান হবে : যাচ্চলে।

দ্বিতীয় যে জীবটি আমার অবসর বিনোদনে অংশ নিতে আসত তার নাম 'গেছো সজারু'। আমার কুঁড়েঘরের পূর্ব-দিকে ছিল একটা আম আর একটা পেয়ারা গাছ। এখানে সদলে তেনাদের আবির্ভাব ঘটত। সারা গারে ধূসর-সাদা কাঁটা, চোখ দুটি কুঁচফলের মত, কিন্তু দেখলে মনে হয় তাতে না-ঝরা জল বুঝি টলটল করছে। গাছের মগডালে তাঁরা তরতরিয়ে উঠে যেতেন সদলে সবার আগে। লেজটি মোক্ষম করে জড়িয়ে নিতেন একটা ডালে। তারপর পেছনের ছু-পায়ে ভর দিয়ে উঁবু হয়ে পংক্তিভোজনে বসে যেতেন। আম অথবা পেয়ারা।



শিরঃ কঙ্কাল

ওঁরা কখনও একা আসেন না—এগারোজন ফুটবলার গ্রে-রঙের জার্সি পরে যেন নাচতে মাঠে নামছেন। তফাৎ এই—ফুটবল টিম কখনও জিতে ফেরে, কখনও হারে। ওঁরা কখনও হারেন না। গাছটিকে সাফা করে দিয়ে সদলে হিপ-হিপ-হুররে করতে করতে উধাও হন।

ওদের একটা আচরণ আমার কাছে ভারি বিচিত্র লাগত। আহা-পর্বের মাঝে মাঝে—হাফটাইমে ওরা জোড়ায় জোড়ায় অদ্ভুত কায়দায় বক্সিং লড়ত। প্রতিপক্ষ নিজ নিজ লেজ দিয়ে ডালটাকে শক্ত করে ধরে মোক্ষম লড়াই করত সামনের দুই খাবা দিয়ে। সে কী মর্মান্তিক লড়াই! ডাইনে-বাঁয়ে বুল দিয়ে, ক্রমাগত ঘুষি চালাচ্ছে : স্ট্রেট শট, আণ্ডার-কার্ট, লেফট হুক—বক্সিং জগতের প্রতিটি কেতাবী মার! বাইনোকুলার দিয়ে দেখতুম ফেদার-গুয়েট চ্যাম্পিয়নশিপের সে লড়াইয়ে ওদের মুখ-চোখেও ফুটে উঠছে প্রত্যাশিত অভিব্যক্তি : ক্রোধ, প্রতিহিংসা, সতর্কতা, জয়োন্মাদনা! মানুষী বক্সিং-এর সঙ্গে শুধু একটিমাত্র প্রভেদ : কোনও যোদ্ধা প্রতিপক্ষের অঙ্গ-স্পর্শ করত না। কারণ ওদের মধ্যে হাতখানেক ফাঁক। যাকে বলে বক্সিং-এর অহিংস সংস্করণ! এই অদ্ভুত আচরণের কী উদ্দেশ্য তা জীববিজ্ঞানীরা হয়ত বলতে পারবেন। আমি নিছক আনন্দ পেতুম।

তিন নম্বর যে জীবটির মাঝে মাঝে আবির্ভাব ঘটত তার নাম 'd ouroucouli' তিন জোড়া 'OU' যুক্ত এই জীবটি হচ্ছে একজাতের বাঁদর। আফ্রিকান 'লেমুর' শ্রেণীর বানরের সঙ্গে নাকি জীববিজ্ঞান মতে এদের আত্মীয়তা আছে। সারা দুনিয়ায় একমাত্র দক্ষিণ আমেরিকায় এঁরা এখনও টিকে আছেন। লেজ ছাড়া দৈর্ঘ্য গড়ে 330 মিলিমিটার এবং লেজের দৈর্ঘ্য 500 মি. মি.। অর্থাৎ উপকথার সেই 'বার হাত কাঁকুড়ের তের হাত বিচি' এ পাড়ায় বোধহয় এখন গোগো-চশমার ফ্যাশন চলছে। কারণ এদের চোখগুলোও গোগো-চশমার মত। গোটা বানর প্রজাতির মধ্যে এরা তিন তিনটে বিশ্ব-রেকর্ডের অধিকারী। এক : এরাই একমাত্র নিশাচর-বানর। দুই : স্বজাতীয়ের

মধ্যে—শুধু তাই বা কেন, সমান ওজনের যাবতীয় জীবের মধ্যে এদের কণ্ঠস্বর সবচেয়ে তীব্র, তীক্ষ্ণ, উচ্চগ্রামের। তিন : বানর শ্রেণীর জীবের মধ্যে এরাই শুধু মুখে মুখে চুমু খেতে জানে। দৌরোকৌলিরা—যদি বাঙলা বানানে সেটাই তাদের নাম হয়—প্রতিদিন আসত না। তাদের আবির্ভাব কালেভদ্রে। ঘনঘন আগমন ঘটলে আমাকে বিপদে পড়তে হত ; কারণ অত বোরিকতুলো ছিল না আমার মেডিক্যাল ব্যাগে। তেনারা এলেই আমাকে কানে তুলো দিতে হত কিনা।



### দৌরোকৌলি

রঙ্গমঞ্চে এবার চার নম্বর যে জীবটিকে উপস্থাপিত করছি তিনি হচ্ছেন আমার কাহিনীর খল-নায়ক : মিস্টার কেম্যান (Cayman)। দক্ষিণ আমেরিকার এক জাতের মেছো-কুমীর। আমাদের গাঙ্গেয় উপত্যকায় থাকে 'ঘড়িয়াল' বলে তারই অতি দূর সম্পর্কের জ্ঞাতিভাই। লম্বায় আন্দাজ দেড় মিটার; সাদা-কালো পিঠে ডুমো-ডুমো চক্রের বাহার। বেনারসী শাড়ির আঁচলে যেমন চিত্তির-বিচিত্তির করা থাকে,

ওর লেজেও তেমনি ডাগনৌ চঙের বাহার। চোখ ছুটি তুলুতুলু—  
বেড়ালের চোখের মত একটা চেরা দাগ; কিন্তু উদ্বেজিত হলে তা  
থেকেই আগুন ছোটে! সারাদিন চুপচাপ শুয়ে থাকে—নট নড়ন চড়ন  
—যেন সাঁঝের ঝোঁকে একপাইট মদ গিলে পড়ে আছে খোঁয়াড়  
ভাঙার অপেক্ষায়। আমার কুঁড়ে ঘরের সামনে ঐ বদ্ধ জলাটায় বাস  
করত একটা কেম্যান। নিতান্ত একলা। বিবাগী, বৈরাগী কিনা  
জানি না, কিন্তু কোনদিন কোনও স্বজনকে তার তত্বতালাশ নিতে  
আসতে দেখিনি। কোনও অপরাধে ও বোধহয় একঘরে হয়ে আছে।  
কারণ এখান থেকে এক কিলোমিটার উজিয়ে গেলে আর একটা হৃদে  
বিশ-পঁচিশটা কেম্যানকে সার বেঁধে রোদ পোহাতে দেখেছি।

আমার এ কাহিনীর নায়ক আছেন নেপথ্যে: নায়িকা: মিস্  
জাসানা (Jacana)। দক্ষিণ আমেরিকার এক বিচিত্র জলচর পাখি।  
কলকাতার চিড়িয়াখানায় জাসানা নেই—কিন্তু মুরহেন (moorhen)  
আছে। এ ভদ্রমহিলাকেও দেখতে প্রায় একই রকম। তবে জাসানার  
দেহ আরও হালকা, আর তার আঙুলগুলো মুরহেনের তুলনায় অনেক  
বেশি লম্বা। জাসানা যখন পদ্মপাতার ওপর দিয়ে হেঁটে চলে বেড়ায়,  
তখন তার দেহের ওজন বিস্মৃততর বর্গক্ষেত্রে চারিয়ে যায় বলে  
পদ্মপাতাটা ওদের দেহভারে ডুবে যায় না। এজন্ত ওদের আর এক  
নাম: লিলিট্রটার। তাই একবার ভেবেছিলাম ওর নামকরণ করি:  
'পদ্মপত্রবিহারিণী'; কিন্তু পাছে কেউ নামটা খাটো করে 'পদ্ম' বা  
'পদিপিসি' বলে ডাকতে শুরু করে তাই আমি ওকে 'মিস্ জাসানা'  
বলেই উল্লেখ করব।

কদিনের মধ্যেই মালুম হল ঐ কেম্যান আর মিস্ জাসানার  
সম্পর্কটা অহি-নকুলের। না, ভুল হল। সাপ আর বেজী কেউ  
কারণ কাছ হার মানেনা। এদের সম্পর্কটা বরং পুষি আর মিনি-  
মাউসের। তা মতপার্থক্য ত হতেই পারে। কেম্যানের বিশ্বাস  
প্রকৃতিদেবী জাসানাকে এই জলাভূমিতে আশ্রয় দিয়েছেন একটিমাত্র  
শুভ উদ্দেশ্য নিয়ে—তার একবেলার নাস্তা সারতে। একঘেষে মাছ

আর ব্যাঙ কতদিন খাওয়া যায় ? একবেলা একটু নরম তুলতুলে পাখির মাংস—ওঃ ! তোফা !

অথচ জাসানা যখন পদ্মপাতায় সতর্ক পা ফেলে চলাফেরা করে আর কেম্যানের দিকে টেরিয়ে টেরিয়ে তাকায় তখন স্পষ্ট অনুভব করি, সে মনে মনে গজগজ করছে : ঐ ঘাটের মড়া এখানে মরতে এসেছে কেন ? ও যাক না কেন ঐ দূরের জলাটায়, যেখানে ওর জাতভায়েরা একটা এঁদোবস্তি বানিয়েছে। মর, মর মুখপোড়া !

কেম্যান বয়সে তরুণ। তার অভিজ্ঞতা অল্প। তাই তার শিকার-পদ্ধতিটা রোজই হয়ে যায় কাঁচা-কাজ ! কোনদিনই সে জাসানার নাগাল পায় না। রোজ সকালে দেখতুম জাসানা-সুন্দরী রীতিমতো 'সজ্জা' দিয়ে প্রাতঃভ্রমণে এসেছেন। সাজের সে কি বাহার ! পিঠে চকোলেট রঙের লেডিজ-কোট, চোখে-কাজল, ভুরুর কাছে নীলচে রঙের ম্যাস্কারা—গলায় দুধ-সাদা একটা কম্ফটার, পায়ের মোজা-জোড়া আকাশী নীল ! পদ্মপাতায় চরণপাত করছেন ব্যালে নাচের ভঙ্গিমায় ; আর ইতিউতি অপাঙ্গে দৃষ্টিপাত করছেন। মাঝে মাঝে অতি দীর্ঘ আঙুল দিয়ে কোন একটি পদ্মপাতার কিনারটি উল্টে ধরছেন। তার তলদেশে অবধারিতভাবে অসংখ্য সূক্ষ্ম জলজ জীব—পোকা-মাকড়, জেঁক, জলমাকড়শা—সেই যাদের তুর্কিনাচন দেখেছিলুম 'পথের-পাঁচালী' ছবিতে, বর্ষা-আগমন দৃশ্যে। জাসানা নিপুণ-ঠোঁটে তাদের খুঁটে খুঁটে খেত আর একটা চোখ মেলে রাখত তার জন্মশত্রু ঐ ঘাটের মড়ার দিকে। কিন্তু কোন কোনদিন জাসানা-সুন্দরী অস্বমনস্ক হয়ে পড়ত। ঠিক তখনই সক্রিয় হয়ে উঠত কেম্যান। অ—তি ধীরগতিতে, ঠিক যে-ভঙ্গিতে টিকটিকি এগিয়ে আসে শ্যামাপোকার দিকে, সেই ভাবে তিল তিল করে দূরত্বটা কমে আসে একটু একটু করে। সেক্টিমিটার—ডেসিমিটার—মিটার ! এভাবে কমতে কমতে যখন দূরত্বটা মিটার-দুয়েক তখনই দেখতুম চালে ভুল হয়ে যেত কেম্যানের। ও যদি পদ্মপাতার কার্পেটমোড়া জলের তলা দিয়ে টর্পেডোর মতো এগিয়ে এসে ঘাঁক করে জাসানার ঠ্যাঙখানা

কামড়ে ধরত, তাহলে তার পালাবার কোনও পথ থাকত না। কিন্তু  
কেম্যানের বয়স কম, অভিজ্ঞতা অল্প—এই সময় সে উদ্বেজনায় ভুল  
করে ভেবে বসত, সে বুঝি উপেন্দ্রকিশোরের বইতে রাক্ষসের পাঁট  
করছে! লেজের আপ্শানিতে হৃদের জল তোলপাড় করে সে সাঁতরে  
আসত : হাঁউ-মাউ-খাঁউ ! জাসানার গন্ধ পাঁউ !

জাসানা তৎক্ষণাৎ ফুডুৎ ! বেশি উচুতে উঠত না—কেম্যানের  
মাথার হাত দেড়ে উপরে চক্রাকারে পাক খেত—‘ক্যাও ? ক্যাও ?  
ক্যাও ?’ জাসানা জানে, যত বড়রাক্ষসই হোক, ঐ দেড়-হাত শূণ্যমার্গের  
অবরোধ কেম্যান ভেঙে ফেলতে পারবে না। এদিকে কেম্যানের  
লেজের আপ্শানিতে যে শব্দ হয়েছে তাতে যাবতীয় জলচর পাখি  
সামিল হয়েছে আকাশমার্গের প্রতিবাদ-মিছিলে। তারা সবাই দলে  
দলে চক্রাকারে পাক খেতে থাকে আর শ্লোগান দিতে থাকে : নিপাত  
যাক, নিপাত যাক ! কেম্যানের সাদা দাঁত ভেঙে দাও, গুঁড়িয়ে দাও !

এই একই খেলা নিত্যি ত্রিশ দিন !

আমি ভাবতুম—শুধু কেম্যান নয়, জাসানা-সুন্দরীও বোকার  
বেহদ। কেন রে বাপু ? এই জলাটা ছেড়ে দক্ষিণ-পশ্চিমে একটু  
সরে গেলেই পারিস ? সেখানেও পদ্মপাতা আছে, কোনও কেম্যান  
নেই। কিন্তু গবেটটা বীজগণিতের এই সহজ অঙ্কটা কষতে পারে না।  
সহসমীকরণের ছটি মূল : কেম্যান আর পদ্মপাতা। একটি সংখ্যাকে  
অপরটি দিয়ে ভাগ দিলেই—অর্থাৎ নিজে ভেগে পড়তে পারলেই—  
কেম্যানকে ভাগিয়ে দিয়ে পদ্মপাতার ‘মূল’-কে পাওয়া যায়। কিন্তু  
বেচারি জাসানা ত বীজগণিত শেখেনি—সে ঐ বন্ধজলাটার একটা  
লালচে রঙের কাশ ঝোপের কিনারে বসে থাকে চৌপর দিন !

কী মধু আছে ঐ কাশ ঝোপে ?

একদিন কৌতূহলের নিবৃত্তি করতে এগিয়ে গেলুম ঐ কাশ  
ঝোপের কাছে !

ও হরি ! এই কাণ্ড ! মিস্ জাসানা এতদিনে মিসেস্ জাসানা !  
কাশ ঝোপের মাঝখানে, লতাপাতা কাঠকুটো দিয়ে বানানো একটা

ভালোবাসায় চারটে 'জেম'-চকোলেট ! জাসানা-মা তার উপর জাঁকিয়ে বসে তা দিচ্ছে। আমাকে দেখতে পেয়েই ডানা-ঝাপটিয়ে প্রতিবাদ করে ওঠে : কেওঁ ! কেওঁ ! কেওঁ ?

আমি উশ্টে ধমক লাগাই, দূর পাগলি ! আমি তোর ডিম চুরি করতে আসিনি মোটেই। এই দেখ আমি ফিরে যাচ্ছি। যা, 'তা' দিগে যা !

দিন-চারেক জাসানাকে আর দেখিনি। কেমনও কি জানি কেন জলাটার দূরতম প্রান্তে সরে গেছে। ব্যাপার কি ? আবার সরজমিনে তদন্তে যেতে হল। আহা-রে ! জাসানার বাসাটা ফাঁকা। কিছু ভাঙা ডিমের খোলা ছড়ানো আছে এখানে ওখানে। নিশ্চয় ঈগল অথবা প্যাঁচার কাণ্ড। গোগোও হতে পারে। কার কাণ্ড বোঝা গেল না। তাই বোধহয় জাসানা নিরুদ্দেশ ! এতবড় শোকটা সামলাতে পারেনি বেচারি।

মনটা খারাপ হয়ে গেল। নারকীয় কাণ্ডটার জন্তু দায়ী কে, তা জানা গেল না ; নাহলে অপরাধীকে শাস্তি দিতে পারলেও মনটা শান্ত হত।

পরদিন বিকেলবেলা গরম কফির পেয়ালা হাতে নিয়ে ইজিচেয়ারে বসতেই নজরে পড়ল দৃশ্যটা ! আরে ঐ তো ! জাসানা-মা, আর তার চার-চারটি ছানা-পোনা !

দৃশ্যটা আমি জীবনে ভুলব না ! জাসানা-শিশু তার জীবনের প্রথম পাঠ নিচ্ছে। মা-জাসানা বের হয়ে এল কাশবোপের ফোকর থেকে। পেছন ফিরে দেখল এক নজর। ঠিক তার পেছনেই হাঁটি হাঁটি পা-পা এগিয়ে আসছে সজোঁজাত চারভাই : চুমু-মুমু-চাঁ-মঁ্যা !

সবেদা ছোট মাপের হলে অথবা পাতিলেবু বড় মাপের হলে যতটা হয়, এক একজনের গোটা দেহটি ততখানি। গোলাকার দেহের নিচে একজোড়া দেশলাই কাঠি। আর তার তলার মাকড়শার জালের মতন ইয়া লম্বালম্বা সুতোর মত আঙুল। এক একটা আঙুল গোটা দেহের মতো লম্বা। মনে হচ্ছে এক একটা মাখনের দলা কফির কৌটোয় ডুব-স্নান সেরে এসেছে ! সবচেয়ে মজা ওদের চলার ভঙ্গিটা। মায়ের লগেলগে পুটপুট করে বেরিয়ে এল চারভাই—একের পিছে



এক। মা দাঁড়ায়, ত বালখিলা বাহিনীও : ক্লাস হস্ট, গুয়ান-টু। শুধু  
তুলতুলে ঘাড়ের উপর পুঁচকে কুঁচকে মুগুগুলো ইতিউতি ঘুরছে। সবার  
পিছনে সবচেয়ে পুঁচকেটা আবার আকাশ পানে অবাক দৃষ্টি মেলে  
কী যেন দেখছে। যেন বলছে : ছোন্দা! আকাছটা অত নীল  
কেন রে ?

জাসানা-মা পদ্মপাতায় একপায়ে দাঁড়িয়ে অপর পায়ে পদ্মপাতার  
কিনারটা উণ্টে ধরছে। খুঁটে তুলছে পোকামাকড়। খাচ্ছে না কিন্তু !



জাসানা মা পদ্মপাতায় একপায়ে দাঁড়িয়ে


পেছন ফিরে খাণ্ডবস্ত্রটা বাড়িয়ে ধরছে। চার ভাই পর্যায়ক্রমে  
ব্রেকফাস্ট সারছে। কোনো তাড়াছড়া নেই, হৈ-হল্লা নেই। এমনটা  
কিন্তু সচরাচর দেখা যায় না। যে-কোন জাতের মা-পাখি একটা

পোকা নিয়ে বাসায় ফিরলেই দেখেছি সবকটা বাচ্চা হাঁহাঁ করে তেড়ে আসে। জাসানা বোধকরি পক্ষিকুলে অনেক কেতাছুরস্ত। হ্যাংলামি নেই কিছু।

মিনিট খানেকের ভেতরেই পদ্মপাতার ঐ নিচের দিকটা দিবি ল্যাংপাপোঁছা। তখন জাসানা-মা এক-পা এগিয়ে সামনের পদ্মপাতাটিতে চলে আসছেন। বালখিল্যবাহিনীও এক-এক পদ্মপাতা ডিঙিয়ে আসছেন।

হঠাৎ খেয়াল হল—কেম্যানটা এখন কোথায়? বাইনোকুলারটা ঘুরিয়ে সমস্তটা হৃদ তন্নতন্ন করে খুঁজলুম। কেম্যানের লেজের টিকিটিরও চিহ্ন নেই। চলে গেছে নিজের দলে? বাঁচা গেছে। নিশ্চিত হয়ে দূরবীনটা যেই আবার জাসানা পরিবারের দিকে ফিরিয়েছি, তখনই নজর হল : ঐ ত !

সর্বনাশ ! জাসানা পরিবার থেকে হাত-দশেক দূরে সমস্ত দেহটা জলে ডুবিয়ে নাকটুকু জাগিয়ে কেম্যান নিঃসাড়ে পড়ে আছে। জাসানা-মা তো ছার, আমার সন্ধানী দৃষ্টিতেই তা ধরা পড়েনি। তার



কেম্যান নিঃসালক দৃষ্টিতে

একটা বিশেষ হেতু ছিল। সঞ্জানেই হোক আর চটনাচক্রেই হোক।  
 কেম্যান আজ চমৎকার একটা ছদ্মবেশ ধারণ করে এসেছে। তার  
 নাক-মুখ-পিঠের ওপর সবুজ শ্যাঙলার একটা আস্তরণ। যেন জল্লাদের  
 ভূমিকায় অভিনয়ের পূর্বে সে দীর্ঘ সময় গ্রীনরুমে 'মেক-আপ' নিয়েছে।  
 ওর সেই মাতালের ঢুলুঢুলু চোখ আর নেই, লোভাতুর লাল ছুটি চোখে  
 হিংস্র খুনীর দৃষ্টি! কেম্যানের নিষ্পলকদৃষ্টিতে তার দৃঢ় সংকল্পের  
 মৃত্যুছায়া আজ স্পষ্ট দেখলুম। লোভাতুর, নৃশংস কিন্তু অচঞ্চল।  
 জাসানা-মা তাকে আদৌ লক্ষ্য করেনি, সে নিশ্চিন্তে পায়ে পায়ে  
 এগিয়ে আসছে—ঐ দিকেই। তার গতিমুখ ঐ কেম্যানটার দিকে।  
 অবধারিত মৃত্যুর দিকে।

ঠিক তখনই মনে হল—একটা কিছু করা দরকার। বিশ্বপ্রকৃতির  
 একটি অতি ক্ষুদ্র নাটকের নির্বাক দর্শক সেজে বসে থাকা আমার  
 পক্ষে সম্ভব নয়। জানি, আইনত আমার নিরপেক্ষ থাকা উচিত।  
 জাসানাকে রক্ষা করা মানে কেম্যানকে তার খাণ্ড থেকে বঞ্চিত করা।  
 কিন্তু সে সব দার্শনিক চিন্তা তখন আমার মাথায় নেই। সেই ক্ষণিক  
 মুহূর্তে আমার মনে হয়েছিল—কেম্যান একবেলা অনাহারে থাকে তো  
 থাক, জাসানা-মার ঐ ছোট্ট সংসারটাকে বাঁচাতে হবে। ললিপপের  
 মত ঐ চার-চারটি প্রাণী—যারা সূর্যোদয় দেখেছে, জীবনে এখনো  
 সূর্যাস্ত দেখেনি—ওদের রক্ষা করতে হবে।

চকিতে মনে পড়ে গেল নিউটনের এক নক্ষত্র গতিশূত্রের কথা।  
 'বাহির হইতে প্রযুক্ত বলের সাহায্যে অবস্থা পরিবর্তন না করিলে...  
 সচল বস্তু সমবেগে সরলরেখা বরাবর সর্বাঙ্গাই চলিতে থাকিবে।' 'সচল  
 বস্তু' এখানে 'সরল বুদ্ধি'—সে সরলরেখা বরাবর চলেছে মৃত্যুমুখে!  
 কী করা উচিত বুঝে উঠতে একটু সময় লাগল। নাটকটা মধ্যস্থ হচ্ছে  
 বেশ কিছুটা দূরে; যদিও আমার জোরালো বাইনোকুলার আমাকে  
 প্রথম সারির দর্শকের আসনে বসিয়েছে। এত দূর থেকে হাততালি দিলে  
 কাজ হবে না। টিল ছুঁড়লে অতদূরে পৌঁছবে না।

এক হতে পারে যদি বন্দুকটা ব্যবহার করি। কিন্তু কেম্যানকে

গুলি করতে যাওয়ায় বিপদ আছে। অতদূর যেতে যেতে গুলির ছর्रा এতটা ছড়িয়ে পড়বে যে, তাতে হয়তো জাসানা-পরিবারটাও নিশ্চিহ্ন হয়ে যাবে!

কিন্তু আর একটা কাজ ত করা যায়! শ্রেফ ফাঁকা বন্দুকের আওয়াজ। বন্দুকের শব্দে সপরিবারে জাসানা আকাশে উঠে পড়বেই!

বন্দুকটা গেল কোথায়? ঐ তো! কিন্তু টোটার বাস্কেট? সেটা খুঁজে বার করতে লাগল আরও পঁয়তাল্লিশ সেকেণ্ড। আমি তখন মনে মনে বলছি: কেম্যান! ঐ জাসানা পরিবারের কারও একটি পালক যদি আজ খোয়া যায়, তাহলে কাল সকালে তোমাকে চিং হয়ে হৃদের জলে ভাসতে হবে! এ একেবারে নির্ঘাৎ! মৃত্যুর শোধ আমি মৃত্যুতেই তুলব!

বন্দুক হাতে ছুটে বেরিয়ে এলুম বারান্দায়। শেষবারের মতো দূরবীনটা চোখে লাগাই, শেষ অবস্থাটা সমঝে নিতে। দেখি—ঈস! জাসানা-মা এখনও টের পায়নি। পায়ে পায়ে এগিয়েই চলেছে! এখন দূরত্বটা হাত তিনেক! তার মানে কেম্যানকে সাঁতরাতে হবে না আদৌ। একটি ঝাঁপের ওয়াস্তা! তখনও জাসানা-মা পরম নিশ্চিন্তে ব্যালে-নাচের ভঙ্গিতে এক পায়ে পদ্মপাতায় লেখা পেরথমভাগ পড়াচ্ছেন তাঁর চুন্নু-মুন্নু-ঢ্যাঁ-ম্যা-কে!

ঠিক তখনই ঘটল ঘটনাটা!

টুপ! ডুবে গেল কেম্যানের নাকটা। অর্থাৎ—ও এবার ঝাঁপ খাচ্ছে! এই মুহূর্তে! এফুগি! হুহাতে বন্দুকটা তুলে নিয়ে আকাশ লক্ষ্য করে একসঙ্গে ছুটো ট্রিগারই টেনে দিলুম। লিখতে যতক্ষণ লাগল তার একশ ভাগের একভাগ সময়ে।

শব্দের গতি যেন কত? 332 মিটার প্রতি সেকেণ্ডে? নয়? অতশত অঙ্ক আমি জানি না, তবে এটুকু বলতে পারি—কেম্যানের হাঁ-মুখ যে খণ্ডমুহূর্তে পদ্মপাতাটাকে দ্বিখণ্ডিত করল, আর বন্দুকের শব্দ কর্ণকুহরে প্রবেশমাত্র যে মুহূর্তে মা-জাসানা শূন্যমার্গে লাফ মারল তার ফারাকটা মাপতে স্টপ-ওয়াচও হার মানবে! ফটো-ফিনিশ ছবি চাই! কিন্তু

সময়ের সেই স্মৃতিস্মৃতি হিসাবে আমি জিতে গেছি ! বাঁচিয়ে দিয়েছি  
সত্ত্ব-জননীকে । মা-জাসানা শয়তানটার মাথার উপর চক্রাকারে পাক  
খাচ্ছে : ক্যাও-ক্যাও-ক্যাও ।

কিন্তু ওর চার-চারটি ছানাপোনা ? তারা ত আকাশে ওড়েনি !  
বোধহয় এ শিকারটা তারা এখনও পায়নি । ছরস্তু আতঙ্কে ঝাঁপ দিয়েছে  
জলে—ঝুপ ! ঝুপ ! সর্বনাশ ! কেমানটাও ডুব দিয়েছে জলে !  
তাড়া করছে ওদের !

জাসানা-মা হৃদের এ-প্রান্ত থেকে ও-প্রান্তে ককিয়ে কাঁদতে থাকে,  
ক্যাও ! ক্যাও ! যাবতীয় জলচর পাখি তাকে সমবেদনা জানাচ্ছে সমস্বরে ।  
সন্ধ্যা হতে তখনও আধঘণ্টাখানেক বাকি । অন্ধকার ঘনিয়ে ওঠা পর্যন্ত  
চোখ থেকে বাইনোকুলারটা নামাইনি । কিন্তু নিরুদ্দিষ্ট কাউকেই নজরে  
পড়ল না ; না কেমান, না সেই কফি-রঙের চার-চারটি ললিপপ ।

বুঝলুম চারটেই ছিন্নভিন্ন হয়েছে কেমানের ধারালো দাঁতে ।

প্রতিজ্ঞা করাই ছিল । আমি বন্দুক নতুন করে টোটা ভরলুম ।  
কাল রাত ভোর হলেই কেমানকে রওনা হতে হবে সেইখানে, যেদেশে  
গেছে চুমু-মুমু চ্যা-ম্যা !

পরদিন সকালে বন্দুটা ঘাড়ে ফেলে প্রথমেই গেলুম কাশঝোপটার  
কাছে । সেখানে জাসানা-মার দেখা পাওয়া গেল । আমাকে সে চিনে  
ফেলেছে । ভয় পেল না । চুপ করে বসে আছে । একা নয়, ঐতো  
—তার পিছনে তিনটে বাচ্চা । তিনটে ! তাহলে চতুর্থটা ? সেটা  
কোনটা ? চেনা অসম্ভব । তবু আমার কি-জানি-কেন মনে হল—সেটা  
সেই সবচেয়ে পিছনের পুঁচকেটা । সেই যেটা কাল বিকালে আকাশ-  
পানে মুখ করে বলছিল : ছোদ্দা ! আকাছটা অমন নীল কেন রে ?

মনটা খারাপ হয়ে গেল । গাছের গুঁড়িতে ঠেশান দিয়ে একটা  
সিগ্রেট ধরাই । কী বেহুদ বোকা ঐ মা-জাসানা । একটু পরেই সে  
তার বাকি তিনটে ছানাপোনা নিয়ে রওনা হল আহারের সন্ধানে । ঠিক  
কালকের মতো—হাঁটি-হাঁটি-পা-পা । সবার আগে মা, আর তার  
পেছনে : চুমু-মুমু-চ্যা... ! না ! যে ছিল সবার পিছনে, সেই সবার  
আগে হাঁটি-হাঁটি খেলা সাজ করেছে ।

বাইনোকুলারটা নিয়ে আমি তন্নতন্ন করে হৃদটা সন্ধান করি।  
কেম্যান বেমালুম বেপান্তা। শয়তানটা কি টের পেয়েছে যে, আমি  
বন্দুক নতুন করে টোটা ভরেছি ? ও কি শুনতে পেয়েছে—কাল আমি  
মনে মনে কী প্রতিজ্ঞা করেছি ?

সারাটা দিন ছটফট করতে থাকি। একী মুশ্কিলে পড়া গেল !  
এভাবে হারাধনের দশটি ছেলের মৃত্যু দেখতে হবে ? না, এ হতে  
পারে না। বিকালের দিকে আদিবাসী গ্রামে গেলুম। কিছু নগদ কবুল  
করতেই ছুজন সাহসী জোয়ান আমার সঙ্গী হতে রাজি হল। একটা  
দড়ির ফাঁস বানিয়ে আমরা একটা ডিঙি নিয়ে রওনা হয়ে পড়ি।

কাল উত্তেজনার বশে প্রতিজ্ঞা করেছিলুম—কেম্যানের ভবলীলা  
সাক্ষ করে দেব। কিন্তু আজ ঠাণ্ডা মাথায় ভেবে দেখছি, এটা করা  
আমার রীতিমত অগ্রায় হবে। কেম্যান তো অগ্রায় কিছু করেনি।  
না অপরাধ, না পাপ। সে এই নিষ্ঠুর প্রকৃতি-নাটকের একজন  
অভিনেতা মাত্র। নাট্যকার তার চরিত্রে যে 'ডায়ালগ' দিয়েছেন সে  
তো সেটাই আউড়ে যাবে ? তার দোষ কী ? নাটকটা মিলনাস্তক হবে  
না বিয়োগাস্তক হবে, সে সিদ্ধান্ত কি অভিনেতা নিতে পারে ? মা-  
জাসানা যখন পদ্মপাতা উর্গে ধরে কেঁচো আর জলপোকাদের খাচ্ছিল  
তখন তো আমি বন্দুক ঘাড়ে তাকে হত্যা করতে ছুটিনি। কেন ?  
জলপোকাদের মৃত্যুযন্ত্রণা আমি প্রত্যক্ষ করতে পারি না বলে ? মূল  
নাটকটা যাঁর রচনা—এই খাণ্ড-খাদকের সম্পর্কে গড়া জীবজগতের মূল  
নাট্যকার, তাঁকে তো কোনদিনই পাব না আমার বন্দুকের নাগালের  
মধ্যে !

জলাটার একেবারে দূরতম প্রান্তে কেম্যানের সন্ধান পাওয়া গেল।  
রোদে পিঠ দিয়ে চোখ বুঁজে নিশ্চিন্তে নিদ্রা দিচ্ছে। আমি দড়ির  
ফাঁসটা ডান হাতে বাগিয়ে ধরি। অ—তি ধীরে, ঠিক যে ভঙ্গিতে  
টিকটিকি শ্যামাপোকার দিকে এগিয়ে যায়, অথবা কেম্যান জাসানার  
দিকে—সেই সতর্ক ভঙ্গিতে এগিয়ে যাই। সেক্টিমিটার—ডেসিমিটার—  
মিটার। বোকাটা টের পায়নি। এক লাফে আমি ওর উপর ঝাঁপিয়ে

পাড়ি । ও ধড়মড়িয়ে জেগে ওঠার আগেই কাঁসটা আটকে গেল ওর গলায় ।  
বাকি কাজটা সহজ । জালে আলেজমস্তক জড়িয়ে শয়তানটাকে  
ডিঙিতে তোলা হল । কিলোমিটার-খানেক উজ্জিয়ে যেতেই দেখতে  
পেলুম কেম্যানের জ্ঞাতিভাইরা চড়ার উপর সারি সারি রোদ পোহাচ্ছে ।  
ডিঙির শব্দে গতির নামিয়ে এঁকে বেঁকে তারা একে একে জলে নামল ।  
সেখানে কেম্যানেকে ডিঙি থেকে নামান হল বালির চড়ায় ।

আমি বললুম, বাপুহে কেম্যান ! নেহাত তোমার বাপ-দাদার  
পুণ্যফলে তোমার নামটা আমার 'লিঙ্গিতে' নেই । না হলে তোমাকে  
বিলাত দেশটা দেখতে পাঠাতুম । খাস লঙনে ! আপাতত এখানেই  
এই চড়ায় চরাবরা কর । আমার জ্ঞানান পরিবারটিকে তছনচ করতে  
যেও না । কিছু বুঝলে ?

কেম্যানের মুখ বাঁধা । সে জবাব দিল না । মুখ খোলা থাকলেও  
অবশ্য সে জবাব দিত না ছাড়া পেয়েই সে সড়াৎ করে নেমে গেল  
জলে । ডুব-সাঁতারে বিশ হাত পাড়ি দিয়ে সে ভেসে উঠল । মুখ  
তুলে চাইল আমার দিকে । মনে হল, ও মনে মনে বলছে : 'মলবার  
মত কান নেই, তা তো দেখতেই পাচ্ছেন স্যার, তাই নাক মলছি, লেজ  
মলছি ।'

এরপর যে কয় সপ্তাহ সেই সান্ত্বা রোজা গাঁয়ের খেলাঘরে ছিলুম  
পদ্মপত্রবিহারিণী আর তার খুদে ব্যালে-নাচের নবীন শিক্ষার্থীদের  
নাচন দেখতে আমার কোনও অসুবিধা হয়নি ।

\*

কী বললে ? লেজখৎ দেবার পরিবর্তে কেম্যান যদি আমাকে  
প্রতিপ্রশ্ন করত—'এ পাড়ার নতুন জ্ঞানান-মার নতুন চুমু মুন্নুদের...'

না ! তাহলে আমি তাকে জবাব দিতুম না । কারণ ও বুঝত না ।  
তোমরা বুঝবে । তাই তোমাদের চুপি চুপি জানাই জবাবটা : 'অল্প  
লইয়া থাকি, তাই মোর যাহা যায়, তাহা যায় ; কণাটুকু যদি হারায়  
তালয়ে প্রাণ করে হায় হায় ।' খেলাঘরের খেলনা খোয়া গেলে  
নির্বোধের মত বন্দুক ঘাড়ে খুঁজতে থাকি সেই নির্ভুর নাট্যকারকে যে  
নাকি পরম করুণাময়—যাঁর খেলাঘরে 'হারায় না কভু অনুপরমাণু ।'





## পেটুক

মস্কো অলিম্পিকে ‘ম্যাস্কট’ ছিল ‘মিসা’, মনে আছে নিশ্চয়। কিন্তু তার আগের অলিম্পিকে? মনট্রিলে? মনে পড়েছে? বীভার! টি. ভি.-তে আমরা রোজ তাকে দেখতে পেতাম। কুংকুতে চোখ তুলে চাইছে; খুরখুর করে ডাল গাছের কাটছে। এককালে পৃথিবীর অনেক দেশে ওদের দেখতে পাওয়া যেত। ওর নরম রোঁয়াওলা চামড়ার লোভে মানুষ ওদের মারতে মারতে প্রায় শেষ করে এনেছে। এখন ওদের দেখতে পাওয়া যায় শুধু উত্তর আমেরিকা আর কানাডায়।

দৈর্ঘ্যে এক মিটার হয় কি না হয়, তার তিনভাগের এক ভাগ আবার লেজ। ওজনে সর্বোচ্চ ত্রিশ কে. জি। ওস্তাদ সাঁতারু, ভোঁদড়ের মতো। দক্ষ এঞ্জিনিয়ার। গাছ কেটে, পাথর সাজিয়ে জলের নিচে বাসা বানায়, নদীতে বাঁধও দেয় গাছের গুঁড়ি বিছিয়ে। ভারী পরিশ্রমী ওরা। থাকে দল বেঁধে।

সেই বীভারের গল্পই আজ তোমাদের শোনাতে বসেছি। যাঁর ডায়েরি অবলম্বন করে গল্পটা খাড়া করছি তাঁর নাম আর. ডি. লরেন্স। প্রথম জীবনে তিনি ছিলেন শিকারী, পরে জীববিজ্ঞানী। তাঁর বইটির নাম—“Paddy : A Naturalist’s Story of an Orphan Beaver.”

বইটি যোগাড় করা শক্ত। পারলে মূল গল্পটা পড়ে দেখ।

কেনাডার উত্তরে অন্তারিণ্ড লেকের ধারে তাঁবু গেড়েছি আজ দিন সাতেক। উদ্দেশ্য—‘বীভার’ জন্তুটাকে ভাল করে লক্ষ্য করা। বীভারের দিকে নজর পড়েছিল নিতান্ত লোভীর মতো ওদের চামড়ার লোভে। ক্রমে ঐ জন্তুটাকে ভালোবেসে ফেললাম। এখনও আগের মতো শিকারে আসি; তবে বন্দুকের বদলে ক্যামেরা আর বাইনোকুলার নিয়ে। কারণ ওদের হত্যা করতে তো আসি না আজকাল। ধরে রাখতে চাই ফটো-অ্যালবামে। আরণ্যক প্রাণীদের নিয়ে নানান গবেষণা করি, গল্প লিখি। সেসব লেখা ছাপা হয় নানান পত্র

পত্রিকায় । আমার গ্রাসাচ্ছাদনের ব্যবস্থা হয় ।

মে মাস শেষ হয়ে এল । এখন লম্বা চার মাস এই নির্জন প্রান্তরে কাটাতে হবে আমাকে । অ্যালেক-বুড়ো বলেছে জঙ্গলের এ দিকটায় বীভারদের বাস । অ্যালেক ভুল করবে না, সে বীভার-ব্যাপারে ওস্তাদ । সারা জীবন শুধু বীভারই শিকার করে গেছে । অ্যালেক যে বাজে কথা বলেনি অচিরেই তার প্রমাণ পাওয়া গেল । বেশ কয়েকটি বীভার কলোনির সন্ধান পেয়েছি ।

কেটলিতে চায়ের জলটা বসিয়ে আলু পেঁয়াজ কাটছি হঠাৎ নজর হল হ্রদের কিনারে এক গাদা 'জে' পাখি কী নিয়ে খুব ঝগড়া বাধিয়েছে । 'জে' পাখি অনেকটা শালিকের মতো কলহপ্রিয় । জায়গাটা প্রায় তিনশ মিটার দূরে । মনে হল, ওরা কিছু একটা খাও বস্তুর সন্ধান পেয়েছে । আর তার ভাগ-বাঁটোয়ারা নিয়ে এই সাত সকালে লড়াই কাজিয়া শুরু করে দিয়েছে । ব্যাপারটা সরেজমিনে একবার দেখতে হয় । আমি তাঁবু থেকে বেরিয়ে সেদিকপানে রওনা দিই । কয়েক মিনিট পরেই রহস্যটা পরিকার হয়ে গেল । হ্রদের কিনারে পড়ে আছে একটা মৃত বীভারের দেহের আধখানা । নিশ্চয়ই নেকড়ের কাণ্ড । সকাল হয়ে যাওয়ায় নেকড়েটা লুকিয়েছে । এখন 'জে'-পাখির দল এসেছে ভাগ নিতে । মৃত জন্তুটাকে পরীক্ষা করলাম । মাদি বীভার । আরও লক্ষ্য হল, সে মৃত জননী হয়েছিল । ওর তলপেট তখনও ছুধে টইটুধুর । আহা বেচারি ! কিন্তু তখনই মনে প্রশ্ন জাগল—তাহলে বাচ্চাগুলো কোথায় ? আশেপাশের ঝোপেঝাড়ে অনেক খুঁজলাম, কিন্তু কোন মৃত বীভার-শিশু দেখতে পেলাম না । বীভার একসঙ্গে ছু তিনটি বাচ্চার মা হয়—বেড়ালের মতো—এরও নিশ্চয় তাই হয়েছিল । তাহলে বাচ্চাগুলোর একটাও কি বেঁচে নেই ? এমনটা হতে পারে না । কিছুতেই নয় ।

ছুটে ফিরে এলাম তাঁবুতে । ডিঙি নৌকোটা নিয়ে বাইনোকুলার হাতে তখনই বের হয়ে পড়লাম । হ্রদের কিনার বরাবর সমস্ত তল্লাটটা আঁতিপাতি করে খুঁজলাম । এ জায়গাটায় গোটা-ছয়েক বীভার-

কলোনি নজরে পড়েছে আমার। তার ভিতর একটা খুবই কাছে।  
আমি প্রথমেই সেই বীভার-কলোনির কাছে চলে আসি। জামা-জুতো  
খুলে নেমে পড়ি জলে।

বীভারদের বাসা জলের তলায়। অদ্বুত কায়দায় গাছ আর পাথর  
দিয়ে গুঁরা সেই বাসা বানায়। সে-সব কথা আগেই বলেছি। অনেক  
খোঁজাখুঁজি করলাম। একটাও জ্যান্ত বীভারের সাক্ষাৎ পাওয়া গেল  
না। আমাকে দেখেই পুট্‌স-পাট্‌স সব লুকিয়ে পড়েছে। কোন  
সছোজাত শিশুর আভাসমাত্র নেই।

অগত্যা ফিরে এলাম। অতটুকু বাচ্চা কি জলের তলায় থাকতে  
পারবে? ঠিক জানি না। শুনেছি, বীভারের বাচ্চা হয় ডাঙায়;  
নদীর ঠিক কিনারে। জলের নিচে নয়। জন্মের কতদিন পরে মা ওকে  
জলে-নামা শেখায়? কিছুই জানি না। অ্যালেক বুড়ো থাকলে  
এসব কুট-কচালে প্রশ্নের ঠিক ঠিক জবাব দিতে পারত।

সারাটা দিন হ্রদের কিনারে কিনারে নৌকা বাইলাম। সছোজাত  
কোন বীভারের সন্ধান তো ছাড়, আভাসই পাওয়া গেল না। সূর্য যখন  
অস্ত যাচ্ছে তখন খেয়াল হল—সারাদিন আমি পাগলের মতো পাক  
মেরেছি; মধ্যাহ্ন আহারটাও করা হয়নি।

সন্ধ্যাবেলা যখন ক্যাম্পে ফিরে এলাম তখনও অন্ধকার হয়নি।  
আলো-আঁধারি অবস্থা। রান্না চাপাবার আয়োজন করছি, হঠাৎ মনে  
হল হ্রদের কিনারে একসাথে অনেকগুলো জলচর জীব ডেকে উঠল।  
এক বাঁক হাঁস উড়ে গেল আকাশে। নিশ্চয় কোন বিপদের সঙ্কেত।  
পাখিরা এভাবেই পরস্পরকে জানান দেয় বিপদ ঘনিয়ে আসছে।  
সেদিকে ফিরে দেখি একটা বড় জাতের বাজপাখি বারে বারে পাক  
খেয়ে নিচে নামতে চাইছে—পারছে না—আবার উপরে উঠে যাচ্ছে।  
ঠিক যেখানটায় সকালবেলা সেই মৃত বীভার-জননীকে দেখেছিলাম।

বাইনোকুলারটা তুলে নিয়ে দেখি, সেই মৃত পশুটার দেহ সেখানে  
নেই। নেকড়েটা নিশ্চয় ইতিমধ্যে তা সরিয়ে নিয়ে গেছে। কিন্তু  
ঠিক সেখানেই কী-একটা পুঁটুলি-মতো রয়েছে। ষার উপর ঐ

দৈত্যাকার পাখিটা বারে বারে ঝাঁপ খেয়ে পড়ছে, আর উঠছে। ওখানে কোনও শিকার থাকলে বাজপাখিটা এভাবে বারে বারে ডাইভ দেবে কেন ? বাজপাখির তো অব্যর্থ লক্ষ্য ! প্রথমবারেই সে তো তুলে নেবে হতভাগ্য প্রাণীটাকে ! আর জঙ্গলে এমন গবেট প্রাণীই বা আসবে কোথেকে যে প্রথমবার বাজপাখি ব্যর্থ হওয়া মাত্র চৌ-চা ছুট লাগাবে না ? তখন নজর হল—ঠিক ঐ জায়গাটাতেই গোটা ছই গাছ উবড়ে পড়েছে—সুতীক্ষ্ণ ডালপালা সমেত শিকড়গুলো উর্ধ্বমুখে এমনভাবে রয়েছে যে, বাজপাখিটা ঠিক মতো নামতে পারছে না। আর সেই সাদা মতো পুঁটুলিটা—না, না, ওটা পুঁটুলি নয় ! একটা জ্যান্ত বীভার।

বীভার ? ঐ অস্তুরুকুন ?

তখনই বুঝতে পারলাম—এই আমার সেই হারানো মানিক, যাকে সারাদিন আঁতিপাতি করে খুঁজেছি। সচোজাত বীভার শিশু !

আমি চিৎকার করে উঠি। ছ-তিনটে ঢিল কুড়িয়ে নিয়ে ছুঁড়ে মারলাম বাজপাখিটার দিকে, সে আক্ষেপও করল না। ক্রমাগত চক্রাকারে পাক খেতে থাকে। কীভাবে, কোন মুখে নামবে তার তাল ভাঁজছে। আর পুঁচকেটা এতবড় ঈডিয়েট—এই সুযোগে কোথায় গাছের নিচে, গর্তের ভিতর, নিদেন জলে ঝাঁপ খেয়ে পালাবি, তা নয় ! ভয়ে বোধহয় ওর হাত পা অবশ হয়ে গেছে। মাত্র কয়েকঘণ্টা বয়স তার ! মৃত্যুভয় কী, তা কি ও এই কয়েকঘণ্টাতেই শিখে ফেলেছে ? ফেলা সম্ভব ?

ওসব দার্শনিক চিন্তা পরে করা যাবে। আপাতত প্রথম কাজ পুঁচকেটাকে উদ্ধার করা। ডিঙিটা নিয়ে আমি ছপ্ ছপ্ করে এগিয়ে চলি ওদিকে। বাজপাখিটা ঠিক তখনই আবার ডাইভ দিল। আমি চিৎকার করে উঠলাম। পারেনি ! এবারেও পারেনি। পাখিটা আবার উপরে উঠে গেল। এবার নৌকার দাঁড়টাকে আমি সজোরে নৌকার গায়ে ঠুকলাম। অনেকটা বন্দুকের শব্দ যেন। পাখিটা আরও উপরে উঠে গেল। আবার গোল হয়ে পাক খেতে থাকে। ততক্ষণে ডিঙি নিয়ে আমি পৌঁছে গেছি। বাজপাখিটা শেষবারের

মতো কাঁপ কাঁপার আগেই আমি ভিত্তি থেকে কাঁপ খেয়ে পড়ি !

আমার মুঠোর মধ্যে ততক্ষণে ধরা পড়েছে পুঁচকেটা । এক মুঠো তুলো যেন । একশ গ্রামের বরিক-কটনের একটা প্যাকেট । কয়লা-কালো একজোড়া কুংকুতে চোখ । অবাক কাণ ! ওমা ! আন্তর্কু বাচ্চার আবার গৌফ !

পুঁচকেটাকে আমি ততক্ষণে ওভারকোটের পকেটে ঢুকিয়ে ভেলেছি । কী কাণ ! আমার বুড়ো আঙুলটাকে চুষছে !

তীব্রত ফিরে এসে পকেট থেকে শুটাকে বার করলাম । বেচারি ভয়ে মর মর । ভয়ে, অথবা খাড়াভাবে ঠিক জানি না । একেবারে নেতিয়ে পড়েছে । মনে হল, জন্মের পর ও বোধহয় মায়ের দুধ খাবার সুযোগ পায়নি । কী প্রাণশক্তি ! তারপর বিশ-বাইশ ঘণ্টা বেঁচে আছে !

শুঁড়ো ছুধের টিন ছিল । আর ছিল একটা 'আই-ড্রপার' । কিন্তু সেসব কথা পরে । প্রথমেই ওর মুখটা ফাঁক করে আমি ফুঁ দিলাম । অক্সিজেনটা দরকার । তাছাড়া আমার গন্ধটাও সে চিনে রাখুক । পুঁচকেটা একবার চোখ মেলে তাকালো । কী দেখল, তা সেই জানে । আমি নিঃসঙ্কোচে জিভটা বার করে ওর মুখটা চেটে দিলাম—কারণ, আমার মনে হল, ওর মা নিশ্চয় তাই করত । আমিই তো এখন ওর মায়ের ভূমিকায় অভিনয় করছি ! পুঁচকেটা খুশি হল ; সেও তার একফোঁটা জিব দিয়ে আমার ঠোঁটটা চাটতে থাকে । ওকে আমার কন্বলের তলায় চাপা দিয়ে চট করে স্টোভটা জ্বলে আমি আধ কাপ দুধ বানিয়ে ফেলি । ছুধের শুঁড়ো কতটা দেব স্থির করতে বেশ বেগ পেতে হল । গরুর দুধ এদের পক্ষে ছুপ্পাচ্য—তাছাড়া অনাহারে আর জলীয় বস্তুর অভাবে এমনিতেই ওর দেহ নির্জীব । ফলে জল ও ছুধের পরিমাণ ঠিক হওয়া চাই ।

ছুধের ঘনত্ব আর উত্তাপ ঠিক মতো পরীক্ষা করে নিয়ে এবার কয়লটা সরিয়ে দিই । দেখি, পুঁচকেটার দু-চোখ বোঁজা । একেবারে কাঠ হয়ে পড়ে আছে । মরে গেল নাকি ? বাঁ হাতে আই-ড্রপারে

কয়েক ফোঁটা ছুধ নিয়ে ওর মুখের কাছে ধরলাম। মুখটা হাঁ করছে না। ছু-আঙুলে মুখটা জোর করে কাঁক করে ছু-এক ফোঁটা ছুধ দিলাম। তখনই ও চোখ চাইল। মাতৃস্তনের বোঁটা মনে করে এবার আই ড্রপারটা চুষতে থাকে। পাঁচ-সাত ফোঁটা খাওয়ানো পর আমি মিনিট



‘—এবার আইড্রপারটা চুষতে থাকে’।

পাঁচেক অপেক্ষা করি। পুঁচকেটা ততক্ষণে রীতিমতো ছটফট করছে। তা হোক অতি ধীরে ধীরে ওরে খাওয়াতে হবে। তাড়াছড়া করলে চলবে না! প্রায় আধঘণ্টা সময় নিয়ে আধকাপ জোলো ছুধ ওকে খাওয়ালাম। কী রাক্সুসে ক্ষিদে! আরও খেতে চায়। কিন্তু না! এখন আর দেব না ওকে। আবার কন্ডলের তলায় ওকে শুইয়ে দিই।

ঘণ্টা-দুয়েক নাগাড়ে ঘুমালো। ততক্ষণে আমি চালে-ডালে একটা খিচুড়ি মতো বানিয়ে ফেলেছি। না! পুঁচকের জন্ম নয়। নিজের

জন্ম। তোমরা ভুলে গেলেও আমি কেমন করে ভুলি যে, আমার পেটেও সারাদিনে একটি দানা পড়েনি। মোট কথা সারা রাত জেগে প্রতি ঠুং-ঘণ্টা অন্তর থেকে ছুধ খাওয়ালাম। রাত তিনটে নাগাদ ও বেশ আরাম করে শুয়ে পড়ল। আমিও ওর পাশটিতে শুয়ে পড়ি। এক পেট খাবার পরেও ও আমার আঙুলটা চুষতে থাকে। আমি ঘুমের ষোরেই ধমক দিই: অ্যাই কী হচ্ছে! পেটুক কোথাকার!

পেটুক! বাঃ! দিব্যি নামটা! ঐ নামই বহাল হল শেষ পর্যন্ত। ওকে আমি তারপর 'পেটুক' নামেই ডাকতাম।

পরদিন সকালে ঘুম ভেঙে দেখি পেটুকটা আমার আগেই উঠেছে। কণ্বলের তলা থেকে বেরিয়ে এসেছে। বালিশে আরাম করে বসে গৌফ চুমড়াচ্ছে! তাড়াতাড়ি মুখ হাত ধুয়ে ওর জন্ম আবার ছুধ বানাই। এবার গুঁড়ো-ছুধ আর আধ চামচ বেশি দিয়েছি। পেটুক ছুধের গন্ধটা ইতিমধ্যে চিনে ফেলেছে। তিনলাফে এসে বসল আমার কোলে। আই-ড্রপারটা মুখের কাছে ধরতেই চুক্-চুক্-চুক্-চুক্। এক মিনিটেই খতম। এক পেট খেয়ে এবার চড়ে বসল আমার কাঁধে। কিছুতেই নামবে না। অগত্যা ওকে কাঁধে নিয়েই আমি প্রাতরাশের ব্যবস্থা করতে থাকি।

আজকের সকালটা রোদ বাল্মলে। পাখ-পাখালি পাড়ায় কত রকমের কলরব। এ বিজন বনের ত্রিসীমানায় লোকবসতি নেই। শিকার করা এখানে বারণ। তাই পাখিগুলো বেশ বেপরোয়া। কাছে গেলেও উড়ে পালায় না।

হঠাৎ কোথাও কিছু নেই, শুনলাম একটা শীৎকার। উপরে তাকিয়ে দেখি—সেই বাজপাখিটা। এখনও সে আশা ছাড়েনি। আমার তাঁবুকে কেন্দ্র করে সেটা ক্রমাগত পাক খাচ্ছে। আর মাঝে মাঝে ডেকে উঠছে। ওর সেই তীক্ষ্ণ ডাকটাকে অনুবাদ করলে বোধ হয় দাঁড়ায়—হাঁউ-মাউ-খাঁউ! বীভারের গন্ধ পাই!

পেটুক ত্রিং করে লাফ মারে আমার কাঁধ থেকে। মুখখানা কোথায় লুকাবে ভেবে পায় না। দেখ্-না-দেখ্ আমার প্যাণ্টের ফাঁদলে পায়ের

দিক থেকে সৈদিয়ে গেল শুরু করে। ধরতে না ধরতেই সে আমার হাঁটু-জংশন পার হয়ে পৌঁছে গেল কুঁচকি-স্টেশনে।

অনেক কষ্টে তাকে বার করে আনি। বুঝতে পারি, দেড় দিনের বাচ্চা হলেও মৃত্যুকে সে চিনেছে। মৃত্যুভয় সম্বন্ধে সে ওয়াকিবহাল। বাজপাখির ঐ ডাকটায় যে মৃত্যুর ছোঁয়া আছে এ বোধ তার আছে। জন্মগত সংস্কার! বাঁচবার তাগিদে এ-বোধ নিয়েই সে ঐ ছোট্ট দেহটা সমেত এসেছে এই নির্ভুর পৃথিবীতে। অ্যালেক-বুড়ো বলেছিল, জন্মের পর প্রথম দুই সপ্তাহ বীভার-বাচ্চা মায়ের হেপাজতে বাসার গর্তে লুকিয়ে থাকে। একটু শক্ত-সমর্থ না হলে তাকে বাইরে বার করে না। তখনই স্থির করলাম, ওর জন্ম ডাল-পালা পাথর দিয়ে একটা বীভার-লজ বানাতে হবে। জলের ভিতরে নয়, এই তাঁবুর মধ্যেই।

কিন্তু আমি তো আর বীভারদের মতো পাকা এঞ্জিনিয়ার নই, তাই বীভার-লজটা দেখতে হল একটা পিরামিডের মতো। তবে কাদা দিয়ে ফাঁক-ফোকর সব মেরামত করে দিলাম। তাতে ভিতরটা হলো নিশ্চিহ্ন অন্ধকার। নতুন বাসাটা পেটুকের খুব পছন্দ হল। ছেড়ে দিতেই সৈদিয়ে গেল ভিতরে। সুরঙ্গের মুখে একটা পাথর চাপা দিয়ে রাখতাম, যাতে দেখ-না-দেখ সে বেরিয়ে না আসে। প্রতি চার ঘণ্টা অন্তর তাকে দুধ খাওয়াতে হত। নাম ধরে ডাকলেই সে পুটুস্ করে বেরিয়ে আসত। নেহাৎ সাড়া না দিলে হাত ঢুকিয়ে পাকড়াও করে আনতাম। এভাবেই দিন-সাতক গেল কেটে।

হপ্তা-খানেকের মধ্যেই মনে হল পেটুক বেশ লায়েক হয়ে উঠেছে। তাঁবুর বাইরে যায় না, তবে আনাচে-কানাচে খুঁজে দেখে। এখন ওকে ড্রপারে করে দুধ খাওয়ানো মহা-বখেড়ার ব্যাপার। ওর তরফে এবং আমার তরফে। খাওয়ার চাহিদা ও পরিমাণ ছোট্টোই বেড়ে গেল ইতি-মধ্যে। ড্রপারে করে ঘণ্টার পর ঘণ্টা দুধ খাওয়ানো না পোষায় আমার, না পেটুকের। একটা ডিস্-এ টেলে ওকে দুধ খেতে দিলাম। বোকাটা কিছতেই তাতে মুখ ছোঁয়াবে না। অনেক বাবা-বাচ্চা, সোনামণি-লক্ষ্মীমণি বলে আদর করলাম; কিন্তু জেদী



একগুঁয়েটা ভালোকথার মানুষ না। এ ক্ষেত্রে বীভার-মা কী করে জানি না, কিন্তু মানুষ-বাচ্চার মা কী করে তা জানা আছে। আমিও সেই পদ্ধতিতে অগ্রসর হই। কাঁক্ করে ওর টুঁ টি টিপে ধরে মুখটা জোর করে ডুবিয়ে দিই ছুধের মধ্যে আর গাল পাড়ি : লক্ষ্মীছাড়া, বাঁদর ! ধেড়ে হয়ে গেলে এখনও ফিডিং বোতল !

পেটুক প্রচণ্ড প্রতিবাদ করল। হাত পা ছুঁড়ে এক-সা করল। যেন চিল চৌচান চ্যাচাচ্ছে : 'খাব না, খাব না, কক্ষনো খাব না !' কিন্তু ছুধের স্বাদ পেতেই চিল-চৌচানি বন্ধ হল। বুদ্ধির ঢেঁকির এতক্ষণে মালুম হল—ওটা খাণ্ডবস্ত। ব্যাস ! চুক্-চুক্ করে শুরু হয়ে গেল ছুধ খাওয়া। আবার মাঝে মাঝে নাকটা তুলে ফুঁ-স্ করে ছুধ ছিটাচ্ছে। তা সে যাই হোক, যতই ছড়াক, ছিটোক, এক দিনের মধ্যেই প্লেট থেকে ছুধ খাওয়ার বিছায় পেটুক সাবালকত্ব লাভ করল।

প্রথম সপ্তাহটা পেটুককে নিয়ে এত ব্যস্ত ছিলাম যে, তাঁবুর বাইরে বড় একটা যেতেই পারিনি। তাঁবুটার দরজা বন্ধ করা যায় না। আমার অনুপস্থিতিতে কোন শেয়াল বা নেকড়ে এসে ওকে আক্রমণ করতে পারে। দ্বিতীয় সপ্তাহে মনে হল তাঁবুর আনাচে-কানাচে কে বা কারা উঁকিঝুঁকি দিচ্ছে। চোখে দেখতে পাই না, কিন্তু নানা রকম শব্দ শুনতে পাই। একদিন খুটখাট শব্দ হতেই আমি ছোরাটা তুলে নিয়ে এক ছুটে বাইরে বেরিয়ে এলাম। অমনি ছু-দাড়িয়ে কি একটা ছুটে পালিয়ে গেল। বেশ অনেকটা ছুটে নিরাপদ-দূরত্বে গিয়ে জন্তুটা ঘুরে দাঁড়াল। ও হরি ! নেকড়ে বা হায়না নয়, একটা বীভার ! বেশ বড় সাইজের। মদা। এটা কি পেটুকের পরম পূজ্যপাদ পিতৃদেব ? মাতৃহীন সন্তানের তত্ত্বালাশ নিতে এসেছে ? কণ্ঠাকর্তা যে ভঙ্গিতে বরযাত্রীদের আপ্যায়ন করে তেমনি ভঙ্গিতে আমি দূর থেকে অনেক 'আসুতে-আজ্ঞে হোক্' করলাম ; কিন্তু বীভার-কর্তার সাহস হল না। তিনি ইতি-উকি থাকিয়ে শেষমেশ জঙ্গলে সঁদিয়ে গেলেন।

কিছুদিনের মধ্যেই পেটুক বেশ লায়েক হয়ে উঠেছে। বীভার নিরামিবাশী, তাই ওকে আজকাল ছ-এক টুকরো ফলমূলও দিচ্ছি।

আপেল, স্নাসপাতি, কলা। কেটে ছাড়িয়ে দিলে ওর জুং হয় না। গোটা ফলটা ওর নাকের ডগায় ধরে দাও—তু-পায়ে আঁকড়ে ধরে কুটুর-কুটুর করে তু-মিনিটেই সাক্। খাবে আর ছড়াবে। আর গৌফ চুমড়াবে!

বীভার উভচর। হঠাৎ একদিন খেয়াল হল—পেটুকের বয়স তিন হপ্তা হতে চলল অথচ ওকে জলে ফেলা হয়নি। এটা ঠিক হচ্ছে না। সে দিনই ওকে নিয়ে গেলাম একটা ঝরণার কিনারে। জল এখানে খুব কম—আমার হাঁটু-জল। পেটুক যে ডুবে যাবে না এটা আমি স্থির-বিশ্বাসে জানতাম। জন্ম থেকেই ওরা সাঁতারে ওস্তাদ—কিন্তু পেটুক কিছুতেই জলে নামবে না। এ কী বিপদ! যতবার ওকে জলের দিকে টেনে আনি ততবারই ও হাঁক-পাঁক করে পালিয়ে আসে। যেন নবমীর বলির পাঁঠাকে স্নান করানো হচ্ছে। এ-ক্ষেত্রে তোমরা কী করতে? আমিও তাই করলাম! ওকে ছুঁড়ে ফেলে দিলাম জলে। প্রথমটা একটু হাঁকু পাঁকু! খব্-খব্। নাক-মুখ দিয়ে জল ছিটানো। তারপরেই বাস্! খপ্-খপ্ করে সাঁতার কাটতে থাকে। এরপর অবস্থাটা গেল উশ্টে! আমি যত ডাকি—‘ও পেটুক! আর না, লক্ষ্মী-সোনা, এবার উঠে আয়, ঠাণ্ডা লাগবে!’

কে কার কথা শোনে!

শেষ পর্যন্ত প্যাণ্ট ভিজিয়ে আমাকেই নামতে হল জলে। ওকে পাকড়াও করতে। হাড় বদমায়েস্টা ভাবল এ বুঝি এক নতুন খেলা। সাঁতারে আমার নাগালের বাইরে পালিয়ে যায়। সর্বাঙ্গ ভিজিয়ে ওকে পাকড়াও করলাম।

তৃতীয় সপ্তাহের শেষাংশে দেখি আমার ভাঁড়ারে ভবানী। কফি, দুধ, চিনি, বিস্কুট সবই বাড়ন্ত! অর্থাৎ বাজারে যেতে হবে। বাজার প্রায় ত্রিশ কিলোমিটার দূরে। একটা আধা শহরে। পেটুককে একলা ফেলে রেখে যাওয়া যায় না। বাধ্য হয়ে তাকেও সঙ্গে নিতে হল। সেদিক থেকে পেটুক খুব বুদ্ধিমান। যতক্ষণ ড্রাইভ করছিলাম ও আমার ওভার কোটের পকেটে টেনে এক ঘুম দিল।

মালপত্র কিনে ফিরে এলাম পরের দিন। ঘর দোর গুছিয়ে এবার আমি পেটুককে নিয়ে নিজেই স্নান করতে গেলাম। জ্বালা জ্বতো খুলে জলে নামবার আগে পেটুককে বসিয়ে দিলাম ঘাটের কিনারে। সঙ্গে সঙ্গে সে এক লাফ মারল জলে। এটা বরণা নয়, বড় হুদটা। এখানে ওর ডুব জল; কিন্তু পেটুক একটুও ভয় পেল না। ডুব জলে গিয়ে মুখ ঘুরিয়ে দেখছে আবার—আমি নেমেছি কি না। ছু-জনে অনেকক্ষণ সাঁতার কাটা গেল। পেটুক বাচ্চা হলে কি-হয়, আমার চেয়ে সে সাঁতারে দড়। ঐ ছোট্ট হাত-পা-লেজ নেড়ে সে আমার চেয়ে অনেক জোরে এগিয়ে যেতে পারে। এখন ওর বয়স দেড় মান; ওজন আন্দাজ তিন কিলো। এত ভাল সাঁতার জানে যে, আমার নাগালের বাইরে দিয়ে অনেক বড় বড় চক্কর মেরে আসছে। ঘণ্টাখানেক স্নানের পর উঠব উঠব ভাবছি হঠাৎ নজর হল—কী একটা জলজন্তু দূর থেকে আমাদের দিকে এগিয়ে আসছে। এখানে হুদে হিংস্র জীব কিছু নেই—ভয় পাওয়ার কারণ নেই; কিন্তু পেটুক কোথায়? তখনই নজর হল—ঐ জলজন্তুটা আমার দিকে আসছে না। সে এগিয়ে যাচ্ছে পেটুকের দিকে।

পেটুক তখন আমার কাছ থেকে প্রায় একশ মিটার দূরে। জন্তুটা তীরবেগে ওর দিকে এগিয়ে আসছে বুঝতে পেরেই সে আর্তনাদ করে উঠল। তীব্র গতিতে সে আমার দিকে সাঁতরে আসতে থাকে। আমি কিন্তু একটুও ঘাবড়াইনি। কারণ আমি চিনতে পেরেছিলাম ঐ জন্তুটাকে। সেই ধাড়ি মদ্দা বীভারটা। আমার দৃঢ় বিশ্বাস—সে ঐ মা-হারা পেটুকের বাবা।

ধাড়ি বীভারটা ওর পাশে-পাশে সাঁতরে এগিয়ে এল আমার দিকে। ছু-একবার বোধ হয় পেটুককে স্পর্শ করেছিল—আর তখনই চিল-চৌচান চিলে উঠছিল পেটুক। ওরা যখন আমার থেকে হাত-পাঁচেক দূরে তখন ধাড়ি বীভারটা থেমে পড়ল। জল থেকে মাথা তুলে আমার দিকে স্থির দৃষ্টিতে কী-যেন দেখল। পাঁচ-সেকেণ্ড এক-দৃষ্টিতে আমার দিকে তাকিয়ে থেকে আবার তলিয়ে গেল হুদের জলে।

আমার কি-জানি কেন মনে পড়ে গেল—অনেক অনেকদিন আগেকার একটা ঘটনা। আমি তখন বছর-দশেকের বাচ্চা। ড্যাড্‌ আমাকে হস্টেলে পৌঁছে দিতে এসেছেন। হস্টেল-সুপারিন্টেন্ডেন্টের হেপাজতে আমাকে পৌঁছে দেবার পর ঐ ভাবে বাবা তাঁর দিকে পাঁচ-সাত সেকেণ্ড তাকিয়েছিলেন।

সেদিনই আমার খেয়াল হল ব্যাপারটা। হয়তো পেটুকের বাপের সেই চাহনিটাই আমাকে স্মরণ করিয়ে দিল : বীভার কিন্তু অ্যালসেশিয়ান কুকুর নয় যে, পেটুককে নিয়ে অবকাশ-অন্তে লোকালয়ে নিয়ে যাব। ও যেভাবে আমার পোষ মেনেছে, তাতে অবশ্য শহুরে জীবনেও ওকে অভ্যস্ত করা যায়। কিন্তু সেটা অন্ডায় হবে! ঘোরতর অন্ডায়। শুধু ওর প্রতি অন্ডায় নয়, প্রকৃতিকেও আমি বঞ্চিত করব একটা বীভার থেকে। এমনিতেই শিকারীরা মেরে মেরে ওদের প্রায় নির্বংশ করে এনেছে। আমি যদি পেটুককে আদর দেখাতে সঙ্গে নিয়ে যাই, তাহলে সেই অন্ডায়েই সায় দেওয়া হবে। স্বাভাবিক জীবন থেকে সরিয়ে বন্দীজীবনে ওকে আবদ্ধ করার সঙ্গে হত্যার ফারাকটা খুব কিছু বেশি কি? নাঃ! যাবার সময় পেটুককে এই বিজন বনেই ছেড়ে যেতে হবে। এই গাছ-গাছালি, পাখ-পাখালি, হৃদের জল এমন কি ঐ বাজপাখি-শেয়াল-নেকড়ের যে প্রাকৃতিক রাজ্য সেখানেই ওর স্থান। আর সেটাই যদি চরম লক্ষ্য হয় তাহলে ঐ প্রাকৃতিক পরিবেশে ওকে এখন থেকেই অভ্যস্ত করাতে হবে। যেভাবে ওর বাঁচার কথা। স্বজাতীয়ের সঙ্গে ওকে মিশতে দিতে হবে—আত্মরক্ষায় দক্ষ করে তুলতে হবে—অর্থাৎ আমাকে গুটিয়ে আনতে হবে ওর এই কৃত্রিম জীবন থেকে।

যে-কথা সেই কাজ। এই পর্যায় থেকে শুরু হল আমাদের জীবনের জটিলতা। পেটুক কিছুতেই বীভার পাড়ায় যাবে না। আমি যদি বেশিক্ষণ ওর চোখের আড়ালে থাকি তাহলে ও চিল্লাতে থাকে। রাগ করে, অভিমান করে, বোকাটা বুঝতে পারে না—কেন আমি নিজেকে সরিয়ে আনতে চাইছি ওর জীবন থেকে। কেন ওকে আদর

করি না, কেন ওকে নিজের হাতে খাইয়ে দিই না আজকাল। খাবার আমি এরপর থেকে তাঁবুর আনাচে-কানাচে ছড়িয়ে ফেলে রেখে দিই—ও ইচ্ছামতো খুঁজে বার করুক, খুঁটে খাক। এটা হবে আহাৰ্য সংগ্রহের প্রথম পাঠ। কিন্তু আজরে গোপালের তা পছন্দ নয়। তিনি আমার কোলে বসে খাবেন। আমি ওঁকে ভুলিয়ে ভালিয়ে ‘কাগের দলা, বগের দলা’ খাওয়াবো তবে নবাবপুত্রের খাওয়া হবে। ন্যাকামি দেখলে গা জ্বলে যায়!

বীভারদের জীবন যাত্রা বড় বিচিত্র। আগেই বলেছি, জলের নিচে বিচিত্র ‘বীভার-লজ’ বানিয়ে ওরা বাস করে। নিচের দিকে—জলের তলায়—তা হাত-পাঁচেক চণ্ডা, উপর দিকটা সূচালো। পাথর-লুড়ি কুড়িয়ে এনে ওরা এই বাসা বানায়। এঁটেল মাটি দিয়ে ফাঁক-ফোকর বন্ধ করে। বীভার-লজের এঞ্জিনিয়ারিং কারিগরীর কথা প্রথম গল্পটিতেই বিস্তারিত বলেছি। কিন্তু আমার পেটুক-সোনা কি অমন একটা ‘বীভার লজ’ বানাতে পারবে? আমার ঘোরতর সন্দেহ আছে। দোষ ওর নয়, ওর ভাগ্যের! কারণ ওর জীবনটা শুরু হয়েছে কৃত্রিমতা দিয়ে। বাধ্য হয়ে দায়িত্বটা আমি নিজেই গ্রহণ করি। বীভারদের প্রচলিত রীতি অনুযায়ী গাছ কেটে, পাথর সাজিয়ে বর্ষার জলধারাকে আটকানো আমার কন্মো নয়। তাই সেই আধা শহরের বাজার থেকে কিনে নিয়ে এলাম একটা তারের জালতি। হৃদের এক কোণায়—ওর বাপের লজ থেকে বেশ কিছুটা দূরে—একটা জায়গায় জলের ভিতর পুঁতে দিলাম অনেকগুলো গাছের খুঁটি। তারপর তারের জালতিটা আটকে দিলাম পেরেক ঠুকে। খুঁটির বাইরে দিয়ে নয়, ভিতর দিয়ে; যাতে আমার বোক-চন্দর পেটুক-সোনা দাঁত দিয়ে কুরে কুরে খুঁটিগুলোকে কাৎ করতে না পারে। তারপর ঐ জালতি ঘেরা অংশটায় পাথর সাজিয়ে একটা চমৎকার লজ বানিয়ে ফেলি।

পেটুকের পছন্দ হল। শুরু করে আমার কাঁধ থেকে নেমে ঢুকে গেল লজের সুরঙ্গের ভিতরে। পরক্ষণেই বেরিয়ে এল আবার। আমার দিকে ফিরে কিচির-মিচির করে কি যেন বলতে চায়। ও বোধ-

করি আমাকে ধলেছিল, 'আরে এমন সুন্দর একটা লজ্জ থাকতে তুমি তাঁবুতে কেন থাকবে ? এস, এখানেই আমরা দুজন থাকব।'

আমি কর্ণপাত করলাম না। ফিরে এলাম তাঁবুতে।

নতুন বাড়ি পেটুকের পছন্দ হল বটে কিন্তু এতদিনের অভ্যাসটাও সে ছাড়তে নারাজ। রোজই সকাল-বিকাল সে এসে হাজির হয় আমার তাঁবুতে। ভাবখানা—'কই হে ? খিদে পেয়েছে, আমার খানা লাগাও।'

আমি ধমক দিই, 'পেটুক। যথেষ্ট বড় হয়েছ। এবার থেকে নিজের খাবার তুমি নিজে যোগাড়ের ব্যবস্থা দেখ। আমার রোজগারে ভাগ বসাতে লজ্জা হয় না তোমার ?'

পেটুক পেট চুলকায়। মিটমিট করে তাকায়। যেন বলতে চায় সে বাপু আমার দ্বারা হবে না।

তা বলুক, আমি কিন্তু বুঝতে পারি, পেটুক তার স্বাভাবিক জীবনের সঙ্গে অভ্যস্ত হয়ে পড়ছে। এখন আর সকাল-সন্ধ্যা নয়, দিনে একবার মাত্র হাজিরা দেয়। তারপর দু-একদিন বাদে বাদে। তার মানে, নিজের খাবার সে নিজেই সংগ্রহ করছে। না হলে—যা পেটুক—দু-দিন উপোস করে থাকার পাত্র সে নয়।

ক্রমে আমার ফেরার সময় হয়ে এল। এতদিনে পেটুক রীতিমতো স্বয়ম্ভুর হয়ে গেছে। এবার আমি তারের জালুতিটা সরিয়ে দিলাম। মুক্ত প্রকৃতির সঙ্গে মিশে যেতে আর কোন অসুবিধা রইল না তার।

তবু ও মাঝে মাঝে আমার তত্ত্বালাশ নিতে আসে। কোনদিন বা আমিই ওর লজের কাছে যাই। একসঙ্গে স্নান করি। মাঝে মাঝে ওকে হাতে করে খাইয়েও দিই। রোজই বিদায় নেবার সময় সে চঞ্চল হয়ে ওঠে। বোকাটা কিছুতেই বুঝতে চায় না—কেন আমি ওর লজের স্তূড়ঙ্গে ঢুকে পড়ি না। যেন বলতে চায়—'আমি তো তোমার তাঁবুর ভিতর ঢুকি। তাহলে তুমি কেন আমার লজের স্তূড়ঙ্গে আসবে না ?'

আমি বলি, 'বোকা! আমার দেহটা কি ঐ স্তূড়ঙ্গ পথে যেতে পারে ?'

বোকাটা তা বোঝে না। যেন বলে, 'আড়ি! আড়ি!  
আড়ি!'

ক্রমে শীত এসে গেল। এবার আমাকে ফিরে যেতে হবে।  
এখানে প্রচণ্ড শীতে হৃদের জলের উপরিভাগ জমে বরফ হয়ে যায়।  
তখন বীভারদের খাড়া মেলাই ভার! বীভারেরা তাই শীত আসার  
আগেই যথেষ্ট পরিমাণ ফল-মূল সংগ্রহ করে রেখে দেয় লজের  
ভিতরের ভাঁড়ার ঘরে। এ তথ্যটা আমি জানি—বই পড়ে জেনেছি—  
কিন্তু পেটুক কি তা জানে? কেমন করে ওকে বোঝাই? নাঃ! সে  
চেপ্টা আমি করব না। প্রকৃতি নিজেই নিশ্চয় তাকে এ সত্যটা  
শিখিয়ে দেবে। দেখা যাক।

একদিন সকালে উঠে দেখি আগের দিন রাত্রে বছরের প্রথম  
বরফ পড়েছে। সবুজ ঘাসের উপর তুলো-পেঁজা বরফের একটা সাদা  
আস্তরণ। স্থির করলাম, এবার পালাতে হবে। সারাটা দিন গেল  
গোছ-গাছ করত। পেটুক সেদিন এল না। ভেবেছিলাম, যাবার  
আগে ওর কাছে বিদায় নিয়ে যাব। হতভাগাটা এলই না সারা দিনে।  
তা ওর আর দোষ কি? ও কি জানে যে, আমি চলে যাচ্ছি?

সন্ধ্যায় তাঁবু গুটিয়ে আমি রওনা দিলাম। পেটুক তখনও না-  
পান্তা। অন্ধকারের দিকে হাতটা বাড়িয়ে আপন মনেই বলি,  
'সাবধানে থাকিস রে! বড় জ্বর শীত আসছে!'

প্রায় সাত মাস পরের কথা।

সারাটা শীতকাল আমি ছিলাম শহুরে আরামের ভিতর। ক্লাব,  
সিনেমা, বার—শীতাতপনিয়ন্ত্রিত বসার ঘর, গরম জলে স্নান আর  
ফায়ার-প্লেস। পেটুকের কথা ভুলেই গেছি। ধরে নিয়েছি, সে তার  
স্বাভাবিক জীবনে এতদিনে অভ্যস্ত হয়ে গেছে। ইতিমধ্যে হঠাৎ একটা  
ভালো চাকরির অফার পেয়ে গেলাম। যেতে হবে দেশের অপরা  
প্রান্তে। দিন পনেরোর মধ্যে নতুন চাকরিতে জয়েন করতে হবে।

বন্ধুরা বলল, 'চল, এ কয়দিন কোথাও গিয়ে ছল্লাড় করে আসি। কোন টুরিস্ট স্পট এ।'

তখনই হঠাৎ মনে পড়ে গেল পেটুকের কথা। সাতদিনের ছুটি কাটাতে কোনও আলো-ঝলমল টুরিস্ট-প্যারাডাইসে যেতে মন সরল না। সেই বিজ্ঞ প্রান্তরের হৃদটা যেন আমাকে টানতে থাকে। দেশ ছেড়ে যাবার আগে মনে হল আমার সেই পরিচিত বীভার-পাড়ায় কটা দিন কাটিয়ে আসা যাক।

সাতদিনের রসদসমেত সাবেকি তাঁবু আর স্লিপিং ব্যাগ নিয়ে একাই হাজির হলাম সেই প্রান্তরে। আমি জানতাম, বীভারদের আচরণ গৃহপালিত জীবের মতো নয়। হয়তো পেটুকের সন্ধানই পাব না, পেলেও আমি চিনতে পারব না, কারণ এই ছয়-সাত মাসে সে অনেক বড় হয়ে গেছে। পেটুকও বোধহয় আমাকে চিনতে পারবে না। তবু মনে একটু সন্দেহ ছিল। ঘটনাচক্রে পেটুক যদি আমার সামনাসামনি এসে পড়ে সে কী আমাকে চিনতে পারবে? প্রশ্নটা পেশ করেছিলাম অ্যালেক বুড়োর কাছে। আগেই বলেছি, অ্যালেক সারাজীবন বীভার শিকার করেছে। বীভারের আচার-আচরণ সম্বন্ধে সে অনেক কিছু জানে। আমি প্রশ্নটা পেশ করতেই হেসে উঠল অ্যালেক-বুড়ো। বলে, একটা অ্যালসেশিয়ান, ঘোড়া বা হাতী হয়তো ছয় মাস পরেও তার 'মাস্টার'-এর গায়ের গন্ধ চিনে ফেলতে পারে, বীভার তা পারে না। প্রথমত বীভার গৃহপালিত জন্তু নয়, ফলে বংশানুক্রমিক ভাবে তার 'মাস্টার'-এর গায়ের গন্ধ মনে রাখার চেষ্টা করেনি। সে শিক্ষাই ওরা কখনও পায়নি। দ্বিতীয়ত ওদের ভ্রাণশক্তি অত তীব্র নয়।

সুতরাং পেটুকের সন্ধান যে পাব না এটা জেনেই আমি এসেছি। তা হোক, দূর থেকে কোন জোয়ান বীভারকে দেখে মনে মনে সান্ত্বনা তো দিতে পারব—এতদিনে আমার পেটুক-সোনা অমন জোয়ান হয়ে উঠেছে।

দেখতে দেখতে সাতটা দিন কেটে গেল। কাল ভোর বেলা আমাকে ফিরে যেতে হবে। আজ সন্ধ্যায় আর রান্না করতে ইচ্ছে



করছে না। আগুন জ্বলে নিশ্চুপ বসে আছি তাঁবুর ভিতর। এক  
কয়দিন অনেক-অনেক প্রাণী দেখেছি—কাঠবিড়ালী, খরগোশ, লিঙ্কস,  
রাকুন এবং বীভার। শীতান্তে অনেক-অনেক পাখি ফিরে এসেছে  
হুদে। তাদের কলরব লেগেই আছে।

বাইরে ধীরে ধীরে সন্ধ্যার অন্ধকার ঘনিয়ে আসছে। আগুনে টিন্ডু  
খাবার গরম করে আহার সমাধা করে বসে পাইপটা ধরিয়েছি; হঠাৎ  
কেমন যেন শব্দ হল তাঁবুর বাইরে। কিসের শব্দ? চোখ তুলে ওদিকে  
ফিরতেই দেখি তাঁবুর দরজার সামনে উবু হয়ে বসে আছে একটা  
বীভার! অবাক-চোখে সে দেখছে আমাকে!

‘পেটুক?’—না, ডাক নয়। একটা প্রশ্নবোধক শব্দ মাত্র। আমি  
নিজেকেই প্রশ্নটা করেছি।


বীভারটা নড়ে চড়ে বসল। ভিতরে আসবে কিনা যেন ঠাওর  
করতে পারছে না। আমি নিঃশব্দে বুড়ি থেকে একটা পাকা কলা  
তুলে নিয়ে আমার সামনে রাখলাম। ওর নাগালের বাইরে।  
আমারও। বীভারটা একটু ইতস্তত করল। তারপর খুব সাবধানে  
এগিয়ে এল। আমার দিকে চোরা চাউনি হেনে। আমি স্ট্যাচু।  
তারপর সাহস সঞ্চয় করে খপ্প করে সে কলাটা তুলে নিল। পিছনের  
পায়ে ভর দিয়ে টুম্‌টুম্‌ হয়ে বসল। সামনের দু-পায়ে কলাটাকে  
সাবটে ধরে খেতে শুরু করল। খায় আর তাকায়। অবশেষে শেষ  
হল তার আহার পর্ব।

দ্বিতীয় একটা কলা তুলে নিলাম আমি। এবার আর ছুঁড়ে  
দিলাম না। কলাটা তুলে ধরে বলি, ‘আয় না? ভয় কি! চিন্তে  
পারছিস্‌ না?’

কুৎকুতে চোখে আমাকে দেখছে।

হ্যাঁ, পেটুকই! নিঃসন্দেহে সে-ই! বীভারটা এগিয়ে এল।  
এবার আর ছোঁ-মেরে কেড়ে নিল না! হাত থেকে ধীরে-সুস্থে  
কলাটা নিয়ে ওখানেই বসে খেতে থাকে। পিছিয়ে দূরে সরে গেল  
না কিন্তু।

আমি খুব ধীরে ধীরে হাতটা বাড়িয়ে ওর মাথায় ছোঁয়ালাম।  
ও আপত্তি করল না। এবার ওর পিঠে হাত বুলাই। ওর দেহটা  
একটু কেঁপে উঠল। ভয়ে নয়। গরুর পিঠে হাত দিলে যেমন  
তির তির করে কাঁপে। স্বরসুরি লাগায় অথবা আরামে। কলাটা  
শেষ করে সে পূর্ণদৃষ্টিতে অনেকক্ষণ আমার দিকে তাকিয়ে থাকে।



### ও খাবাছুটি তুলে রাখল আমার ভালুতে

আমি এবার বাঁ-হাতটা বাড়িয়ে দিলাম। ও ছুটি খাবা তুলে  
রাখল আমার ভালুতে। ওও নিশ্চয় আমাকে চিন্তে পেরেছে। কোন  
জঙ্গলী বীভার এভাবে অচেনা মানুষের হাতে হাত তুলে দেবে না।  
এ নির্ঘাৎ পেটুক। আমি ওকে এবার কোলে তুলে নিলাম। আদর  
করলাম। সেই আগের মতো 'কাগের দলা, বগের দলা' খাওয়াতে  
শুরু করি তৃতীয় একটি কলা ছুলে নিয়ে। ভারী তৃপ্তি করে এবার  
সে খেল।

ঘণ্টা দুই সে ছিল আমার কাছে। তারপর আমি কঞ্চলটা

টেনে নিয়ে বলি, 'আয় পেটুক, এবার শুয়ে পড়ি। সেই আগের মতো।'

এবার সে যেন ভারী লজ্জা পেল। রাজি হল না। গা চুলকালো, গৌফ চুমড়ালো, আমার প্যাণ্টের পায়ার কাছে মাথাটা ঘষল। তারপর কি-ভাবে শুষ্ট করে বেরিয়ে গেল তাঁবুর বাইরে। আমিও ছুটে বার হয়ে এলাম।

ততক্ষণে অন্ধকার বেশ ঘনিয়ে উঠেছে। টর্চটা তুলে নিয়ে জ্বাললাম।

এ কী! পেটুক তো একা আসেনি। অনেক দূরে জঙ্গলের আড়াল থেকে আর একটা মাদি-বীভার তার কুৎকুতে চোখ মেলে আমাদের দেখছে।

—অ্যা, পেটুক! তুই বিয়ে করেছিস্! আমাকে না জানিয়ে?

পেটুক ভারী লজ্জা পেল! ছু-দ্বাড়িয়ে ছুটে গেল তার সঙ্গিনীর কাছে। পর মুহূর্তেই বুপ্-বুপ্- করে এক জোড়া বীভার ঝাঁপ দিয়ে পড়ল হৃদের জলে।

## ॥ পিতৃহের দায় ॥

ছেলেবেলায় পড়তে হত, “গরু একটি গৃহপালিত চতুষ্পদ স্তন্যপায়ী প্রাণী।”

চতুষ্পদ বুঝি—যার চারটে ঠ্যাঙ আছে ; স্তন্যপায়ীও বুঝি—যারা মিনি খায় ; কিন্তু ‘গৃহপালিত’ ব্যাপারটা কি ? যাকে গৃহে পালন করব সেই তো গৃহপালিত, না কি ?

মাস্টারমশাইকে প্রশ্ন করতেই তিনি বললেন, না বাবা, সব জন্তু গৃহপালিত নয়। যারা মানুষের পোষ মানে, তারাই গৃহপালিত, যেমন গরু, ঘোড়া, কুকুর, ছাগল, মোষ। বাঘ, সিংহ, কাঠবিড়ালী ইত্যাদি পোষ মানে না। প্রথম জাতের প্রাণীকে বলি ‘গৃহপালিত’, আর দ্বিতীয় জাতের প্রাণীরা হল ‘বন্য’।

আমি বলি, তা কেন ? সার্কাসে তো হামে-হাল দেখি বাঘ-সিংহ রিঙমাস্টারের পোষ মানে। বিলুখুড়োর একটা কাঠবিড়ালী আছে, দিব্যি পোষ মেনেছে।

মাস্টারমশাই বিরক্ত হয়ে ধমক দিলেন, তোমার বড় তক্কো করা স্বভাব ! তক্কো কোর না, বুঝলে ? বইতে লেখা আছে, মুখস্ত কর।

অতএব ‘তক্কো’ করিনি এবং ‘মুখস্ত’ করেছি।

তফাৎটা সেদিন বুঝিনি। এখন বুঝতে পারি। কারণ তত্ত্বটা ‘তক্কো’ করে বুঝবার নয়—‘তর্কেতে মিলায় কৃষ্ণ’। ওটা বুঝতে হয় অস্থিতে-অস্থিতে, অর্থাৎ হাড়ে-হাড়ে। ঐ যাদের মাস্টারমশাই ছেলেবেলায় আমাকে চিনিয়ে দিয়েছিলেন ‘বন্য’ বলে, ঘটনাচক্রে বড় হয়ে তাদের সঙ্গে ঘর-গেরস্থালি করতে হয়েছে। অদৃষ্টের ফের আর কি ! অনেকে পোষ মেনেছে, অনেকে মানেনি—কিন্তু তাদের ‘মানুষ’ করতে হয়েছে। মানে, ‘না-মানুষ’ করতে হয়েছে। কারণ পেশা হিসাবে সেই বৃত্তিটাই বেছে নিয়েছিলাম—বন জঙ্গল টুঁড়ে টুঁড়ে

বয়সপ্রাপ্ত সংগ্রহ করে চিড়িয়াখানায় চালান দেওয়া। তাই অনেক সময় অতি শৈশবকাল থেকে কিছু বয়সজন্তুকে লালন-পালন করতে হয়েছে। অবশ্য সবটাই পেশা নয়, কিছুটা নেশাও বটে। অর্থাৎ সখ করে।

পেশাই হোক, আর নেশাই হোক, নিতান্ত শিশুকাল থেকে একটি বয়সপ্রাপ্তিকে বড় করে তোলা রীতিমতো বখেড়ার ব্যাপার। যত্নগা বড় কম পাইনি। আনন্দও। অনেকে আমাকে প্রশ্ন করেন, আমি জন্তু জানোয়ারদের কেন এত ভালোবাসি? এক কথায় ওর জবাব হয় না। এক কথায় তোমরাও কি বুঝিয়ে বলতে পার—গান কেন ভালবাস, অথবা ‘টিন্‌টিন’ পড়তে, কিম্বা জমাটি বর্ষার রাতে ভূতের গল্প শুনতে? তবে এ কথাও বলব, ওদের লালন-পালন করতে গিয়ে শুধু আনন্দ নয়, শিক্ষাও পেয়েছি প্রচুর। ওরা সহজ, সরল, মনে-মুখে এক! মানুষের মধ্যে যে গুণটি দুর্লভ, যাকে সবচেয়ে সম্মান করি—দেশের জন্তু, দেশের জন্তু স্বার্থত্যাগ বা প্রাণদান, ওরা তা হামে হাল করে থাকে। দলবদ্ধ জীব মাত্রেই এবং দলের সবাই! যুববদ্ধ প্রাণীদের প্রত্যেকে দলের জন্তু লড়াইয়ে প্রাণ দিতে প্রস্তুত—হায়না, ডিস্কো, হাতী থেকে পিঁপড়ে পর্যন্ত! আবার মানুষের যেগুলো চরম দোষ—দেশের প্রাপ্য আত্মসৎ করা, হাসি-হাসি মুখে চোরা-গোপ্তা চালানো, তা না-মানুষেরা জানেনা।

যেকথা বলছিলাম : পিতৃহের দায়।


কখনও কখনও আমাকে আটদশ রকমের প্রাণীর ‘বাপ’ হতে হয়েছে। আমার সংগ্রহে মাঝে মাঝে দেড়-তুশো বিভিন্ন জাতের প্রাণী থাকে। স্তন্যপায়ী, সরীসৃপ, মাছ, পাখি এমন কি কীটপতঙ্গ। তাদের নাওয়ানো খাওয়ানো যে কী ঝামেলার তা জানে সেই হিজবিজবিজের পরিচিত ভদ্রলোক, যে নাকি টিক্‌টিকি পুষতে! কে কোন খাচ্ছ কতটা খাবে, কার খাঁচা কী কায়দায় সাফা রাখতে হবে, পোকা-মাকড়ের উৎপাত থেকে তাদের কী ভাবে বাঁচাতে হবে, এসব শুধু জানলেই চলবে না—নজর রাখতে হবে যাতে সেগুলি ঠিক ঠিক পালিত হয়। ওরা যে আমার সন্তান। তোমাদের মধ্যে যাদের পোষা জীবজন্তু

আছে—কুকুর, পাখি অথবা অ্যাকোয়ারিয়ামের মাছ তারা বুঝতে পারছে  
আমি কী বলতে চাই !

তার চেয়েও বড় কথা তোমাকে দেখতে হবে জীবটা যাতে তার  
অভ্যন্তর পরিবেশে মনের স্ফূর্তিতে থাকে। যতই যত্ন নাও ঐ প্রাণের  
স্ফূর্তিটা না থাকলে আরণ্যক প্রাণী বন্দীদশায় বেশিদিন বাঁচে না।  
এখানে আমি শুধু বাচ্চাদের কথা বলছি না, জোয়ান জীবজন্তুর প্রশংসেও  
ঐ একই কথা। তাছাড়া যে কাজ জীবিকা হিসাবে গ্রহণ করেছি  
তাতে অনিবার্যভাবে কিছু স্বেচ্ছাজাত প্রাণীও এসে পড়ে আমার  
হেপাজতে। যার মা হয়তো মারা গেছে, অথবা হারিয়ে গেছে।  
সেটাই সত্যিকারের 'পিতৃহের দায়'। সেই অভিজ্ঞতাই আজ তোমাদের  
কিছু শোনাবো। এ-ক্ষেত্রে শুধু খাবার আর যত্ন নিলেই তা যথেষ্ট নয়,  
তোমাকে ওর হারিয়ে যাওয়া বাপ-মায়ের ভূমিকাটা পুরোপুরি অভিনয়  
করতে হবে।

আমার প্রথম অভিজ্ঞতাচারটি 'হেজহগ' বাচ্চাকে নিয়ে। 'হেজহগ'  
জন্তুটার সঙ্গে তোমাদের পরিচয় হয়েছে কি? অন্তত লুই ক্যারলের  
'অ্যালিস ইন ওয়াণ্ডার ল্যান্ড'-এ? ওর বাঙলা-নাম আমার জানা  
নেই। এদের বাস যুরোপে, এশিয়ায় এবং আফ্রিকায়। লম্বায় দশ-  
এগারো ইঞ্চি, মানে ত্রিশ সেন্টিমিটারের কাছাকাছি। সর্বদা কঁটা।  
সজ্ঞার মতো বড় বড় কঁটা নয়। পোকা-মাকড়, ফলমূল দুইই খায়।  
শীতকালে লম্বা ঘুম দেয়, যাকে ইংরেজীতে বলে 'হাইবারনেশান'।  
এরা নিশাচর। মা-হেজহগ যে কী কষ্ট স্বীকার করে তা টের  
পেয়েছিলাম চার-চারটি হেজহগকে না-মানুষ করতে গিয়ে। মা-হেজহগ  
সন্তানদের জন্ম দেয় মাটির নিচে গর্তের বাসায়। বাচ্চা পাড়ার আগে  
শুকনো ডালপাতা সাজিয়ে একটা নরম বিছানা পাতে। জন্মের পর  
বাচ্চাগুলো নিতান্ত অসহায়। তখন তাদের চোখ ফোটে না। আর  
তখন ওদের গায়ের কঁটা—যা একটু বড় হলেও খোঁচা খোঁচা হয়ে  
উঠবে—একটুও শক্ত নয়, তুলোর মতো নরম। কয়েক সপ্তাহ পরে  
কঁটাগুলো শক্ত হতে থাকে। তিন-চার সপ্তাহ পার হলে ওদের মা

বাসা ছেড়ে বাইরের ছুনিয়া দেখাতে ওদের নিয়ে আসে, খাবার খুঁটে নিতে শেখায়। সে এক দৃশ্য! মায়ের লেজ কামড়ে ধরে প্রথম বাচ্চাটা; তারপর দ্বিতীয় বাচ্চাটা দাদার লেজ কামড়ে ধরে। এই ভাবে চার-পাঁচ ভাই একটি রেলগাড়িতে রূপান্তরিত হয়ে 'পু-ঝিক্-ঝিক্' করে বার হর বাসা ছেড়ে।



'পু-ঝিক্-ঝিক্' করে বার হর বাসা ছেড়ে

আমি সেবার গ্রীষ্মে। একদিন একজন স্থানীয় কৃষক আমাকে এনে দিল একটা হেজহগের খাঁচা। লতাপাতায় বোনা। মা-হেজহগ বুঝি কি-করে মারা গেছে। চার-চারটে বাচ্চা তো তা জানে না। পড়ে আছে খাঁচায়! লোকটা মাটি খুঁড়তে গিয়ে খাঁচা-সমেত বাচ্চাদের দেখতে পায়। আমি যে জীবজন্তু ভালোবাসি সে-কথা সে জানত—তাই আমি ওদের হিল্লো করতে পারব ভেবে আমার কাছে নিয়ে এসেছে। গোটা খাঁচাটা নামিয়ে রেখে লোকটা চলে গেল, খাঁচা মানে বাসা, যেটা ওদের মা বানিয়েছে লতাপাতা দিয়ে। একটা

পাঁচনম্বরী ফুটবলের মতো আকার। তার ভিতর চার চারটে চুমু-মুমু  
হেজহগ বাচ্চা।

প্রথম কাজ হল ওদের খাওয়ানো। ওরা স্তন্যপায়ী। ফাউন্টেন  
পেনের কালি-ভরার ডপার ছিল, কিন্তু ওদের হাঁ-মুখ আরও ছোট।  
হঠাৎ মনে পড়ল আমার এক বন্ধুর বাচ্চা মেয়ের একটা ডল-পুতুল  
আছে, আর সেই ডল-পুতুলের জন্তু ছিল ছো—ট্ট একটা ফিডিং-বোতল।  
বন্ধুকে টেলিফোন করলাম। অনেক কায়দা করে ফিডিং-বোতলটা  
বাচ্চাকে ভুলিয়ে ভালিয়ে হাতানো গেল। অবশ্য ডল-পুতুল সে ফিডিং-  
বোতল থেকে ছুধ খেতে পারে না, হেজহগ-বাচ্চা চুকুচুকু ছুধ খাবে এটা  
শুনে সে খুশি মনেই বোতলটা দিয়ে দিল। গরুর ছুধে জল মিশিয়ে  
সেই ফিডিং-বোতল ওদের মুখের কাছে ধরতেই অমনি চুকু-চুকু, চুক-  
চুক! খুকুও খুশি, আমরাও। বরং খুকু আশ্বাস দিয়ে গেল যদি  
ইচ্ছে ওটা আমি রাখতে পারি।

প্রথমে বাচ্চাগুলোকে খাঁচাসমেত একটা প্যাকিং বাক্সের মধ্যে  
রাখতাম। কিন্তু তিনদিন না যেতেই সেটা এমন নোংরা হয়ে গেল  
যে, আমাকে দৈনিক পাঁচ-সাতবার পাতা বদলে সাফা করতে হয়।  
অবাক হয়ে ভাবতাম, মা-হেজহগ কি দিনে অতবার নোংরা পাতা বদলে  
নতুন পাতা পেতে বাসাটাকে সাফা রাখতো? তাহলে বাচ্চাদের জন্তু  
সে খাবার সংগ্রহ করবার সময় পেত কি করে? চোপর-দিন ওদের  
হাঁ-হাঁ করা খিদে। প্যাকিং বাক্সটা ছুয়েছি-কি ছুঁইনি চার-চারটে খুদে  
রাফস চিল-চ্যাচান চিল্লানি শুরু করে। চার-চারটে নাক বেরিয়ে আসে  
আর আঁতি পাতি খুঁজতে থাকে বোতলের মুখটা। একটাকে খাওয়ানো  
শেষ করে যে দ্বিতীয়টাকে খাওয়ানো তার তর সয় না। ক্রমাগত  
গুঁতোগুঁতি।

বেশির ভাগ জীবজন্তুর বাচ্চাই জানে কতটা খাওয়া তাদের স্বাস্থ্যের  
পক্ষে ভালো। আমার অভিজ্ঞতা বলে, হেজহগ একমাত্র ব্যতিক্রম।  
জাহাজডুবির পর হতভাগ্য নাবিকেরা যেমন ভেসে-যাওয়া কাঠের গুড়ি  
মরণপণ আঁকড়ে থাকে, তেমনিভাবে ওরা কামড়ে ধরে থাকত



বোতলটা ছুধ ফুরিয়ে যাবার পরেও। যেন কত বছর ওরা খেতে পায়নি। খেতে খেতে এমন অবস্থা হত যেন পেট ফেটে মরে যাবে। বইপত্র ঘেঁটে দেখি, জীব-বিজ্ঞানের বইতেও তাই লিখেছে। হেজহগের রাকুসে খিদের কথা। হেজহগের বাচ্চারা নাকি সচরাচর মারা যায় পরিমাণের চেয়ে বেশি খেয়েই। এ-জন্ম মা-হেজহগ খুব সতর্ক থাকে। পরিমাণের বেশি ওদের খেতে দেয় না। বইয়ের একটি তালিকায় লেখা ছিল কত সপ্তাহের বাচ্চাকে কতটা খেতে দেওয়া উচিত। আমি সেই হিসাবমতো ওদের খাওয়াতে থাকি। কয়েক সপ্তাহের ভিতরেই ওরা চারজন বেশ লায়েক হয়ে গেল। ইচ্ছে ছিল, পরের সপ্তাহে খাঁচা থেকে বার করে ওদের বাগানে নিয়ে যাব; পোকা-মাকড় ধরে খাওয়া শেখাবো। সে ইচ্ছাটা, হুর্ভাগ্যক্রমে, আমার পূর্ণ হয়নি।

ঐ সময় একদিনের জন্ম আমাকে একটু বাইরে যেতে হল। একরাত্রি আমাকে বাইরে থাকতে হবে। চার-চারটে কাঁটা-ওয়ালা ছানা-পোনা নিয়ে সেখানে যাওয়া চলে না। একদিন না খেলে অবশ্য ওরা মারা যাবে না—কিন্তু কী দরকার? আমার এক ছোট বোন থাকত কাছেই। তার বাড়িতে বাচ্চাগুলোকে এক দিনের জন্ম রেখে গেলাম। তাকে পৈ-পৈ করে বুঝিয়ে দিয়ে গেলাম, কতটা ছুধ ওরা ক-বারে খাবে।

কাজ সেরে পরদিন ফেরার পথে বাচ্চাগুলোকে বোনের বাড়ি থেকে নিয়ে আসতে গেলাম। কলিং বেল বাজাতে দরজা খুলে দিয়েই আমার বোন আমাকে প্রচণ্ড ধমক লাগালো, আচ্ছা দাদা! তুই কী নির্ভুর! বাচ্চাগুলোকে ভরপেট খেতে দিস না? তুই যেটুকু ছুধ বরাদ্দ করে গিয়েছিলি তাতে ওদের পেটই ভরেনি।

আমি আঁৎকে উঠি, তার মানে? তুই কি আরও ছুধ খাইয়েছিস?

—নিশ্চয়! আমি তো তোর মত হাড়কিপটে নই! ছাখ এসে, কী আরাম করে ভরপেটে ঘুমোচ্ছে ওরা।

ছুটে গেলাম খাঁচটার কাছে। ভরা পেটেই বটে। চার-চারটে খুদে ফুটবল! এত খেয়েছে যে, সোজা হয়ে চার-পায়ে দাঁড়াতে

পারছে না। মানে, ওদের পেট এত নেমে এসেছে যে, হাত-পাগুলো মাটি ছুঁতে পারছে না!

যেটুকু করা সম্ভব করেছিলাম। কিন্তু কিছুতেই কিছু হল না। চব্বিশঘণ্টার মধ্যে চারটেই মারা গেল। 'অ্যাকিউট এন্টেরাইটিস' রোগে। সবচেয়ে মর্মান্বহত হল আমার ছোট বোন। কিন্তু এখন ক্ষমা-চাওয়া বা ক্ষমা-করা দুটোই সমান নিরর্থক।

আমার প্রথম পিতৃত্বের দায় আমি যথাস্থ পালন করতে পারিনি।

হু-নম্বর সন্তানটিও বাঁচেনি।

মা-হেজ্জহগের মতো সব জীবই যে বাচ্চাদের ঠিকমতো যত্ন নেয়, এ-কথা বলা চলে না। কেউ কেউ বেশ উদাসীন। যেমন ধর ক্যান্সার।

ক্যাণ্ডারর পেটে থলি থাকে, বাচ্চাগুলো ইতিউতি ঘুরে বেড়ায়, আর ভয় পেলেই ছুটে এসে মায়ের পেটের থলিতে আশ্রয় নেয়—এসব কথা তোমরা জানো। অস্ট্রেলিয়ান ক্রিকেট টীম যখন কলকাতায় খেলতে আসে তখন ঐ জাতের ছবি খবরের কাগজে, বা বিজ্ঞাপনে ছাপা হয়—তোমরা নিশ্চয় দেখেছ। মায়ের পেটের থলি থেকে বাচ্চা-ক্যাণ্ডার পুটপুট করে তাকাচ্ছে—এমন ছবি হামেহাল তখন দেখা যায়। কিন্তু এ খবর কি রাখ যে, ক্যাণ্ডারর সছোজাত বাচ্চা একটা চায়ের চামচে ঝুমিয়ে থাকতে জায়গা পাবে? প্রমাণ সাইজ একটা ক্যাণ্ডার ফুট পাঁচেক লম্বা, মানে প্রায় দেড়-মিটার! আর সছোজাত একটা ক্যাণ্ডারর দৈর্ঘ্য প্রায় আধ ইঞ্চি, মানে এক সেন্টিমিটার! আসলে মায়ের পেট থেকে যা জন্ম নেয় তা পুরোপুরি বাচ্চা নয়; আধ-বাচ্চা, আধা-ক্রম। চোখ ফোটে অনেক দিন পরে। মায়ের পেট থেকে জন্ম নিয়ে ঐ আধা-ক্রম বাচ্চাটা নিজের চেষ্ঠায় মায়ের পেট পর্যন্ত উঠে আসে। মা তাকে দেখতেই পায় না, তার সাহায্য করবে কি? মায়ের তলপেটের লোম ঐ শিশুর চেয়ে লম্বায় বড়। কী-ভাবে ঐ অন্ধ জীবটা লোম-আঁকড়ে

হাৎড়ে-হাৎড়ে মায়ের স্তনের সন্ধানে উপরে উঠে আসে ভাবলে স্তম্ভিত হয়ে যেতে হয়। পথের দৈর্ঘ্যটা ওর দেহের তুলনায় ষাট-সত্তর গুণ! তুলনা করে ভাবতে পার একটা এক ফুট লম্বা সছোজাত মানব শিশু পাঁচ-ছয় তলা বাড়ির ছাদে উঠছে? সিঁড়ি বা লিফ্ট দিয়ে নয়, ডাউন পাইপ বেয়ে, যাতে ঐ ছয় তলা বাড়ির ওভারহেড ট্যান্কের কাছে মায়ের মিনির সন্ধান পাবে?

অমন ক্যাঙারু-বাচ্চাকে 'না-মানুষ' করার সৌভাগ্য অবশ্য আমার হয়নি। তবে একবার একটা ওয়ালাবি শিশুর দায়িত্ব আমাকে নিতে হয়েছিল। 'ওয়ালাবি' জন্তুটা ক্যাঙারুর মতো শুরু অস্ট্রেলিয়া মহাদেশেই পাওয়া যায়। দেখতে প্রায় ক্যাঙারুর মতো; মাপে একটু ছোট হয়। কলকাতার চিড়িয়াখানায় ক্যাঙারু আর ওয়ালাবি দুটোই আছে—প্রায় পাশাপাশি খাঁচায়। এবার যখন চিড়িয়াখানায় যাবে ওদের পার্থক্যটা মজর কর। অমনই একটা ওয়ালাবি-বাচ্চা আমার হেপাজতে এসে পড়ল নিতান্ত ঘটনাচক্রে।

আমি সে-সময় হুইপসনেড জু-তে জন্তু-জানোয়ারদের দেখাভাল করার কাজ করি। সেখানে অনেকগুলি ওয়ালাবি ছিল। এরা নিরীহ প্রাণী, তাই কর্তৃপক্ষ এদের খাঁচায় বন্দী করেননি। বাগানে ছাড়া থাকত। কয়েকটা তুচ্ছ ছেলে একদিন সবার অলক্ষিতে ঐ ওয়ালাবি-গুলোকে তাড়া করে। তারা অবশ্য ওদের কোনও ক্ষতি করতে চায়নি—ছুটোছুটি খেলতে চেয়েছিল। দুর্ভাগ্যক্রমে, ওদের মধ্যে ছিল একটি সত্ত্বজননী। তাড়া খেয়ে পালাবার সময় ঝাঁকুনিতে বাচ্চাটা মায়ের পেট থেকে ছিটকে মাটিতে পড়ে যায়। ছেলেগুলো তা দেখতে পায়নি। অনেক পরে হঠাৎ আমার নজরে পড়ল। পাথর ধারে পড়ে পড়ে ধুঁকছে। বিষং খানেক লম্বা, তখনও কিন্তু চোখ ফোটেনি। তাড়াতাড়ি কুড়িয়ে নিলাম বাচ্চাটাকে। তার মা যে কোনজন কিছুতেই খুঁজে বার করতে পারিনি। আগেই বলেছি, কোন কোন জীবের মায়েরা উদাসীন। বাচ্চাটাকে নিয়ে আমি ওয়ালাবি-পাড়ায় বুথাই ষণ্টাখানেক ঘোরাঘুরি করলাম।

বাধা হয়ে ওভারকোটের পকেটে নিয়ে বাড়ি চলে এলাম।

আমার ল্যাণ্ডলেডির প্রবল আপত্তি। অনেক বুকিয়ে সুস্থিয়ে তাকে রাজি করানো গেল। বাচ্চাটাকে আমি বিছানায় নিয়ে শুতাম। কারণ তখন ওখানে বেশ শীত। বাচ্চাটা তার মায়ের পেটের উত্তাপ চাইবে এটাই স্বাভাবিক। গরম ফ্লানেলে জড়িয়ে নিয়ে শুতে চাইলাম—তাতে ওর ঘোর আপত্তি। ক্রমাগত হাত-পা ছুঁড়ে ফ্লানেলটা সরিয়ে ও তেড়ে-কুঁড়ে বাইরে আসতে চায়। কক্ষলের তলায় চাপা দিলেও তার প্রবল আপত্তি। এ তো মহামুশ্কিল। শেষ-মেঘ আমার আমার সাটের ভিতর ওকে ঢুকিয়ে নিলাম। এবার ও বেশ শান্তি পেল। ও বোধহয় জীবদেহের উত্তাপই খুঁজছিল। সেটাই স্বাভাবিক। একে বলে 'জন্মগত সংস্কার'—বইতে পড়েছি। জন্ম-জন্মান্তর ধরে যে ভাবে একটা শিশু-জীব অভ্যস্ত—জন্মের পরে সে ঠিক তাই চায়। যদি ভগবান মানো তাহলে এটা তাঁর স্বন্ধে চাপিয়ে দেওয়া চলে, কিন্তু বিজ্ঞানের কারবারে ভগবানের দোহাই পাড়া চলে না। তাই বিজ্ঞান একে বলে 'জন্মগত সংস্কার'। কেমন জানো? যেমন ধর মানুষের বাচ্চা। জন্মের পরে মা যখন তাকে বুকে টেনে নেয়, অমনি সে চুক্-চুক্ করে মায়ের মিনি খেতে থাকে। কে তাকে শেখালো? তার আগেও শ্বাস নিতে কে তাকে পরামর্শ দিল? এক জাতের বাঁদর আছে যারা গাছের উপর জন্মায়। হিংস্র জন্তুর ভয়ে মা মাটিতে নেমে বাচ্চার জন্ম দেয় না। জীব-বিজ্ঞানীরা দেখেছেন—সেই জাতের বাঁদর মায়ের পেট থেকে ভালো করে বের হবার আগেই একটা হাত বাড়িয়ে গাছের একটা ডাল শক্ত করে ধরে নেয়। মায়ের পেটে থাকতেই সে মাধ্যাকর্ষণ-এর প্রভাব—অর্থাৎ জন্মাত্র সে যে রূপ করে মাটিতে পড়ে মরে যাবে, এটা সে কেমন করে জানল? ঐ একই জবাব: 'জন্মগত সংস্কার'! বংশ পরম্পরায়—আত্মরক্ষার এ তাগিদ ঐ ক্রণের ছোট্ট মস্তিষ্কের এক কোণায় ঠাই নেয়। আমার বাচ্চা—মানে ঐ ওয়ালাবি-শিশু তেমনি তার বাপ-পিতেমোর আমল থেকে শিশুকালে মায়ের দেহের উত্তাপটাই আশা করতে শিখেছে। ফ্লানেল অথবা কক্ষল তাই ওর পছন্দ নয়।

কিন্তু অভ্যাস যাবে কোথায় ? পাঁচ-মিনিট পর পরই সে সিঁড়নের পা দিয়ে আমার পেটে পৌঁছা মারে ! নখও আছে। জামাটা ছিঁড়ে গেল, চামড়াও গেল ছুঁড়ে। প্রথম রাতটা বাপ-বেটা কারও ঘুম হল না। মাঝ রাত্তে বাধা হয়ে আবার আমি কৌশলটার বদল করি। জামার ভিতর থেকে বার করে এনে লেপচাপা দিয়ে ঘুম পাড়াবার চেষ্টা করি। একটু পরেই ঘুমিয়ে পড়ে। আমিও এবার নিশ্চিন্ত হয়ে ঘুমাই। কিন্তু শেষ রাত্তে সে জোড়া পায়ের এমন লাথি ঝাড়লো যে, নিউটনের সেই তিন-নম্বর সূত্র অমুসারে নিজেই ছিটকে পড়ল খাট থেকে। পড়েই নির্জীব হয়ে গেল। বাইরে তার কোনও আঘাতের চিহ্ন ছিল না। বোধ হয় দেহের ভিতর ইন্টার্নাল হেমারেজ হচ্ছিল, কারণ নাক মুখ দিয়ে কয়েক ফোঁটা রক্ত বেরিয়ে এল। রাত পোহাবার আগেই বাচ্চাটা মারা গেল।

পর পর ছ-ছটো সন্তান মারা যাবার পর মনটা খারাপ হয়ে গেল।

ইতিমধ্যে আমি বিয়ে করেছি। প্রথম বিবাহ-বার্ষিকীতে—কী যে ভূমতি হল, আমি আমার স্ত্রীকে একটা অদ্ভুত জীব উপহার দিলাম। আমার স্ত্রী আমারই মতো জীব-জন্তু ভালোবাসে। এই ছোট্ট জীবটিকে আমি বাজার থেকে কিনে এনেছিলাম। একটা উড়ন্ত কাঠবিড়ালী। স্বাজীব জীব ! উত্তর আমেরিকায় ওদের বাস। বৃকের দিকটা ধব্ধবে সাদা, পিঠে একটা সব্‌জেটে পশমের কোট। উড়তে পারে বললে অতিশয়োক্তি হবে, আবার শুধু লাফ দিতে পারে বললে তার কৃতিত্বটা ছোট করে দেখানো হয়। এ-গাছ থেকে ও-গাছে যখন ঝাঁপ দেয় তখন বাতুরের মতো হাত-পা নাড়তে থাকে—বাতুরের মতো হাত আর পায়ের মধ্যে একটা চামড়ার জোড়াতালি আছে বলে গ্রাইডারের মতো পাঁচ-মাত হাত দিবি উড়ে যায়—হ্যাঁ, উড়েই যায়। আমি যে উড়ন্ত কাঠবিড়ালী বা ফ্লাইং স্কয়ারেল-এর বাচ্চাটাকে নিয়ে এলাম সে বেচারি ঘরের ভিতর উড়বার যথেষ্ট অবকাশ পায়নি। প্রথমে একটা কাঠের খাঁচায় বন্দী করে তাকে আমাদের শোবার ঘরেই রাখা হল। আমরা

তার নাম দিল্লাম : কাটুম-কুটুম। ছ-চারদিনের ভিতরেই সে আমাদের দিব্যি পোষ মানল। তখন শীতকাল ; ও অবশ্য প্রচণ্ড শীতে অভ্যস্ত— কিন্তু আমরা তো জ্ঞানই নই। তাই ঘরের দরজা জানালা বন্ধ করে ওকে ঘরের ভিতর ছেড়ে দিতাম। খাঁচার দরজাটা খোলা থাকত, যাতে ইচ্ছা মতো সেখানে গিয়ে ও আশ্রয় নিতে পারে। কিন্তু কাটুম-কুটুম হচ্ছে



### ‘কাটুম-কুটুম’

মিশাচর প্রাণী। রাতে সে একটুও ঘুমোতো না—সারারাত কুটুর কুটুর লেগেই আছে। তারপর দেখা গেল—ঐ খাঁচাটা তার একদম পছন্দ হয়নি। সে গিয়ে আশ্রয় নিল আমাদের কাঠের আলমারিটার পিছনে। দেয়াল থেকে আলমারিটা আধ বিঘৎ সামনে রাখা ; সেই ফাঁকে কাঠ-কুটো গুঁজে ও নিজেই একটা বাসা বানাতে। সেখামেই সে থাকে। তামাম রাত ঐ কুটুর-কুটুর খচর-মচর আমার ভালো লাগে না। ওকে বৈঠকখামায় পাচার করতে চাইলাম। ও কিন্তু সেটা মেনে নিল না। ঐ আলমারির পিছনে ফাঁকটাই তার চাই ! উপায় কি ? ওটাকেই যে ওর বাসা বলে ধরে নিয়েছে। আর রাতে বিরক্ত করা ? কিন্তু সেটাও যে ওর ধর্ম ! সারা দিন ঘুমোবে আর সারা রাত জাগবে। মাস-ছন্ডিন পরে সেটা বেশ বড় হয়ে গেল ; খুব পোষও মাংস। আমাদের খাঁচের উপর বসে বিস্কুট, টোস্ট খেত কুট্ কুট্ করে।

তার কীর্তি-কাহিনী বোঝা গেল নববর্ষের আগের দিন। নববর্ষে আমাদের ছুজনের একটাজবর নিমন্ত্রণ ছিল। আমার স্ত্রী কাঠের

আলমারিটা খুলেই চমকে উঠলেন। বললে, দেখ, এসে দেখ তোমার কাটুম-কুটুমের কাণ্ড।

ঐ কাঠের আলমারিতে রাখা ছিল আমার গরম স্মুট, জামা-প্যান্ট। গিন্দি সতর্ক মানুষ। নিজের ভালো ভালো পোশাক তিনি সাজিয়ে রেখেছেন লোহার আলমারিতে। কাঠের গুয়াজোবটা খুলে দেখা গেল কাটুম-কুটুম তার পিছন দিকের তক্তায় ছাঁদা করে ভিত্তরে যাবার ব্যবস্থা করেছে। ওর বাসাটা আলমারির পিছনে নয়, আলমারির ভিতর। আর লতা-পাতা কিছুই তাকে আহরণ করতে হয়নি; প্লান্সেল-উল-টেরেলিন দিয়ে তার বাসা তৈরী। উপাদান সংগৃহীত হয়েছে আমারই স্মুট-প্যান্ট-সার্ট-টাই থেকে। আলমারির ভিতর একটি কোণায় তাঁর ভাঁড়ার ঘরও আছে। সেখানে ধরে ধরে সাজানো—আপেলের টুকরো, খেজুরের বাঁচি, বিস্কুট বা টোস্টের ভুল্লাবশেষ, হুড়ি-পাথর, ইত্যাদি ইত্যাদি। যে-কটা পোশাক দাঁত দিয়ে তখনও কাটা হয়নি তার উপর সর্দান-আর্ট-এর রসঘন চিত্তির বিচিত্রিত।

বলা বাহুল্য সাদামাটা পোশাক পরেই নববর্ষের পার্টির বখেড়া মেটাতে হল।

পরদিন কাটুম-কুটুমকে নববর্ষের প্রেজেন্ট হিসাবে উপহার দিলাম চিড়িয়াখানার কর্তৃপক্ষকে। আমার বদাগ্ণতায় চিড়িয়াখানার ডাইরেক্টর বেজায় খুশি।

পরের বছর বিবাহ-বার্ষিকীর আগে গিন্দি বললেন, একটা ভোঁদর-বাচ্চা পুষলে কেমন হয়? আমি ভাড়াতাড়ি প্রসঙ্গটা পালটে দিলাম।

তৃতীয় বিবাহ-বার্ষিকীতে অবশ্য গিন্দি ওলব প্রসঙ্গ আদৌ তুলবার অবকাশ পাননি। একটি সন্তোজাত মানুষের বাচ্চাকে নিয়ে তখন তিনি বিব্রত।

কেউ দেখে শেখে, কেউ শেখে ঠেকে। আবার কেউ-কেউ জন্ম নবকুমার! দেখে-ঠেকে কিছুতেই শেখে না। আজীবন 'কাঠ-

আহরণ' করে চলে ! আমারও হয়েছে সেই বৃত্তান্ত ! কাটম-কুটমের  
পর যাঁর জ্বালায় জ্বলেছি তিনি হচ্ছেন : 'কুসিমালি' !

জীবটির সঙ্গে আমার চেনা-জানা ছিল না । পশ্চিম-আফ্রিকাতে  
জীবজন্তু সংগ্রহ করতে যাব । বিভিন্ন চিড়িয়াখানার কর্তাব্যক্তির  
সে সময় চিঠি লিখে জানাচ্ছেন কার কী চাই । গাঁয়ের ছেলে শহরে  
যাবার আগে বাড়ির সবাই যেমন নানান ইচ্ছা প্রকাশ করেন । ঠাকুর্দা  
বলেন, দা-কাটা তামাক পাওয়া যায় কি না দেখিস্তো । ঠাম্মা  
বলেন, আর কাশীর জর্দা । বৌদি তালিকার তলায় লিখে দেন : এক  
শিশি ন্যাচারাল স্যাম্পু ; আর খোকন বলে, খোঁজ নিয়ে দেখ তো  
ক'লকাতায় নতুন 'টিনটিন' এসেছে কি না ।

লগুন-জুর বড় কর্তা আমাকে যে তালিকাটি পাঠিয়েছেন তাতে  
লেখা আছে ঐ নামটা । শোনা গেল 'রোডেন্ট-হাউসে' একটি মাত্র  
মদদা 'কুসিমালি' টিকে আছে, সে বড় মনমরা হয়ে থাকে ; তাই তার  
জন্তে একটা মাদী কুসিমালি চাই । চাই তো বুঝলাম, কিন্তু তিনি  
ব্যক্তিটি দেখতে কেমন ? কোথায় নিবাস ? জীববিজ্ঞানের বইতে  
বলেছে, পশ্চিম-আফ্রিকাতেই ওদের পাওয়া যায় । কিন্তু যাঁকে  
নিমন্ত্রণ করতে যাচ্ছি তাঁর ঘনিষ্ঠ পরিচয়টা আগে দরকার । তাই  
একদিন লগুন-জুতে যেতে হল চক্ষুকর্ণের বিবাদ ভঞ্জন করতে ।

লগুন-জুর 'রোডেন্ট হাউসে' খুঁজতে খুঁজতে দেখি একটি খাঁচার  
সামনে কাঠের ফলকে লেখা আছে : KUSIMANSE ; কিন্তু খাঁচাটা  
খালি । তাহলে কি ইতিমধ্যে মারা গেছে ? ফলকটায় ওর জীব-  
বিজ্ঞানসম্মত ল্যাটিন নামটাও লেখা আছে : *Grossarchus obscurus* ।

কিন্তু ল্যাটিন নাম জেনে আমার কি ফয়দা ? জন্তুটার চেহারা,  
স্বভাব-চরিত্র, আচার-আচরণ সম্বন্ধে আমার ওয়াকিবহাল হওয়া দরকার ।  
কোথায় থাকে—গাছের ফোকরে না মাটির তলায় গর্তে ? কী খায় ?  
ধরা পড়লে তাকে খাইয়ে দাইয়ে বাঁচিয়ে রাখতে হবে তো ! হঠাৎ  
নজর হল—খাঁচার মাঝামাঝি একটা খড়ের গাদা । খাঁচাটা যদিও



ফাঁকা, কিন্তু ঐ খড়ের গাদাটা কামারের হাপরের মতো উঠছে নামছে ।  
 ব্যাপার কি ? কান পেতে শুনি, একটা ক্ষীণ নাক-ডাকার শব্দও  
 পাওয়া যাচ্ছে : ফুতুর-ফুতুর ! বুঝতে পারি—খাঁচাটা খালি নয়, ঐ  
 খড়ের গাদার নিচে শ্রীমান কুম্ভকর্ণ নিদ্রাগত ।

প্রতিটি চিড়িয়াখানাতে নির্দেশ দেওয়া থাকে—ঘুমন্ত প্রাণীকে  
 জাগানো মানা । এ নিয়ম আমিও খুব কঠোরভাবে মেনে থাকি ।  
 কিন্তু আজ আমি উপায়ান্তর বিহীন । গরজ বড় বালাই । এতটা পথ  
 এসেছি শুধু ওঁকে দেখব বলে । চিড়িয়াখানা দেখতে নয় ।

পকেট থেকে গাড়ির চাবিটা নিয়ে তারের জালতিতে টুক-টুক  
 শব্দ করি । একটু পরেই ওঁর ঘুম ভাঙলো । খড়ের গাদাটা নড়ে-  
 চড়ে উঠল । তার ভিতর থেকে বের হয়ে এল একটা সূচালো নাক ।  
 ধেড়ে ইহুঁরের মাপের । তার পিছন পিছন একজোড়া ঘুমে ঢুলুঢুলু  
 লাল চোখ : এতরাত্তিরে কে রে !

ও আমাকে দেখল । আমি বিনা বাক্যব্যয়ে পকেট থেকে একটা  
 সুগার-কিউব বার করে জালতির ফাঁক দিয়ে ধরে আছি । দেখা যাক  
 কী করে ।

সেটা নজরে পড়তেই ওঁর কণ্ঠ ভেদ করে যে শব্দটা বার হল তা  
 মুষিক-সুলভ । বঙ্গানুবাদে যার অর্থ : তাই বল ! তাই ডাকছিলে  
 বুঝি ?

তৎক্ষণাৎ শয্যাভ্যাগ এবং এক লক্ষ্যে আমার সন্নিহিতে । অনেকটা  
 বেজির মতো দেখতে, মাপেও তাই, হবে মুখটা অনেক বেশি সূচালো ।  
 আর এক ঝাঁক গোঁফ আছে সেই মুখে । ওঁর চটপটে ভাব আমাকে  
 আকৃষ্ট করল । ভয়-ডর বিশেষ আছে বলে মনে হল না । দিব্যি  
 আমার হাত থেকে একের-পর-এক অনেকগুলি সুগার কিউব খেল ।  
 আমার ভাঁড়ার শেষ হয়েছে এটা কিছুতেই মানতে চায় না । অনেক  
 কুঁই কুঁই করার পরেও যখন লবডঙ্কা ছাড়া আমার হাতে কিছুই দেখতে  
 পেল না তখন একটা 'ফোৎ' করল । এবার বঙ্গানুবাদে সেটা—'ছত্তোর  
 নিকুচি করেছে ।'

একছুটে ফিরে পেল খড়ের গাদায়। পুট্‌স করে ঢুকে গেল ভিতরে। বললে বিশ্বাস করবে, না দশ সেকেণ্ডের ভিতরেই খড়ের পাদাটা কামারের হাপরে পরিণত হ'ল। বোঝা গেল, 'নিজাটি আছে সাধা'!

'প্রথম দর্শনে প্রেম' বলতে যা বোঝায় আমার তাই হয়েছে। ঐটুকু সময়ের মধ্যেই কুসিমালি জীবটিকে ভালবেসে কেলেছি। স্থির করলাম—যেমন করে হ'ক, পশ্চিম-আফ্রিকায় পৌঁছে আমাকে ধরতে হবে—না, একটা নয়, একজোড়া কুসিমালি। মাদীটা দেব লগুন-জুকে, মদাটাকে রাখব নিজের কাছে।

মাসখানেক পরের কথা। আমি তখন ক্যামারুনের গভীর অরণ্যে। ক্যামারুন হচ্ছে আফ্রিকায়। নাইজিরিয়ার দক্ষিণে। লিস্ট মিলিয়ে অধিকাংশ জীব-জন্তুই আমার বন্দীশালায় না-মানুষ হচ্ছে। তাদের দেখ-ভালের কাজে আমার স্ত্রী এবং দুজন স্থানীয় খিদ্‌মদগার হিমসিম্ খেয়ে যাচ্ছে। আর আমি বনবাদাড় ঠেঙ্গিয়ে বেড়াচ্ছি বাকি কয়টি নিমন্ত্রিতের সন্ধানে। তালিকায় যে কটি প্রাণীর পাশে চেড়া-চিহ্ন পড়েছে তার মধ্যে আছেন শ্রীমান কুসিমালি। তার দেখা যে পাইনি তা নয়, কিন্তু ভারি শেয়ানা। ধরতে গেলেই ফুরুৎ!

প্রথম যেটার দেখা পেয়েছিলাম সেটা একটা নদীর ধারে। বহু দূর থেকে বাইনোকুলারে তার কাঁকড়া ধরার কায়দা লক্ষ্য করেছিলাম। রাকুন যেমন জলের মধ্যে থাপন জুড়ে বসে হাত ডুবিয়ে আতি-পাঁতি খুঁজতে থাকে, এর কায়দাটা সে রকম নয়। কুসিমালি জলে নেমে পড়ে—অল্প জলে, যেখানে তার ডুব জল নয়। নাকটা জেগে থাকে জলের উপর—অনেকটা সাব্‌মেরিনের চোঙের মতো, শ্বাস নিতে। নিচের ঠ্যাঙজোড়া হাঁটার জগ্‌, আর হাতছোটোর ব্যবহার শিকার ধরতে। কাঁকড়ার সন্ধান পেলেই জল থেকে টেনে তোলে; ডীপ-থার্ড-ম্যান যখন দেখে ব্যাটস্‌ম্যান তৃতীয় রান নিতে দৌড়াচ্ছে তখন যে ভঙ্গিতে বলটা পিক্‌-আপ করেই ছোঁড়ে অবিকল সেই ভঙ্গিতে কাঁকড়াটাকে ছুঁড়ে ফেলে ডাঙায়। খব্‌ল্‌ খব্‌ল্‌ করতে করতে এবার নিজে উঠে আসে। কাঁকড়াটা ছুটে জলের 'ক্রীজে' পৌঁছাবার

আগেই—‘হাউস চাট’! বসায় মক্ষম এক কামড়! ছ একবার  
 ব্যাঙও ধরল! কিন্তু জুং হল না। ব্যাঙটাকেও সে একই কায়দায়  
 ছুঁড়ে দিচ্ছিল ডাঙার দিকে, কিন্তু ব্যাঙ বাবাজী ওর চেয়েও খলিফা।  
 ডাঙায় তার শত্রু পৌছবার আগেই সে আবার এক লাফ মারে জলের  
 দিকে : ত্রিং !



ঘটনাটা বার তিনেক ঘটল। আমি আজও ভেবে পাইনা ঐ  
 মূর্খসম্রাট ব্যাঙটাকে ডাঙার দিকে ছুঁড়ে ফেলার আগে কেন যে একটা  
 মোক্ষম কামড় দিচ্ছিল না। কাঁকড়ার বেলায় তার অর্থ বোঝা যায় ;  
 কাঁকড়া শুধু ডিফেন্সে খেলে না, অফেন্সও চেনে। সে দাঁড়া উঁচিয়ে  
 থাকে! ফলে জলের চেয়ে ডাঙাতেই তার সঙ্গে মোকাবিলা

করা বুদ্ধিমানের কাজ। কিন্তু ব্যাঙ? এই সহজ ব্যাপারটা ঐ মোটা মাথার বুদ্ধিতে এল না। বারবার তিনবারই দেখলাম—ওভার বাউণ্ডারী! কুসিমাল্লির মাথার ওপর দিয়ে ব্যাঙ-বাবাজী ত্রিং করে লাফ দিয়ে পড়ল জলে। যেন বাউণ্ডারী-ঘেঁষা ডীপ স্কোয়ার লেগ ফ্যাল ফ্যাল করে দেখছে আকাশপথে চলেছে একটা ছক্কার মার।

আক্রমণাত্মক খেলায় যে এমন অপটু রক্ষণাত্মক খেলায় সে কিন্তু অতি ওস্তাদ। ওর ত্রিসীমানায় পৌঁছবার আগেই ও ঠিক বুঝতে পারে কোথা দিয়ে বিপদ ঘনিয়ে আসছে। আমার পায়ের শব্দই পায়, না গায়ের গন্ধ, কী-জানি। তৎক্ষণাৎ স্টুট-সার্ট। মুহূর্তে জঙ্গল একেবারে স্নুসান।

অনেক ফন্দি-ফিকির করেও কোনও কুসিমাল্লিকে পাকড়াও করতে পারিনি। তারপর একদিন নিতান্ত ঘটনাচক্রে তিন-তিনটে কুসিমাল্লি আমার তাঁবুতে এসে আশ্রয় নিল।

ওদের নিয়ে এল একজন আদিবাসী। জঙ্গলে সে উদ্ধার করেছে তালপাতায় বোনা একটা বাসা, তাতে তিনটে সছোজাত কুসিমাল্লি। প্রথমটা আমি চিনতে পারিনি। সছোজাত বেড়াল ছানার চেয়েও ছোট। হঠাৎ ওদের মধ্যে একটা বাচ্চা সূচলো নাকটা উঁচু করে আমার দিকে তাকালো। তৎক্ষণাৎ চিনে ফেলি! সেই ছুঁচো-ছুঁচা মুখ, সেই খোঁচা-খোঁচা গৌফ! যেন ও বলছে—কী স্মার? চিনতে পারলেন না? আমার ছোড়াছুর ভাইরাভাইয়ের বোনপোকেই না সুগার কিউব খাইয়েছিলেন লগুন-জুতে?

সবে চোখ ফুটেছে; কিন্তু দাঁত গজায়নি। ফাউন্টেনপেন-এ কালিভরার ড্রপার ছিল। কিন্তু এবারও সেটা মাপের বড় হল। ওদের হাঁ-মুখ আরও ছোট। এ জঙ্গলে বন্ধুতনয়ার ডল পুতুলের ফিডিং-বোতল আমি কোথায় পাব? একমাত্র সমাধান পলতে করে দুধ খাওয়ানো। দেশলাই কাঠির মাথায় তুলো জড়িয়ে নিলাম। দুধে-মিশিয়ে ঈষৎ করে খাওয়াতে থাকি। সব বাচ্চাই এদিক থেকে এক রকম। প্রথমে প্রবল আপত্তি,—মাথা ঘুরিয়ে নেবে, লাফ মেরে তেড়ে-

ফুঁড়ে উঠবে, চিল-চাঁচান চিল্লাবে। তারপর যেই ছুঁধের স্বাদ জিভে লাগবে অমনি তার ভোল পাশ্চটে যাবে। এবার কিন্তু বিপদ হল অগ্ন জাতের। এত জ্বোরে চুষছে যে, দেশলাই-কাঠির আলিঙ্গন অস্বীকার করে তুলোটা ওদের পেটে চলে যেতে চায়।

প্রথম ওদের আশ্রয় দেওয়া হল একটা বেতের ঝুড়িতে। বেশ শক্ত-পোক্ত। রাখতাম আমার ক্যাম্পখাটের পায়ের কাছে। কারণ মাঝরাতেও উঠে ছ-তিনবার ওদের খাওয়াতে হত। প্রথম সপ্তাত-ছয়েক ওরা বেশ লক্ষ্মী হয়ে ছিল। আহার আর নিদ্রা। কোনও ছুঁমি নেই। কিন্তু তৃতীয় সপ্তাহে যেই সামনের দাঁত বের হল অমনি ওদের ভোল গেল পাশ্চটে। কুটুর-কুটুর করে তিন ভাইয়ে মিলে বেতের ঝুড়িটা কাটতে শুরু করল। এখন ওদের মাঝে মাঝে আলো-হাওয়ায় বের করে আনা দরকার। সকাল বেলায় খাটে শুয়েই বেড-টি পান করা আমার একটা বিলাস। সেদিন সকালে বাচ্চা তিনটাকে বার করে আনলাম হাত বাড়িয়ে। ছোটোকে কস্থলের তলায় চাপা দিয়ে তিন-নম্বরটাকে হাতে তুলে নিই। দেখা যাক, প্লেট থেকে চুক-চুক করে খেতে পারে কিনা। বাচ্চাটার সূচালো নাক প্লেটে ছুঁইয়েছি কি ছোঁয়াইনি ষটে গেল একটা ছুঁটনা। দায়ী আর কেউ নয়, আমারই দক্ষিণ চরণ। গরম চায়ের পেয়ালাটা উশ্চটে পড়ল আমারই গায়ে। ঠ্যাঙের দোষে হাত পুড়ল। ঠ্যাঙকেই বা দোষ দেব কি? ইতিমধ্যে ছ-নম্বর কুসিমান্দি কস্থলের তলা দিয়ে চলে গিয়েছে আমার পায়ের দিকে। বুড়ো-আঙুলটাকে দেখে তার মনে হয়েছে একটা খাণ্ড্রব্য। মরণ কামড় বসিয়েছে ডান পায়ের বুড়ো-আঙুলে। আর আমার ডান-পা আমার অনুমতির অপেক্ষা না-করেই প্রতিবর্তী-প্রেরণায় আকাশ পানে একটা বাইসিকুল-কিক্ ঝেড়েছে।

তখনও বুঝিনি, অনেক কামড়ের এ শুধু সামান্য একটু ভূমিকা। ছ'চার দিনের মধ্যেই ওদের দৌরাভ্য চরণে উঠল। বেতের ঝুড়িটা কেটে-কুটে ফালা-ফালা করে ফেলার পরে বেশ মজবুত ধরনের আর একটা কাঠের খাঁচা বানাতে হল। তিন দিন। তৃতীয় দিনে ওরা থি

মাস্কেটিয়ার্স ওটাকে ফুটো করে বেরিয়ে এল। তখন আমরা কেউ বাড়ি ছিলাম না। ফলে ওদের খেচ্ছাচারে কেউ বাধা দেয়নি। ওরা প্রথমেই ঢুকেছিল—কী শেষানা দেখ—আমাদের ভাঁড়ার ঘরে। সেখানে খরে খরে সাজানো থাকে হরেক-রকম জীবজন্তুর নানান জাতের খাবার। সব কিছুই চেখে দেখেছে! কিছুই বাদ দেয়নি। যেটা খায়নি সেটা ফেলে-ছড়িয়ে ঘরময় মাখামাখি করেছে! ছ-ছড়া কলা, গোটা আর্স্টিক মুরগির ডিম, এক শিশি ভিটামিন ট্যাবলেট, মায় এক প্যাকেট বোরিক পাউডার! মুরগির ডিমের কুসুম সর্বাঙ্গে মেখে ভিজ্জে-গায়ে বোরিক পাউডারের বোতলে ঢুকলে তাদের যে খানদানি খোলতাই হবে এটা বোধ হয় তারা জানত না। তা সে যাই হোক, ভাণ্ডার জয় সমাপ্ত করে তারা এবার দিগ্বিজয়ে বার হয়ে পড়েছিল। অগ্ন্যান্ত বন্দী জীবজন্তুর তদারকিতে।

আমার সংগ্রহে সেই সময় ছিল একটা আফ্রিকান লোম-ওয়ালা হনুমান। নিতান্ত নির্বিরোধী ভালোমানুষ। তার নাম রেখেছিলাম : কোলি। সাত্বিক জীব, কলা-মূলা-ছোলা-মটর খায়, আপন মনে থাকে। আর বোধকরি ঊর্ধ্বমুখে পরকালের চিন্তা করে। সে সময় বেচারি আহারান্তে আরামে একটু যোগনিদ্রায় মগ্ন ছিল। তুর্ভাগ্যই বলতে হবে—মহাবীরের লাজুলটি খাঁচার ফোকর দিয়ে নিচে দড়ির আকারে ঝুলছিল। কুসিমালি থ্রি-মাস্কেটিয়ার্সের বোধকরি তখনও উদরপূতি হয়নি। ঐ দোহুল্যমান লাজুলটিকে খাওয়াব্যা মনে করে তিন ভাই একসঙ্গে ঝাঁপিয়ে পড়ে দিয়েছিল মোক্ষম কামড়।

আর যায় কোথায়! কোলি আপ্রাণ চিল্লাচ্ছে যন্ত্রণায়। লাফ দিয়ে সে উঠে বসেছে তার দাঁড়ে। কিন্তু কুসিমালিদের ঝেড়ে ফেলতে পারেনি। কোলির চিৎকার শুনে আমি ততক্ষণে ছুটে এসেছি। দেখি কোলি তার লেজটা প্রবলভাবে দোলাচ্ছে, আর কুসিমালি ভাইয়েরা সার্কাসের ট্রিপিস-খেলোয়াড়ের মত ছলছে। দোল-দোল-দোল দলুনি! কোলি কিছুতেই ওদের ছাড়াতে পারছে না। আমিও পারি না। শেষে ওদের নাকে মুখে সিগ্রেটের ধোঁওয়া ছাড়াই ওরা হাঁচল। কোলি বাঁচল।

দেশে ফিরে আসার আগে ওরা আমাদের পাঁচ সাতবার কামড়েছে । সত্যি কথা বলতে কি, লগুন-জুতে ওদের পৌঁছে দেবার পর আমার স্বস্তির নিঃশ্বাস পড়ল । চিড়িয়াখানার ডিরেক্টর বললেন, এ কী ? তিনটে কেন ; আমরা তো মাত্র একটি চেয়েছিলাম ?

আমি বলি, দুর্লভ জীব ! ধরা পড়ল তিনটে । তাই তিনটিকেই নিয়ে এসেছি ।

—কিন্তু আপনি যে বলেছিলেন, একটা আপনি নিজের পুষবেন ?

সত্যি কথাটা বলিনি । বললাম, সেটা স্বার্থপরতা হত । এমন দুর্লভ জীবকে চিড়িখানাতে রাখাই উচিত । তাহলে সবাই দেখতে পাবে ।

উনি খুব খুশি । আশ্রো !

কুসিমালির যে পরে জীবটির পিতৃহের দায় গ্রহণ করতে হয়েছিল সেটি একটি প্রকাণ্ড পিপীলিকাভুক—জায়েন্ট অ্যান্ট-স্টার ।

সেটা আমাদের হেপাজতে এল নিতান্ত দৈবক্রমে ।

সেবার আমি সস্ত্রীক গিয়েছিলাম প্যারাগুয়েতে । একই উদ্দেশ্যে । প্যারাগুয়ে এক বিচিত্র দেশ, দক্ষিণ আমেরিকার ঠিক মধ্যখানে । সেখানেই থানা গেড়েছিলাম কয়েক মাসের জন্ম । নানান জীবজন্তু সংগ্রহ করে প্রায় একটা ছোটখাটো চিড়িয়াখানাই বানিয়ে ফেলেছি । একাজে নানান ধরনের ঝামেলা বাধে—সেসব কথা কিছু তোমাদের শুনিয়েছিও ; কিন্তু ‘রাজনীতি’ যে আমাদের অন্তরায় হয়ে দাঁড়াতে পরে এটা কোনদিন কল্পনাই করিনি ! এবার তাই হল । প্যারাগুয়ের মানুষ হঠাৎ সিদ্ধান্ত নিয়ে বসল—তারা একটা সশস্ত্র বিপ্লব ঘটাবে । তাতে সরকারের পতন হোক না হোক, বেশ কিছু বিপ্লবী এবং সমাজ-বিরোধী কয়েদী জেল ভেঙে পালালো । সেই টেউ এসে লাগল আমাদের অস্থায়ী চিড়িয়াখানাতেও । আমরা বিদেশী ; কিন্তু কে শোনে সে-সব কথা ! হু দলই বলে, হয় আমাদের দলে এস, না-হলে জাহান্নমে যাও । একসঙ্গে তো বিপক্ষ হু-দলে যোগ দেওয়া চলে না, ফলে জাহান্নমের বদলে স্বদেশে ফেরার ব্যবস্থাটাই পাকা করতে হল ।

এমন অবস্থায় এই বিরাট জীবজন্তুর বহর নিয়ে যাওয়া চলে না। এখানেই বা কে তাদের দেখভাল করে? অনেক আর্থিক ক্ষতি স্বীকার করে 'বর্ন-ফ্রি'দের বনে ছেড়ে আসতে হল। অনেক চেষ্টা-চরিত্র করে আর্জেন্টিনা-গামী একটি চার আসন যুক্ত ছোট্ট প্লেনে আমাদের স্বামীস্ত্রীর সীট রিজার্ভ করা গেল।

পরদিন আমাদের প্লেনটা ছাড়বে। জন্তু জানোয়ারদের তার আগেই জঙ্গলে ছেড়ে দিয়ে এসেছি। সেদিন সারারাত স্বামীস্ত্রী মিলে আমরা গোছগাছ করলাম। ভোর রাতে আমরা রওনা দেব বলে তৈরী হয়ে বসে আছি, এমন সময় একজন স্থানীয় শিকারী সাইকেলে চেপে আমাদের তাঁবুতে এসে হাজির। তার কেঁরিয়ারে একটা চটের থলে। লোকটা সাইকেলটাকে একটা গাছের গায়ে ঠেকিয়ে রেখে ছুটতে ছুটতে এল। বললে, সমস্ত রাত সাইকেল চালিয়ে এই জঙ্গলের পথটা পারি দিয়েছি স্মার। শুনলাম, আজ সকালেই নাকি আপনারা চলে যাবেন। এই নিন, যা চেয়েছিলেন।

কী আছে ওর থলেতে? কত লোকের কাছেই কত কী বায়না জানিয়ে রেখেছি। এটা চাই, সেটা চাই। তখন কি জানি প্যারাগুয়ের মানুষজন এমন একগুঁয়ে হয়ে বিদ্রোহ করে বসবে? থলের মুখ খুলতেই বার হয়ে পড়ল একটা তুলভ জীব—জায়েন্ট অ্যান্ট-ঈটারের একটা বাচ্চা। সপ্তাধানেকও বয়স হয়নি তার। পূর্ণবয়স্ক একটা ঐ-জাতের পিপীলিকাভুক একটা অ্যালসেশিয়ানের চেয়েও বড় হয়। এটার এখনকার মাপ একটা মাঝারি-সাইজের বেড়ালের মত। সূচালো নাক, কুৎকুতে চোখ, সারা গায়ে মখমলের মতো লোম। লোকটা বলল, বাচ্চাটা জঙ্গলে কেঁদে কেঁদে ফিরছিল; ওর মা-টা বোধহয় জাগুয়ারের পেটে গেছে।

এ কী বিপদ! লোকটা আমার কথার উপর নির্ভর করে এতটা পথ সারারাত-ধরে সাইকেল চালিয়ে এসেছে। ওটাকে নিই-না-নিই দাম দিতে হবে। কিন্তু না নিলে এই মাতৃহীন সন্তোজাত শিশুটা বাঁচবে কেমন করে? আবার নিতে হলে মালপত্র কমাতে হবে।



সেটা অসম্ভব ; কারণ শতখানেক জীবজন্তুকে মুক্তি দিয়ে মাত্র পাঁচ-ছয়টি অতি দুর্লভ জীবকে নিয়ে ফিরে যাচ্ছি । এ থেকে কাউকে বাদ দেওয়া যাবে না । স্ত্রী বুঝতে পেরেছেন আমার মনের অবস্থা ; কিন্তু কী বলবেন তা বুঝে উঠতে পারছেন না । ঠিক তখনই এসে গেল স্টেশন ওয়ানটা—যেটা আমাদের এয়ার-স্ট্রিপে পৌঁছে দেবে । আমরা দুজনেই চেয়ার ছেড়ে উঠে দাঁড়াই ।

মোটর গাড়ির শব্দে ভয় পেয়েই হোক, অথবা প্রাণধারণের তাগিদে আমাদের মনোভাবটা আন্দাজে বুঝতে পেরেই হোক, বাচ্চাটা এক লাফে এসে পড়ল আমাদের দুজনের মাঝখানে । একবার পর্যায়ক্রমে আমাদের দুজনকে দেখে নিয়ে কী-জানি-কেন বেছে নিল আমার স্ত্রীকে । পিছনের দু'পায়ে ভর দিয়ে দাঁড়িয়ে উঠল এবং সবলে জড়িয়ে ধরল তার ডান পায়ের গোছা ।

যেন পায়ে ধরে মিনতি করছে : আমাকে ফেলে যেও না !

আমার স্ত্রী ওটাকে কোলে তুলে নিলেন । বিচিত্র হাসলেন । তারপর আমার দিকে ফিরে বললেন, টাইপ-রাইটারটা বরং বাদ যাক ।

আর্থিক লোকসান সন্দেহ নেই । অ্যান্ট-স্টারটা বাঁচবে কি না কে জানে ? বাঁচলেও তার বিক্রয়মূল্য ঐ রেমিংটন যন্ত্রটার অর্ধেকও হবে না । হয়তো সে কথাই বলতে যাচ্ছিলাম, হঠাৎ দেখি আমার স্ত্রী চরণাশ্রিত বাচ্চাটাকে কোলে তুলে নিয়ে তার লোমেভরা মাথায় চুমু খাচ্ছেন ।

বলা হল না । পিপীলিকাভুকের বাজারদর আমার জানা ছিল ; মাতৃস্নেহের বাজার দরই কি জানি ছাই ? ফলে ঐ লোকটাকেই দিয়ে দিলাম যন্ত্রটা । সে তো তাজ্জব ।

জন্তুটাকে নিয়ে প্লেনে করে যেভাবে এসেছি তাতে নিজেই অবাধ হই । ড্রপারে করে কত-কত জীবজন্তুকেই তো ছুঁ খাইয়েছি ; কিন্তু এঁর ছুঁ খাওয়ার চণ্ডটা আবার অগুরকম । তাতে আবার আমরা অনভ্যস্ত । মায়ের দেহটা মোক্ষম করে জড়িয়ে না ধরলে মাতৃস্নেহ থেকে ছুঁ বার হবে না এটাই ওর ধারণা ; সেই যে কী বলে যেন ? হ্যাঁ, 'জন্মগত সংস্কার' । তাই খোকন যখন ছুঁ খাবেন তখন আমার একখানা ঠ্যাঙ

তার কাছে গচ্ছিত রাখতে হবে। তিনি কষে আমার জানুটাকে জড়িয়ে ধরে তবে বোতলে মুখ ছোঁয়াবেন! এদিকে তার প্রচণ্ড বড় বড় নখ। আমার প্যাণ্ট তো ছাড়, উরুর চামড়াই ছিঁড়ে গেল। অল্প কোন জীবকে আমরা স্বামীস্ত্রী পালা করে ছধ খাওয়াতাম; কিন্তু এঁকে ছধ খাওয়াবার দায় ছিল শুধু আমার। পরশুরাম মাতৃহত্যা করেছিল কুঠারের আঘাতে; কিন্তু ইনি বোধকরি সেটা করতে চান, যে-কায়দায় ভীম কাৎ করেছিল ত্র্যম্বককে! ফলে আমি একাই যন্ত্রণাটা সহ্য করি।

ওখানে পৌঁছেই আমি ঠ্যাঙ জোড়াকে মুক্তি দিতে একটা লাঠির গায়ে খড় ও কবুল জড়িয়ে বিকল্প ঠ্যাঙ বানালাম। 'সারা' সেটাকেই ওর মায়ের দেহ বলে ধরে নিল। ও! বলতে ভুলেছি, ঐ মাদী পিপীলিকাভুকটার নামকরণ করেছিলেন আমার স্ত্রী : সারা!

বাচ্চাকে ছধ খাওয়ানোর ক্ষমতা নেই, তাই বলে নামকরণ করবেন না কেন?

বুইনস্ এর্স-এ বেশ কিছুদিন অপেক্ষা করতে হল পরবর্তী জাহাজের জন্ম। সেখানে আমাদের অনেক জানা-শোনা বন্ধু-বান্ধব ছিল। অনেকেই টেলিফোনে খবর পেয়ে সারাকে দেখতে এল। জায়েন্ট-অ্যান্ট-স্টার সব 'জু'-তে থাকে না। দর্শক পেলে সারা ভারি খুশি। সে দু-চারদিনের মধ্যেই নিজেকে একটা ভি. আই. পি ঠাওরালো। অবশ্য স্মরণীয় জন্ম বন্ধু মহলে আমাদের বদনামও হল কিছুটা। তা তো হতেই পারে। জমাটি ডিনার পার্টির মাঝখানে হঠাৎ 'সারা'-কে ছধ খাওয়াবার আছিলায় যদি কোনও অতিথি বাড়ি ফিরতে চায়, অফলে 'হোস্টেস' তো ক্ষুব্ধ হতেই পারে। বিশেষ, 'তা বাচ্চাটাকে সঙ্গে করেই আনলে পারতে?'—প্রশ্নের জবাবে যদি শুনতে হয়,—'না সারা আমার মেয়ে নয়, পিপীলিকাভুক'—তখন অবস্থাটা কী দাঁড়ায়?

জাহাজে ফিরতে প্রায় তিন সপ্তাহ লাগবে। সারা জাহাজে চড়ে দারুণ খুশি। কারণ সেই একই। যাত্রীরা তাকে পালা করে দেখতে আসত। দর্শক পেলেই সারার মেজাজ খুশু। নানান কায়দা-কেরামতি সে দেখাতো দর্শকদের। চিৎ হয়ে শুয়ে আকাশ ঝাঁচড়ানো, এক হাত

লম্বা জিভ বার করে দর্শকদের চমকে দেওয়া অথবা আনন্দের আতিশয্যে তাদের লালাসিক্ত করে দেওয়া।

জাহাজে উঠে প্রথম কদিন খুব ঝামেলার মধ্যে পড়তে হয়েছিল অবশ্য। হঠাৎ কি যে হল, সারা আহার ত্যাগ করে বসল। একেবারে আমরণ অনশন! কিছুতেই বোতলে মুখ দেবে না। কী হল? এমন অনশনের কী কারণ থাকতে পারে? তার মাথায় হাশ্ব বুলাই, পেটে স্বরসুরি দিই, তার আলিঙ্গনের মধ্যে খড়-জড়ানো লাঠিটা গুঁজে দিই— কিন্তু না! কিছুতেই সে ফিডিং বোতলটায় মুখ দেবে না!

আমাদেরও নাওয়া-খাওয়া ঘুচলো। আমার স্ত্রী বলেন, হঠাৎ কী হল বল তো? অসুখ-বিসুখ করেনি তো।

অসুখ-বিসুখের কোনও লক্ষণ আমার নজরে পড়েনি। পরিবর্তনের মধ্যে জাহাজের দোলানিটা। কিন্তু তা-ও স্তো নয়, খাবার সময় ছাড়া সে তো বেশ মনের স্ফুর্তিতে আছে। দোলানির জন্ম কষ্ট হলে সে কি দর্শকদের তার কেলামতি দেখাতে অত উদ্গ্রীব হতে পারে?

হঠাৎ একটা কথা খেয়াল হল। জাহাজে ওঠার আগে ওর ষোল্লের জন্ম একটা নতুন 'স্ট্রিট' কিনেছিলাম। তাতেই কি...

স্ত্রীকে প্রশ্ন করি, পুরানো স্ট্রিটটা কোথায়?

উনি রাগ করে বলেন, বুইনস্ এয়ার্সের কোন্ ডাস্টবিনে সেটা ফেলে এসেছি তা ডায়েরিতে লিখে রাখার কথা মনে ছিল না। কেন?

আমার ততক্ষণে বুদ্ধি খুলেছে। বোতল থেকে রবারের টাট্টা খুলে নিয়ে সেটাকে বেশ করে কার্পেটে ঘষে নিলাম। বেশ ফাটা-ফাটা রঙ-চটা পুরানো-পুরানো দেখতে হল। তারপর সেটা ভালো করে ধুয়ে নিয়ে আবার বোতলে লাগাই। উনি বলেন, ওটা কী করছ?

আমি জবাব দিইনি। এবার বোতলটা ওর মুখের কাছে ধরলেই একবারে ঝাঁপিয়ে এল। খিদে ছিল প্রচুর। ফলে হাঁ-হাঁ করে খেতে থাকে। ভাবখানা, 'এই তো সেই চেনা মিনি!'

লণ্ডন-ডক্-এ পৌঁছেই আর এক কাণ্ড! আমরা যে দক্ষিণ আমেরিকা থেকে বহু জাতের দুগ্ধপায় জীবজন্তু নিয়ে লণ্ডনে আসছি

এটা জানাজানি হয়ে গেছিল। ওরা তো জানে না, শেষ পর্যন্ত অধিকাংশকেই আবার জঙ্গলে ছেড়ে দিয়ে আসতে হয়েছে। যাই হোক লগুন-ডক-এ পৌঁছে দেখি, কয়েকজন ক্যামেরাধারী সাংবাদিক আমাদের জন্ত প্রতীক্ষারত। বাধ্য হয়ে ইন্টারভু দিতে হল। সেখানেও সারা খুব কৃতিত্বের পরিচয় দিল। সারাকে পিঠে নিয়ে আমাকে দাঁড়াতে হল ডেক-এ ছবি তোলার জন্ত। আমার পিছন থেকে সারার চারটি থাবা ও কাঁধের উপর দিয়ে মুখটুকু বেরিয়ে আছে। অনেকেই ছবি তুলল। একজন ক্যামেরাম্যানের কী হুমতি হল—আরও ‘ক্লোস-আপ’ নেবার জন্ত তিনি এগিয়ে এলেন। তাঁর ধারণায় দূরত্বটা যথেষ্ট নিরাপদ! কিন্তু সারার জিহ্বা যে এক হাত লম্বা এ তথ্যটা তাঁর জানা ছিল না। তিনি সারাকে টিপ করছেন; কিন্তু সারা তাঁর আগেই শাটার টিপল; অর্থাৎ সড়াৎ করে তার এক হাত লম্বা জিবটা বার হয়ে এল। আর দেখ-না-দেখ ক্যামেরাধারীর চশমাটা চলে এসেছে তার মুখে।

আমি অনেক বোঝাবার চেষ্টা করলাম যে, সারা তাঁকে বিশেষভাবে সম্মান দেখাতেই এই কেরামতিটা দেখিয়েছে। এত এত চশমাধারীর মধ্যে শুধু মাত্র তাঁকেই বেছে নিয়েছে। কিন্তু ভদ্রলোক তাতে কান দিলেন না। গজগজ করতে করতে রুমাল দিয়ে চশমার কাচ দুটো মুছতে থাকেন।

জাহাজঘাটা থেকে সারা সোজা চলে গেল ডিভনশয়ারের এক চিড়িয়াখানায়। আমরা দুজনেই অত্যন্ত মর্মান্বিত। সারা কিন্তু বেশ মনের ফুটিতেই গিয়ে ঢুকল ওর খাঁচায়। ভ্যানের উপর রাখা ছিল সেটা। বেচারি বোধ হয় বুঝতে পারেনি, আমরা তার সঙ্গে বিশ্বাসঘাতকতা করেছি। তাকে ত্যাগ করেছি।

লগুনে পৌঁছাবার পর সারা কেমন আছে, কী খাচ্ছে, ইত্যাদি সংবাদ চিড়িয়াখানার কর্তৃপক্ষ প্রায়ই আমাকে টেলিফোন করে জানাতেন। সে নাকি বেশ লক্ষ্মী হয়ে আছে। শুনে আমাদের খুশি হবার কথা; উশ্টে মনে মনে বলতাম—অকৃতজ্ঞ!

মজা দেখ, যেন সেই আমাদের সঙ্গে বিশ্বাসঘাতকতা করেছে।

মাসখানেক পরে ‘ফেস্টিভ্যাল হল’-এ আমার একটা বক্তৃতার

আয়োজন হল। দক্ষিণ আমেরিকার আরণ্যক-জীবনের উপর স-স্লাইড বক্তৃতা দিতে হবে। কর্মকর্তারা বলেন, ঐ সঙ্গে আপনার ধরে-আনা ছ-একটি প্রাণীকে চাক্ষুষ দেখাতে পারলে বক্তৃতাটা আরও আকর্ষণীয় হবে। তখনই মনে পড়ল সারার কথা। টেলিফোনে অনুরোধ জানাতে ওঁরা এক কথায় রাজি হয়ে গেলেন।

প্যাডিংটন স্টেশানে আমি আর আমার স্ত্রী গিয়েছি সারাকে রিসিভ করতে। সারা ইতিমধ্যে প্রকাণ্ড হয়ে গেছে। প্রায় পাঁচ ফুট! বিশাল একটা খাঁচায় তাকে ট্রেনে করে আনা হয়েছে। প্ল্যাটফর্মে সেদিন সবাই ভ্রমড়ি খেয়ে পড়ল সারাকে দেখতে। আমাদের দেখতে পেয়ে সারাও আনন্দে আত্মহারা। স্টেশান প্ল্যাটফর্ম থেকে বাইরে অপেক্ষমান ভ্যানে তাকে খাঁচাশুদ্ধ নিয়ে আসা বড় সহজ হল না। কারণ কেউই খাঁচাটাকে ঠেলতে রাজি নয়। তাদের দোষই বা দিই কি করে? তার দেড়-হাত লম্বা জিবকে সবাই ভয় পাচ্ছে। যা হোক, ডব্লু মজুরি কবুল করে কোনক্রমে গাড়িতে তোলা গেল। 'লেকচার হল'-এ নিয়ে এসে তাকে প্রথমে রাখা হল পিছনের ড্রেসিংরুমে। একটু পরেই লোকজন এসে গেল। খাঁচাটাকে স্টেজের পাশেই কুইক-চেঞ্জিং গ্রীনরুমে রেখে আমি বক্তৃতা দিতে মঞ্চে প্রবেশ করলাম। সারার লাফানি-ঝাঁপানিতে তিত্তিবিরক্ত হয়ে আমার স্ত্রী ওকে খাঁচা থেকে বার করে আদর করতে থাকেন। সারা লম্বায় এখন তার সমান। তার আলিঙ্গনে বেচারি কাবু। আমি এসব জানি না, কারণ আমি তখন মঞ্চের উপর 'দক্ষিণ-আমেরিকার জঙ্গলে'!

হঠাৎ একটা নাটকীয় কাণ্ড ঘটে গেল। কর্মকর্তাদের মধ্যে একজন হতুদন্ত হয়ে আমার বক্তৃতায় বাধা দিলেন। আমার কানে কানে বললেন, শিগগির আসুন! হিংস্র জন্তুটা আপনার স্ত্রীকে আক্রমণ করেছে!

অবিশ্বাস্য ব্যাপার। নামেই 'জায়েন্ট অ্যান্ট-স্টার'। স্বভাবে সে 'জায়েন্ট' বা দৈত্য নয়। আদৌ হিংস্র নয়। তাছাড়া সারা আমার স্ত্রীকে...

মুশকিল হয়েছে কি, ভদ্রলোক যখন আমার কানে কানে এই গুহ্য বার্তাটি শোনাচ্ছিলেন তখন তাঁর মুখ ছিল মাইক্রোফোন মাউথ পীসের কাছাকাছি। ফলে সমস্ত দর্শকমণ্ডলী উত্তেজিত। আমি কী করব, কী বলব বুঝে উঠতে পারছি না। এমন সময়ে মুহূর্তে মুশ্কিল-আসান হয়ে গেল। উইংস-এর আড়ালে দাঁড়িয়ে আমার স্ত্রী সব কিছুই দেখতে পাচ্ছিলেন। ভদ্রলোকের গোপনবার্তা স্বকর্ণে শুনেছেনও। তাই কালবিলম্ব না করে তিনি ঐ আলিঙ্গনবদ্ধ অবস্থাতেই সরাসরি মঞ্চের উপর উঠে এসেছেন। যাকে বলে নাটকীয় প্রবেশ, আর কি! সারা তখনও তাঁকে আঁকড়ে শূন্যে ঝুলছে। তিনি এগিয়ে এসে মাইকে বললেন, আপনারা বিচলিত হবেন না। সারা অনেকদিন পরে তার মাকে দেখতে পেয়ে একটু আদর সোহাগ জানাচ্ছে মাত্র।

করতালিতে ফেটে পড়ল প্রেক্ষাগৃহ।

সারার দৃষ্টি ক্ষীণ। ইতিউতি তাকিয়ে সে বুঝতে পারল না এত



সে সন্ধ্যায় সারাই হিরোইন

শব্দ কোথা থেকে আসছে। আমাকে দেখতে পেয়েই সে কোল বদল করে ঝাঁপিয়ে আমার বুকে এল।

সে সন্ধ্যায় সারাই হিরোইন!

সেবার কিন্তু তাকে খাঁচায় বন্দী করে চিড়িয়াখানায় ফেরত

পাঠাতে রীতিমতো বেগ পেতে হয়েছিল আমাদের। আগের বারের  
অভিজ্ঞতার জগুই হোক, অথবা বয়স বেড়েছে বলেই হোক, এবার সে যেন  
বৃদ্ধিতে পেরেছে—বাপ-মায়ের বুক থেকে তাকেও ওরা ছিনিয়ে  
নিয়ে যাচ্ছে!

গতকাল আমি চিড়িয়াখানার কর্তৃপক্ষের কাছ থেকে একটি চিঠি  
পেয়েছি। ওঁরা দক্ষিণ আমেরিকা থেকে সারার একটি মাথীকে  
সম্প্রতি আমদানি করেছেন। বয়সে সে সারার চেয়ে সামান্য ছোট।  
তা হোক, সে দ্রুত ডাগরটি হয়ে উঠছে। দু'টিতে ভাবও হয়েছে।

আশা করছি, এ লেখা ছাপাখানা থেকে বের হয়ে আমার আগে  
আমি দাদামশাই হয়ে যাব!

---





